

SAN LUCAS

Lucas Añurije Queti cū ca owarique, Jesús're, “Israel yaa pooga macārã wadore ca ametueneru niirucumi; tĩrũtũrũ cūja ca ïi yue jũo dooricu niimi,” ïi wedeti. “Niipetirã bojocare ca ametuenequ niimi,” ïi wede. Ate Añurije Queti, Jesús ati yeparũ niigu cū ca tiiriquere, aperã cūja ca owarique ametuenero wede.

Ati pũurore ca owaricu, “Jesús cū ca biipere cūja ca owaquĩriquepũre ïa cõõña peticã, ñucã cū ca tii niirique cãare añuropũ jãĩña tũo peticãri jiropũ cū ca bii jũo dooricarore bii jañuro yũ owawũ,” ïi wedemi (1.1-4).

To biri cū ca baariquere, daquegu niigu cū ca biiriquere, ñucã Uwo Coeri maju Juan, Jesús yee maquẽre cū ca wede jũguerique cãare, Mateo cū ca wederique ametueneropũ wedecã (1.5—2.52).

Mateo, Marcos cūja ca owaricarore birora Lucas cãa, bojocare Uwo Coeri maju Juan cū ca tii niiriquere (3.1-20), Jesús cū ca uwo ecoriquere, ñucã Satanás're cū ca ïi buiyee ecoriquere (3.21—4.13), wederi jiro, Galilieapũ cū paderiquere bau niiro cū ca tii jũoriquere wede nũña waa (4.14—9.50). Tee jirore Galilea ca niiricu Jerusalén'pũ cū ca waa tũjariquere wede nũña waa (9.51—19.27), cũre ñeeri ñañaro cũre cūja ca tii cõarica semanare ca biiriquere (19.28—23.56), to biri bii yairi jiro cati tua, cū buerãre cū ca baua eariquere, mũmũreco tutipũ cū ca tua mũa waariquere, wede yapano ea (cap. 24).

Ate Añurije Queti wadore, paũ wãmeri owarique nii, aperã cūja ca owatiriquere. Jesús bau niiro cū ca paderique maquẽ peera, nea poo juu buerica wii, Nazaret macã wiire cū ca ïagu eariquere, to biicãri cũjare buegu, Isaías niiquĩricũ cū ca owariquerũre ïi paa tuuri cū ca wederiquere, ñucã Mũmũreco Pacũ yũũ Añuri Yeri cū ca majioro mena ca boo pacarãre, “Añurije Quetire yũre wede dotimi,” cū ca ïiriquere, “Yũ ca tiipere ïigu ïiupi,” cū ca ïiriquere wede. Ca boo pacarã yeere, ñañaro ca biirã yeere, ñañaro ca tii ecorã yeere, cū ca owarique maquẽ, ca nii majuropeerije niiro bii, ati pũurore. Jesús cū ca baaparo jũguero ca biiriquere, ñucã mũmũreco tutipũ cū ca mũa waariquere wedero, Añuro mani ca mũjea niiro manire tii, ate Añurije Queti.

Ca bojoca añugũ samaritanore, cū macũ ca waa yairicu cū pacũ pũto cū ca tua eariquere, cū ca ïi cõõña wederique ati pũuro wadore nii.

Jesucristo yee Añurije Quetire Lucas cū ca owarique

1 ¹Paꝝ, Ʋmꝛeco Pacꝝ mani watoare cū ca tii niirique quetire, ca bii nꝛnꝛa dooricarore birora owa nꝛnꝛa dooupa, ²jĩcāto cū mena ca nii jꝛoricarā cū ca tiirijere ca ĩaricarā, jiroꝑꝛa yua tee quetire cū ca wede dotiricarā, manire cūja ca wedericarore birora. ³Yꝛ cāa, jĩcātoꝑꝛa Jesús cū ca bii jꝛo doorique niipetirore añuro jāiña bue tꝛgoeña maji peticāri, “Añu majuropecā, to birora bijjapa,” ĩi majiri, cū ca bii nꝛnꝛa dooricarore birora mꝛre yꝛ owa cojo Teófilo, ⁴mꝛre cūja ca bueriquere “To birora bijjapa,” mꝛ ca ĩi majipere biro ĩĩgꝛ.

Ʋmꝛeco Pacꝝ ꝑꝛto macū, Juan cū ca bauapere cū ca wederique

⁵Herodes, Judea yepa wiogꝛ cū ca niiri cuure niĩupi jĩcū pai, Zacarías ca wāme cꝛtigꝛ, Abías niiquĩricꝛ yaa puna macū, cū nꝛmo Elizabet cāa, Aarón niiquĩricꝛ yaa puna macō niĩuro. ⁶Cūja ꝑꝛarāꝑꝛa, Ʋmꝛeco Pacꝝ cū ca ĩa cojoro ca bojoca añurā niĩupa; Ʋmꝛeco Pacꝝ cū ca dotirijere, doti cūurique ca ĩirijere, tee ca ĩirore biro ca tii nꝛnꝛjeerā, to biri noa pee, “Ñañarā niĩma,” cūjare ĩi majitiupa. ⁷Tee peere cū nꝛmo Elizabet, ca puna manigo cō ca niiro macā, ca

puna manirā niĩupa. Ñucā, cūja ꝑꝛarāꝑꝛa mee bꝛcꝛrā peti niĩupa.

⁸Jĩcā rꝛmꝛ Zacarías cū mena macārā paia mena Ʋmꝛeco Pacꝝ cū ca bojoca cꝛti niiri jawipꝛe cūjare paderique ca niiro, ⁹Ʋmꝛeco Pacꝝ cū ca bojoca cꝛti niiri jawipꝛe, yucꝛ díi ca jꝛti añurije ca joe mꝛenegꝛ waarꝛe cūja ca bejerucuricarore biro tiirā, Zacarías're cūre beje bꝛaupa. ¹⁰Ca jꝛti añurijere joe jꝛti añu mꝛenerica tabe ca earo, macā yepa peera bojoca niipetirā boca juu bue cote niĩupa.

¹¹Zacarías, ca jꝛti añurijere cū ca joe mꝛene niiro, ca jꝛti añurijere joe mꝛenerica tutu díamacū nꝛña peere jĩcū Ʋmꝛeco Pacꝝ ꝑꝛto macū cūre baua ea nꝛcāupi. ¹²Cū ca baua ea nꝛcāro ĩagꝛ, Zacarías pea ꝛcꝛa yaicoa, bꝛaro uwi, biĩupi. ¹³To biro cū ca biiro, Ʋmꝛeco Pacꝝ ꝑꝛto macū pea o biro cūre ĩiĩupi:

—¡Zacarías, uwieto! Mꝛ ca jāi juu buerucurijere tꝛomi Ʋmꝛeco Pacꝝ. To biri mꝛ nꝛmo Elizabet, jĩcū mꝛre macū cꝛti bojarucumo, Juan cūre mꝛ ca wāmeo tiĩꝑꝛe. ¹⁴Bꝛaro mꝛ ꝛjea niĩrucu. Ñucā ꝑꝛ ꝛjea niĩrucuma, cū ca bauaro ĩarā. ¹⁵Mꝛ macū, watoa macū méé niĩrucumi

Ɛmureco Pacu cū ca ĩa cojorore. Ɛje ocore, jinirique ca niñaarijere, jinitirucumi. Mee, cū ca bauaparo jūgueropura, Añuri Yeri mena niicārucumi. ¹⁶Ñucā pau israelitas, Ɛpu cūja Ɛmureco Pacure cūja ca tuo nūnajeero tiirucumi. ¹⁷Cū Juan, Wioḡu cū ca dooparo jūguerore, Elías niiquīricure biro yeri cuti, cūre biro tutua, bii jūgue waarucumi, ca pacua cūja puna mena añuro cūja ca niiro tii, ca ametuene nūcārāre ca ñañarije manirā cūja ca majirije pee cūjare tii majio, tiirḡu. O biro tiiri, cūjare wede majio jūguerucumi, Wioḡu cū ca earo añuro cūja ca ĩa majipere biro ĩḡu —ĩupi.

¹⁸To biro cū ca ĩiro, Zacarías pea o biro cūre ĩi jāiñaupi:
—¿Do biro pee biicāri, atere “Yee méé ĩimi,” yu ĩi majibogajati? Bucu peti yu nii. Yu nūmo cāa, bucuo niimo —cūre ĩupi.

¹⁹To biro cū ca ĩiro, o biro cūre ĩi yūnupi:

—Yua Gabriel yu nii, Ɛmureco Pacu yure cū ca dotirijere tiḡu yu tii. Cūra, mū mena wede peni, ate añurije quetire mure wede, yure tii doti cojojāwi.


²⁰To biri mecūra, mure yu ca wedejārijere díamacū yure mū ca tuotirije wapa, ca wedetigū mū tuarucu, mure yu ca wedejārije yu ca ĩjārore biro mure ca bii petiropu, mū wederucu ñucā —ĩupi Zacarías're.

²¹To biro cūre cū ca ĩi nii ditoye, macā peera Zacarías're yue niirā bojoca pea, “¿Ñee tiḡu to cōro yoaro tii jawipure cū biicā niigajati?” ameri ĩi jāiña niupa. ²²To biro cūja ca ĩi niirucuro witi eagū, do biro tii wede majitiupi. To biro cū ca biro ĩari, “Ɛmureco Pacu cū ca bojoca cuti niiri jawipure jīcā wāme cūre ca bii ĩñorijere ĩajacupi,” ĩi majiupa. Ca wedetigū niima ĩḡu, cū amori mena tii cōñarique mena wado wedeupi.

²³Ɛmureco Pacu yaa wiipu cū ca paderi rūmuri ca petiro, cū yaa wiipu tuacoaupi ñucā Zacarías. ²⁴Ate jiro, cū nūmo Elizabet ūtaaga nii jūo dooupo. Jīcā amo cōro niirā muipūa peti wii witiri méé, o biro ĩi tūgoñacā niirucuupo: ²⁵“Mecūra, Ɛmureco Pacu o biro yure tiimi, ‘Ca puna manigo niimo,’ yure cūja ca ĩi wede paitipere biro ĩḡu,” ĩiupo.

Ɛmureco Pacu puo macū, Jesús cū ca bauapere cū ca wederique

²⁶Jīcā amo peti, ape amore jīcāga penituario ca niirā muipūa jiro, Ɛmureco Pacu, cūre queti wede bojari majū Gabriel're, Galilea yepa macā macā Nazaret'pu tiicojoui, ²⁷María, jīcū ūmū mena ca nii ñaatigore wioḡu David niiquīricu pārami José ca wāme cutigū mena ca manū cutipore wii jāa doti cojogu. ²⁸To biri Gabriel, María cō ca niiri tabepu jāa waa, o biro cōre ĩupi:



Nazaret macã. Lc 1.26

—Mũ, Ʋmũreco Pacũ añurije cũ ca tii bojagore yũ añũ doti.^a Wiogũ mũ mena niimi. Niipetirã nomia watoare añũro cũ ca tiigo mũ nii —cõre iĩupi.

²⁹María pea o biirije cõre cũ ca iĩrijere tũori, do biro pee iĩ majiti, “¿Do biro iĩrũgaro to iĩbuti, to biri wãme yũre cũ ca iĩ añũ doti jãa earijea?” iĩ tũgoeñarique paicoaupo.

³⁰To biro cõ ca iĩ uwi tũgoeñaro iãgũ, Ʋmũreco Pacũre queti wede bojari majũ pea:

—Uwieto María. Mũa, Ʋmũreco Pacũ añũro cũ ca tii bojarijere ca bii Ʋjea niigo mũ nii. ³¹To biri Ʋtaaga nii, Ʋmũ macũ cuti, “JESÚS” cũre mũ wãmeo tiirucu. ³²Do biro ca tiiya manigũ nii, ati Ʋmũreco niipetiropũre Ca Doti Niigũ

Macũ, cũja ca iĩgũ niirucumi; Ʋpũ Ʋmũreco Pacũ pea, cũ ñicũ David niiquĩricũre wiogũ ca nii majuropeegũ cũ ca niĩro cũ ca tiiquĩricarore birora cũre tiirucumi. ³³Jacob yaa pooga macãrãre to birora ca doticõa niigũ niirucumi; cũ ca doti niirije peti nũcãtirucu —iĩupi Marĩare.

³⁴To biro cõre cũ ca iĩro tũo:

—¿Ano yũre mũ ca iĩrijea, jicũ Ʋmũ mena yũ ca niiti pacaro, do biro pee biicãri to biibogajati? —cũre iĩ jãiũaupo.

³⁵To biro cũre cõ ca iĩ jãiũaro:

—Añuri Yeri mũre cotegũ doorucumi. Ʋmũreco Pacũ ati Ʋmũreco niipetiropũre Ca Doti Niigũ cũ ca tutuarije, mũre paa ũmaa nũcã earucu. To biri wimagũ ca ñañarije manigũ ca baũapũre, “Ʋmũreco

^a 1.28 “Salve” Griego wederique menara, “¿Mũ niimite? ¿Mũ wãcãmite?” iĩrã cũja ca iĩri wãme nii; biĩropũa ñucã, “Ʋjea niĩña,” iĩrũgaro iĩ.

Pacu Macũ” iiricu niirucumi.
³⁶Wucnopu nii pacago, mu yee wedego Elizabet cãa, “Puna manimo,” cõja ca iimirico, mee jĩcã amo peti, ape amore jĩcãga penituario muipũa utaaaga niicã tũja waamo. To biri cõ cãa, macũ cutigo doogo tiimo.
³⁷Umureco Pacura, jĩcã wãme unoaçã cũ ca tii majitiri wãme mani —iupi Marĩare.
³⁸To biro cũ ca iirijere tuogo: —Umureco Pacure pade coteri majo yu nii. To biro yure mu ca iĩ wederi wãmere birora, yure cũ tijato Umureco Pacu —iupõ Marĩa. To biro cõ ca iirora, waacoaupi Umureco Pacure queti wede bojari majũ.

**Elizabet're, Marĩa cõ
ca iãgo waarique**

³⁹Tii gumarira pato wãcãro mena, Judea yepare itã buurori watoa ca niiri macãpu waacoaupõ Marĩa. ⁴⁰Tii macãpũre eago, Zacarĩas yaa wiipũ jãa ea, cũ nũmo Elizabet're añũ doti jãa eaupo. ⁴¹Marĩa cõ ca añũ doti jãa earijere cõ ca tuorora, wimagũ cõ paa totipũ ca niigara yuguiupũ, Elizabet're. To biro cũ ca biiri tabera, Añuri Yeri Elizabet're ñaajãa nũcã eaupi. ⁴²To cõrora tutuaro wederique mena o biro iupõ Elizabet, Marĩare:

—Nomia niipetirã ametueneropũ añũro mũre tijjapi Umureco Pacu; ñucã mu macũ cãare añurije cũre tijjapi. ⁴³¿Yua ñĩguo unõ yu

niiti, yu Wiogu paco yure mu ca iãgo eajata? ⁴⁴Yure mu ca añũ doti jãa earijere yu ca tuorije menara, yu Macũ, yurũre ca jããaguacã, ujea niigu yuguimi.
⁴⁵Ujea niĩña mu, cũ ca iirijere ca tuo nunuẽerico, Wiogu mũre cũ ca iirique cũ ca iiricarore biro biirucu —cõre iupõ.

⁴⁶To cõrora Marĩa o biro iupõ: —Yu ca cati niirije Umureco Pacu do biro ca tiya manigu cũ ca niirijere baja peo nũcũ buo.

⁴⁷Yu yeri, yure Ca Ametuenerũ yu Umureco Pacure buaro ujea nii.

⁴⁸Cũre pade coteri majo watoa macõ yu ca nii pacaro, yure iajapi Umureco Pacu. To biri mecũ mena, bojoca ca nii nunna waarã cõrora, to birora “Ujea niirique ca buarico niimo,” yure iicõa niirucuma.

⁴⁹Umureco Pacu niipetirijepũre ca doti tutuagu, do biro ca tiya maniri wãmere yure tiimi. Cũa, “Ca Ñañarije Manigu,” wãme cutimi.

⁵⁰Cũre ca iĩ nũcũ buorãra, bojoca cũja ca nii nunna waaro cõrora cũjare iã maimi Umureco Pacu.

⁵¹Cũ ca tutuarije niipetiro mena añurijere tiupi. “O biro ca biirã jãa nii,” ca iirã cũja ca tiirugarijere tii acobocãmi.

⁵²Wiorã cãare, wiorã cũja ca niimirijere emã, watoa macãrã peere ca nii majuropeerã cũjare tiimi.

⁵³ Ca aua boarāra, niipetirije cūja ca curo tii, ca apeye pairā peera ñeeja manirā cūja ca tuaro cūjare tiimi.

⁵⁴ Israel, cūre pade coteri maju yaa pooga macārāre, cūjare tii nemoupi. Īa mairique mena cūjare tii nemo acobotiupi.

⁵⁵ Mani ñicū jāa niiquīricarā, Abraham're, to biri cū pāramerā ca nii nūna waaparāpū cāare, “O biri wāmera mūjare yū tiirucu,” ĩiquīupi Ūmureco Pacu —ĭiupo Elizabet're.

⁵⁶ María itiarā muipūa Elizabet mena nii, jiro cō yaa wiipū tuacoaupo ñucā.

Juan cū ca bajarique

⁵⁷ Cō ca macū cūtiri rāmū ca earo, ĩicū macū cūtiupo Elizabet.

⁵⁸ Cō yaarā, cō yaa macā macārā, Ūmureco Pacu añuro cōre cū ca tii nemorique tūori, cōre űjea nii peorā waaupa.

⁵⁹ Cū ca bajaricaro jiro, ĩicā amo peti, ape amore itiaga penituario ca niiri rāmūri ca nii waaro, wimagū jeyua quejero yapare wide taa dotirā waaupa. Cū pacū wāmera Zacarías cūre cūja ca wāmeo tiirūgaro macā cū paco pea, ⁶⁰o biro cūjare ĩi camotaupo:

—Biiticu. Juan, wāme cūtirucumi —cūjare ĩiupo.

⁶¹ To biro cō ca ĩiro tūorā:

—Mū yaarā, ĩicū peera mū ca ĩiri wāme ca wāme cūtigū manimi doca —cōre ĩiupa.

⁶² To biro ameri ĩi, cū pacū pea “ĭDi wāme cū macūre cū wāmeo tiirūgati?” ĩirā, ca wedetigū cū ca niiro macā tii cōñarique mena cūre jāiñaua. ⁶³To biro cūre cūja ĩiro, cū pea ĩicā pīi yucū pīi jāiri, tii pīpūre: “Cū wāme nii Juan,” ĩi owa tuuupi. To biro cū ca tiiro, to ca niirā niipetirā do biro pee ĩi majiticāupa.

⁶⁴ “Cū, wāme cūtirucumi,” ĩi owa tuugūra, ca wedetigū ca niimiricū wede, Ūmureco Pacure ĩi nucū bno baja peo jno waaupi. ⁶⁵Cū yaa macā macārā niipetirā to biro cū ca biirijere queti tūorā, tūo ucūacoaupa. ĩucā Judea yepa maquē ca űtā yucū cūtiri yepa niipetiro macārāpūra to biro ca biiriquere ameri queti wede bato peoticā cojoura. ⁶⁶Teere ca tūorā niipetirāpūra, “ĭAni wimagū, do biro ca biipū peti cū niigajati?” ĩi jāiñarucuupa cūja majurope, añuro petira, Ūmureco Pacu cūre cū ca tii nemorije ca niiro macā.

Zacarías cū ca bajarique

⁶⁷ Wimagū pacū Zacarías pea, Añuri Yeri cūpūre cū ca ñaājāa nucā earo macā, ca biipere o biro ĩi wede jugueupi:

⁶⁸ —Añuro ĩiricū cū niijato Ūpū, Israel Ūmureco Pacu cū yaa pooga macārāre ca ametūenegū dooricū.

⁶⁹ Cūre pade coteri maju ca niiricū David pāramire, manire ca Ametūenerū

do biro ca tiya manigure manire tiicojomi.

⁷⁰ Tírámupura atere, cū yee quetire ca wede jūguerā ca ñañarije manirā menapura “O biro yu tiirucu” iiquĩupi Æmureco Pacu.

⁷¹ Maja waparāre, mujare ca ĩa junarāre, mujare yu ametuenerucu.

⁷² Mani ñicū jūmupure ĩa mai, “To biro yu tiirucu,” cū ca ĩirique ca ñañarije manirijere acoboti, yu biirucu” iiquĩupi Æmureco Pacu.

⁷³ Ñucā, ate nii, mani ñicū Abraham niiquĩricupure, “Yu tii majuropeecāruca,” cū ca ĩirique:

⁷⁴⁻⁷⁵ “Uwi tūgoeñaricaro maniro, ca ñañarije manirā niirique mena, ca nirore biro tii niirique mena, cūre tii nēcū bno nupjee, ñucā mani ca catiri rāmuri cōrora cū ca bojoca cūti niiri tabere nii, mani ca biipere biro ĩigu, waparā manirā cūja ca niiro yu tiirucu,” iiquĩupi Æmureco Pacu, o biro manire cū ca tii bojapere —ĩupi Zacarías.

⁷⁶ To biro ĩicā, cū macū peera o biro ĩiupi ñucā:

—Mū, yu macūacā pea, “Æmureco Pacu ati æmureco niipetirupure Ca Doti Niigu yee quetire ca wede jūguegu niimi,” ĩiricu mū niirucu. Wiogu cū ca dooparo jūguero, bojocare mū wede majio jūguerucu,

⁷⁷ Æmureco Pacu, “Cū yaa pooga macārāre, ñañarije cūja ca tiiriquere acobo, ametuene, tiimi,” cūjare ĩi majiorugu.

⁷⁸ Mani Æmureco Pacu buaro ca ĩa maigu niiri, jicā rāmū muipū añuro cū ca boe bate mūa doori rāmure biro manire tii bojami,

⁷⁹ buaro ca naitiari tabepure ca niirāre biro ca niirāre, Æmureco Pacu cū ca boorore biro niiriquere wede majio, añuro niiriquere manire ĩno jūgue, manire tiirugu —ĩupi Zacarías.

⁸⁰ Wimagu bucua nupna waagura, yeri jāñariqueru buaro tutua añugu bii nupna waaupi. Ména, israelitas're Æmureco Pacu yee queti cū ca wedeparo jūguero ca bojoca maniro ca yucu maniri yerapu niicārucuupi Juan.

Jesús cū ca bauarique (Mt 1.18-25)

2 ¹Tii rāmūriena wiogu César Augusto bojoca niipetirāre cūja wāmere owa peo dotiupi. ²Ate, wāme owa peoriquera, Siria yepa wiogu Cirenio cū ca niiri tabere tii jūoupa. ³To biri niipetirāpura cūja ca niiro cōro cūja yaa macāripū cūja wāmere owa peo dotirā waarique niupa.

⁴Tee jūori José cāa, David niiquĩricu yaa puna macū niiri, Galilea yepa macā macā Nazaret ca niiricu waaupi Judea yepa macā macā Belén



Jesús cū ca baŋarique. Lc 2.7

ca wāme cūtiri macā, wiogŋ David niqūiricŋ cū ca baŋarica macāpŋ. ⁵Toopŋ José, cū nŋmo María menara cūja wāmere owa peorā waaupa. To biro cūja ca biiri tabere María pea ūtaaga niipŋ. ⁶Belén'pŋ cūja ca bii niiro, María peera cō ca macū cūtiri rŋmŋ eaupa. ⁷Toopŋ baŋaupi cō macū ca nii jŋogŋ. Cū ca baŋaro, juti quejeri mena cūre ūmaari, wecŋare baarique

ecarica coropŋ cūre peupo, cānirica wiipŋre cānirica taberi ca maniro macā.

**Ovejas coteri majare
Ūmureco Pacŋ pŋto macārā
cūja ca baua earique**

⁸Ovejas coteri majare baua eaupi Ūmureco Pacŋre queti bojari majŋ. ⁹Tee jāa cūja ca iitiri tabera, jicū Ūmureco Pacŋre queti wede bojari majŋ



Belén macã wejare niirucuupa jïcãrã taa yeparipure
ñamirire cÿja ovejare ca coterã. Lc 2.8

cÿjare baa eauri. Æpã cÿ ca boe baterije pea cÿja wejare boe bate ñaacÿmu eaupa. To biro ca biiro, cÿja pea bñaro uwiupa.

¹⁰To biro cÿja ca biiro, Æmureco Pacure queti wede bojari majã pea o biro cÿjare ñiupi:

—Uwiticãña. Añurije queti niipetirã bojoca cÿja ca ÷jea niipere mÿjare wede doogã yã biijãwã. ¹¹Mecÿre, David niiquiricu yaa macãpãre bañami jïcÿ mÿjare Ca Ametuenepã, Æmureco Pacã cÿ ca tiicojogã Mesías, Wiogã ca niigã. ¹²Cÿra niimi mÿja ca ñi majipere biro ñirã, juti quejeri mena cÿja ca ùmaaricure wescãre ecarica coropã ca pejagure mÿja bñarucu —ñiupi.

¹³To biro cÿ ca ñi niiri tabera pãã aperã Æmureco Pacure queti wede bojari maja cÿ pãtore baa ea, Æmureco Pacure o biro ñi baja peoupa:

¹⁴“;Æmureco Pacã cÿ ca añu majuropeerije niipetiropã nii. Añuro cÿ ca tiirijere ca bii ÷jea nii niirãre, añuro niirique cÿjare to niijato!” ñiupa.

¹⁵Æmureco Pacã puto macãrã Æmureco tutipã cÿja ca tua mña waaro jiro, ovejas coteri maja pea o biro ameri ñiupa:

—Jamã Belén'pã. Ate queti Æpã manire cÿ ca wederije ca biiriquere mani ñaco —ñiupa.

¹⁶To biro ameri ñi, jicãto waa, Maríare, Josére, wimagã

peera, wecuare baarique ecarica coropu ca jāñagure bua eaupa. ¹⁷Cūre ĩarā, Ʋmureco Pacu puto macū wimagu cū ca biipe maquēre cūjare cū ca wederiquere bojocare wedeupa. ¹⁸Ovejas coteri maja to biro cūja ca ĩirijere ca t̄orā niipetirā do biro pee ĩi majiticāupa. ¹⁹María pea to biro cūja ca ĩirije niipetirore cō yerip̄u t̄ugoēñacā niirucuupo. ²⁰Ovejare coteri maja pea ĩa, t̄uo, cūja ca tiirique niipetirije j̄ori, Ʋmureco Pacure ĩi n̄ucū buo, cūre baja peo, tiicā tua waaupa, niipetirijep̄ura cūjare cū ca ĩiricarore birora ca biirijere ĩari.

Jesús're Ʋmureco Pacu yaa wiip̄u cūja ca ami waarique

²¹Jīcā amo peti, ape amore itiaga penituario ca niiri r̄um̄ari jiro, cū jeyua quejero yapare wide taa dotirā waaupa. Nūcā María, ũtaaga cō ca niiparo j̄uguerop̄ura, Ʋmureco Pacu puto macū cōre cū ca ĩirica wāmera JESÚS cūre wāmeo tiupa.

²²Moisés cū ca dotirique ca ĩirore biro, cūja ca macū c̄utiro jiro ca amori jujurije ca petiri r̄um̄ari jirore, wimagu Jesús're, Jerusalén'p̄u cūre ami waaupa cū pacua, Ʋmureco Pacure, “M̄u ȳuñ niimi” cūre ĩi, ĩñorā waarā. ²³Atere to biro tiupa, Ʋp̄u cū ca doti cūuriquep̄ure o biro ĩi owa cūurique ca niiro macā.^b

“Niipetirā ũm̄ua m̄uja ca macū c̄uti j̄orā, Ʋmureco Pacu yaarā niirucuma,” ĩi owaupa. ²⁴To biri ñucā, Ʋp̄u cū ca dotirique ca ĩirore biro waib̄acu j̄ari, tiicojo n̄ucū buorā waaupa: “Jīcā bapa weje bua, tiirugatirā, bua ũm̄ua ũno mena tiirique niirucu,” cū ca ĩiricarore biro.^c

²⁵To biro ca bii niiri cuure niupi Jerusalén're, jīcū ũm̄u Simeón ca wāme c̄utigu, ca añugu, Ʋmureco Pacure ca ĩi n̄ucū buogu, Israel yepare ñañaro ca tiirāre ca amet̄ener̄ure ca yue niirucugu. Cū mena niupi Añuri Yeri.

²⁶To biri, “Ʋmureco Pacu cū ca tiicojogu Mesías're ĩatiḡura m̄u bii yaitirucu,” cūre ĩi wede majio j̄ugueupi. ²⁷Añuri Yeri cūre cū ca ami waaro macā, Ʋmureco Pacu yaa wiip̄u waaupi Simeón. Wimagu Jesús pacua, doti cūurique ca ĩirore biro tiirā waarā cūre cūja ca ami waari tabere, ²⁸Simeón pea cūre ami p̄uja, Ʋmureco Pacure o biro ĩi baja peo n̄ucū buoupi:

²⁹Ʋp̄u, mec̄ura “To biro yu tiirucu,” ȳure m̄u ca ĩiricarore birora m̄u tii: M̄ure pade coteri maj̄ure añuro cū ca bii yairo m̄u tii maji yua.

³⁰Bojocare ca amet̄ener̄u m̄u ca tiicojogure mee yu ĩa yerijāa,

³¹Bojoca niipetirā cūja ca ĩa cojoro m̄u ca tii ĩño j̄uo waarijere,

^b 2.23 Ex 13.2, 12. ^c 2.24 Lv 12.8, tórtolas.

³²Bojoca poogaari, Ɛmureco Pacu yee díamacū ca niirijere cūja ca majiro tii, Mɔ yaa pooga Israel macārāre ca nii majuropeera cūja ca niiro tii, ca tiipure —iupi Simeón.

³³Cū pacua pea to biirije wimagure Simeón cū ca iirijere tuo ucuaoca, do biro pee iī majiticāupa. ³⁴To cōrora Simeón, “Añuro mɔjare to bijato,” cūjare iī, o biro iupi ñucā Jesús paco María peera:

—Ani wimagu, pau Israel macārā ñañaro tamuo, ametua, cūja ca biro tii,^d ñucā buaro cūre ĩa juna, cūja ca biiro tiirucumi. ³⁵O biro cūja ca biiro, pau, cūja yeripu cūja ca tugoña niirijere ca bii bau niipere biro iigu. Mɔ peera, ate niipetirije mɔ yerire niipīi mena jade ame wioricarore biro puniro mɔ ca tugoñape niirucu —cōre iupi.

³⁶Ñucā, Ana ca wāme cutigo, Ɛmureco Pacu yee quetire wede jɔgueri majo, Fanuel macō, Aser niiquiricu yaa puna macō cāa, toora niipuro. Mee bucuo peti niipuro. Wāmoacā niigopu manɔ cuti, jicā amo peti, ape amore puaga penituario niiri cūmarira cō manɔ mena cō ca nii taja waarora, cōre cū ca bii yai weorico niipuro. ³⁷Cō manɔ cū ca bii yai weoricaro jirore, ochenta y cuatro cūmari peti nii taja waaupo. Cō pea Ɛmureco Pacu

yaa wiipure witiri méé, ñamiri, umurecori, baarique betirique mena Ɛmureco Pacure jāi juu bue, tii nucū buocōa niirucuupo.

³⁸Ana cāa, Simeón to biro cū ca iī niiri tabera ea, Ɛmureco Pacure: “Añu majuropeecā,” iī ujea nii, Jerusalén're ca ametuenerure ca yue niirucurā niipetirāre wedeupo, wimagu Jesús yee maquēre.

Nazaret'pu cūja ca tua waarique

³⁹Ɛmureco Pacu dotirique ca dotirote biro tii yapanori jiro, Galilea yepa cūja yaa macā majurope Nazaret'pu tuacoaupā ñucā. ⁴⁰Wimagu pea añuro tutua añugu bucuu, buaro ca majigu, Ɛmureco Pacu añuro cūre cū ca tiirije mena bii nunua waaupi.

Ɛmureco Pacu yaa wiipu Jesús cū ca biirique

⁴¹Jesús pacua to cānacā cūmara Jerusalén macāpu Pascua boje ramu ĩarā waarucuupa. ⁴²Jesús, puu amo peti, dɔpore puaga penituario ca niiri cūmari ca cuogu cū ca niiro, cūja niipetirā tii boje ramure cūja ca waarucuricarore birora waaupa ñucā Jerusalén'pu. ⁴³Tii boje ramu ca petiro, cūja yaa wiipu cūja ca tua waaro, Jesús pea cū pacua cūja ca majitirora, Jerusalén'pura tuacāupi. ⁴⁴Cūja pea, “Aperā mena doocumi” iī tugoñari, jicā ramu waaupa.

^d 2.34 Ani wimagu, Israel're pau cūre juna mairā ñañaro bii yai nucā, aperā pau díamacū cūre tuo nunujeeri ametua, cūja ca biiro tiirucumi.



Cū pasua ʃm̄reco Pasu yaa wiip̄u Jesú'sre b̄uaura. Lc 2.48-49

Jiro c̄ja yee wederā, c̄ja ca majirā watoa c̄re amañamí, ⁴⁵c̄re b̄ati, Jerusalén'p̄ra c̄re amarā tuacoaura ñucā. ⁴⁶Itia r̄m̄u jirop̄u ʃm̄reco Pasu yaa wiip̄u doti c̄uriquere ca j̄uo bueri maja watoap̄u c̄ja ca wederijere t̄o, c̄ c̄a c̄jare j̄añā, ca tii duwiḡure c̄re b̄uaura. ⁴⁷Cū ca ʃirijere ca t̄orā niipetirā, c̄ ca majirijere, c̄jare c̄ ca ȳm̄ majirijere t̄orā, t̄o ʃnac̄oaura. ⁴⁸Toop̄u c̄ja mena c̄ ca ʃi duwiro ʃarā, c̄ pasua pea ʃa ʃnac̄oari, c̄ paco pea o biro c̄re ʃiuro:

—Mac̄, ʃ̄nee tiiḡu to biirije j̄are m̄ bii tua ñucā

weoq̄ij̄ari? M̄ pasu, ȳ, b̄aro t̄goeña pairique mena m̄re j̄a ama yujj̄aw̄u —c̄re ʃiuro.

⁴⁹To biro c̄o ca ʃiuro o biro ʃi ȳm̄upi Jesú's:

—¿Ñee tiirā ȳre m̄ja amaj̄ari? ¿Ȳ Pasu yeere ca tiip̄u niiri ȳ ca biirijere m̄ja majitij̄ari? —ʃiuro. ⁵⁰To biro c̄jare c̄ ca ʃirijere t̄o majitiura c̄ja pea.

⁵¹To biri c̄ pasua mena Nazaret'p̄u tua waa, niipetirije c̄ja ca ʃiuro biro tiicā niirucuupi. C̄ paco pea ate niipetirijere c̄o yerip̄u t̄goeñacā niirucuupo. ⁵²Jesús c̄ ca b̄uc̄a ñ̄ñ̄a waaro c̄orora, c̄

ca majirije cãa bũcna nũnũa waaupa. To biri Æmũreco Pacũ menare, bojoca mena cãare, añuro bii ñjea nii, bii bũcna nũnũa waaupi Jesús.

Juan, ca yucũ maniri yeparũ añurije quetire cũ ca wederique
(Mt 3.1-12; Mc 1.1-8; Jn 1.19-28)

3 ¹Tiberio quince cũmari wioꝝ cũ ca nii nũnũa waari cũmare, Poncio Pilato Judea yepa wioꝝ niupi. Herodes pea Galilea yepa wioꝝ niupi. Cũ bai Felipe pea, Iturea, to biri Traconite yepari wioꝝ niupi. Ñũcã Lisantias pea Abilinia yepa wioꝝ niupi. ²Cũja wiorã cũja ca niiri tabere Anás, to biri Caifás paia wiorã niupa. To biro cũja ca bii niiri cũmarire, ca yucũ maniri yeparũ ca niĩꝝ, Zacarías macũ Juan're wedeupi Æmũreco Pacũ. ³Cũre cũ ca wedero jiro, Juan pea dia Jordán pũto macã yepa niipetiroꝝ waari:

—Ñañarije mũja ca tiirijere tũgoeña yeri wajoari, uwo coe doti tiya, Æmũreco Pacũ ñañarije mũja ca tiiriquere cũ acobojato iirã —cũjare iĩ wede yujuupi.

⁴Atea, Æmũreco Pacũ yee quetire wede jũguerĩ majũ Isafás o biro cũ ca iĩ owaquĩricarore birora biiupa:

“Ca yucũ maniri yeparũre jĩcũ, o biro iĩ acaro bui wedemi: ‘Añuro

tũgoeñarique mena Wioꝝre yueya,’ Wioꝝ cũ ca eaparo jũguerore, cũ ca doopa maare díamacũ maa cũja ca queno yuerore birora, mũja cãa, mũja yerire añuro cũre queno yueya.

⁵Upa coraari bũcũ ca nii ñaaããa duwi waarije cõrorena, jita mena maa jãa dado queno peoticãrique niirucu.

Ëtã yucũ, ca emũari buurori ca niirije cõrorena, coa queno cũu peoticãrique niirucu.

Upa beto maari ca niirijera, díamacũ maari queno cojorique niirucu.

Docuori maari ca niirijera, añuri maari quenorique niirucu.

⁶Bojoca ñañarije cũja ca tiirijere Æmũreco Pacũ cũ ca ametũenerijere bojoca niipetirã ñarucuma,”

iĩ owaquĩupi Isafás.^e

⁷Paũ bojoca cũre ca uwo coe dotirã earãre, o biro cũjare iĩupi Juan:

—Añaa punaa ¿“Ñiru, Æmũreco Pacũ ñañaro cũ ca tiipe ca cõña doorijere mũja duti majicãrucu,” mũjare cũ iijãri? ⁸Díamacũra ñañarije mũja ca tiirucurijere tiĩ yerijãa tũgoeña yeri wajoari, Æmũreco Pacũ peere mũja ca tũo nũñjeerijere iĩnorã, ña majiricarora añuro niirique cãti iĩno niĩña. Mũja majuropeera:

^e 3.6 Is 40.3-5.



Uwo Coeri maju Juan ca yucu maniri yeparu
añurije queti cū ca wederique. Lc 3.1-20

“Jāa, Abraham pāramerā jāa
nii,” ñi tūgoñaticāña. Умрего
Расна, ate ūtāgaarirena
Abraham pāramerā cūja ca niiro
tii jeeñocā majimi. ⁹Mee comea,
yucūñurire ca queti paga, tee
ñcōrīpūre paa pua tuuricaga
tuja yerijāa. Yucu añurije ca dica
cūtītiri yucu cōrorena quetiri,
pescameru paa jude joerique
niirucu —cūjare ñi wedeupi.

¹⁰To biro cū ca ñiro tuorā, o
biro cūre ñi jāiñaupa:

—¿To docare ñee jāa tiigajati?
—ñiupa.

¹¹To biro cūre cūja ca ñi
jāiñaro:

—Pñaro jutiro ca cūogu,
ca cūotigure jīcāro tiicojoya.

Baarique ca cūogā cāa, ca
cūotirāre ecaya —cūjare ñi
yūñuri Juan.

¹²Jīcārā Roma maquēre wapa
jee bojari maja cāa, uwo coe
dotirā earā, o biro ñi jāiñaupa
Juan're:

—Buegu, jāa pea ¿ñee jāa
tiigajati? —ñiupa.

¹³To biro cūre cūja ca ñi
jāiñaro:

—Mujare cūja ca wapa jāi
dotiricaro ametñeneropu wapa
jāiticāña —cūjare ñi yūñuri
Juan.

¹⁴Ñucā jīcārā uwamarā cāa:

—Jāa pea, ¿ñee jāa tiigajati?
—cūre ñi jāiñaupa.

To biro cūre cūja ca ñi jāiñaro:

—Jĩcũ ɯno peerena ʔi uwiori, cũja ca cɯorijere jĩcã wãme ɯno peerena cũjare ẽma, cũja ca tiitiriquerena wedejãa, tiiticãña. Mũja ca wapa taaro cõrora cɯoya —cũjare ʔi yɯɯupi Juan.

¹⁵Bojoca pea, “Do biirije peti to ca biicãro,” ʔi yue niirã, niipetirãpura cũja majurope: “¿Juan, Mesías doorucumi,’ cũja ca ʔiquĩricura cũ niicã tiimiti?” ʔi jãĩnaura. ¹⁶To biro cũja ca ʔiro, Juan pea niipetirãre o biro ʔiupi:

—Yna oco mena mũjare yɯ uwo coe. Ména, doorucumi jĩcũ, yɯ ametɯenero niipetirijepure ca doti tutua majuropeegɯ. Yna, cũ dɯpo jutire jiarica daari cãare ca popio coterɯ méé yɯ nii. Cũa, Añuri Yeri mũjarure cũ ca ñaajãa nucã earo tiiri, ñañarije manirã mũja ca tuaro tiirucumi. ¹⁷Trigo quejerire cũ ca maa mɯene batepa tabere ami doomi, ca quejerire jee dica woo, ca ape peera teere queno cũurica taberɯ queno cũu, tiirugɯ. Tee quejeri peera pecame ca ɯɯ yatitiri pecamerɯ joe batecãrucumi^f —ʔiupi. ¹⁸Ate mena, ñucã apeye paɯ wãmeri mena cũjare wede majiori, añurije quetire bojocare wedeupi Juan.

¹⁹Apeyera ñucã, Herodes're cũ yee wedegɯ Felipe nɯmo Herodías're cũ ca nɯmo cɯtirije jɯori, ñucã apeye niipetirije ñañarije cũ ca tiirique jɯori,

cũre tuti bojoca catiomiupi.

²⁰Herodes pea niipetirije ñañarije cũ ca tii niirije watoara, Juan're cũre tia cũu nemocãupi ñucã.

Jesús're cũ ca uwo coerique
(Mt 3.13-17; Mc 1.9-11)

²¹Jĩcã rɯmɯ bojoca niipetirã Juan're cũja ca uwo coe doti niiri tabere Jesús cãa, cũre uwo coe ecoupi. Uwo coe eco yapano, cũ ca juu bue niiri tabera ɯmɯreco quejero ca pãa nucãro, ²²Añuri Yeri pea buare biigɯ bau duwi doo, bii ñaapea eaupi Jesús'pɯre. To biro cũ ca biiri tabera, ɯmɯreco tutipɯ:

—Mɯ mɯ nii yɯ Macũ, yɯ ca maigɯ; mɯ mena buaro yɯ ɯjea nii —ʔi wedeoupe.

Jesús ñicũ jũmua ca niiquĩricarã
(Mt 1.1-17)

²³Jesús, treinta cũmari cɯogɯ, cũ paderiquere tii jɯoupi. Cũja ca ʔirucurɯpura nijata, Jesús, José macũ niupi.

José, Elí macũ niupi.

²⁴Elí pea, Matat macũ niupi.

Matat pea Leví macũ niupi.

Leví pea Melqui macũ niupi.

Melqui pea Jana macũ niupi.

Jana pea José macũ niupi.

²⁵José pea Matatías macũ niupi.

Matatías pea Amós macũ

niupi.

Amós pea Nahúm macũ

niupi.

^f 3.17 ɯmɯreco Pacu cũ yaarãre jee dica woo yapanori, ca ñañarãre pecame ca ɯɯ yatitiri pecamerɯ ñañaro peti cũja ca tamɯoro tiirucumi.

Nahúm pea Esli macũ niupi.
 Esli pea Nagai macũ niupi.
²⁶ Nagai pea Máat macũ niupi.
 Máat pea Matatías macũ
 niupi.
 Matatías pea Semei macũ
 niupi.
 Semei pea Josec macũ niupi.
 Josec pea Judá macũ niupi.
²⁷ Judá pea Joanán macũ niupi.
 Joanán pea Resa macũ niupi.
 Resa pea Zorobabel macũ
 niupi.
 Zorobabel pea Salatiel macũ
 niupi.
 Salatiel pea Neri macũ niupi.
²⁸ Neri pea Melqui macũ niupi.
 Melqui pea Adi macũ niupi.
 Adi pea Cosam macũ niupi.
 Cosam pea Elmadam macũ
 niupi.
 Elmadam pea Er macũ niupi.
²⁹ Er pea Josué macũ niupi.
 Josué pea Eliezer macũ
 niupi.
 Eliezer pea Jorim macũ niupi.
 Jorim pea Matat macũ niupi.
³⁰ Matat pea Leví macũ niupi.
 Leví pea Simeón macũ niupi.
 Simeón pea Judá macũ niupi.
 Judá pea José macũ niupi.
 José pea Jonán macũ niupi.
 Jonán pea Eliaquín macũ
 niupi.
³¹ Eliaquín pea Melea macũ
 niupi.
 Melea pea Mainán macũ
 niupi.
 Mainán pea Matata macũ
 niupi.
 Matata pea Natán macũ
 niupi.

Natán pea David macũ niupi.
 David pea Isaí macũ niupi.
³² Isaí pea Obed macũ niupi.
 Obed pea Booz macũ niupi.
 Booz pea Salmón macũ niupi.
³³ Salmón pea Naasón macũ
 niupi.
 Naasón pea Aminadab macũ
 niupi.
 Aminadab pea Aram macũ
 niupi.
 Aram pea Esrom macũ niupi.
 Esrom pea Fares macũ niupi.
 Fares pea Judá macũ niupi.
³⁴ Judá pea Jacob macũ niupi.
 Jacob pea Isaac macũ niupi.
 Isaac pea Abraham macũ
 niupi.
 Abraham pea Taré macũ
 niupi.
 Taré pea Nacor macũ niupi.
³⁵ Nacor pea Serug macũ niupi.
 Serug pea Ragau macũ niupi.
 Ragau pea Peleg macũ niupi.
 Peleg pea Heber macũ niupi.
 Heber pea Sala macũ niupi.
³⁶ Sala pea Cainán macũ niupi.
 Cainán pea Arfaxad macũ
 niupi.
 Arfaxad pea Sem macũ niupi.
 Sem pea Noé macũ niupi.
 Noé pea Lamec macũ niupi.
³⁷ Lamec pea Matusalén macũ
 niupi.
 Matusalén pea Enoc macũ
 niupi.
 Enoc pea Jared macũ niupi.
 Jared pea Mahalaleel macũ
 niupi.
 Mahalaleel pea Cainán macũ
 niupi.
³⁸ Cainán pea Enós macũ niupi.

Enós pea Set macũ niupi.
Set pea Adán macũ niupi.
Adán pea, Æmureco Pacu
macũ niupi.

**Satanás Jesús're ñañaro cũ ca
tiiro cũ ca tiirugamirique**
(Mt 4.1-11; Mc 1.12-13)

4 ¹Jesús pea Añuri Yeripu
cũre cũ ca doti niirije
mena niicãri, dia Jordán'pũ ca
niiricu cũ ca tua maa waaro,
Añuri Yeri pea ca yucu maniri
yeparũ cũre amicoaupi.

²Toopũre cuarenta rãmuri peti
niupi. Satanás pea ñañarjere
cũ ca tiiro cũre tiirugamiupi. To
biro cũ ca biiri rãmũre baari
méé biima iĩgu, bũaro queya
tũgoeñaupi Jesús.

³To biro cũ ca biiro, Satanás
pea o biro cũre iĩupi:

—Díamacũra Æmureco Pacu
Macũra mũ ca niijata, “Atiga
ũtãgare pan jeeñaña, iĩña”
—cũre iĩupi.

⁴To biro cũre cũ ca iĩro, o biro
cũre iĩ yũupi Jesús:

—Æmureco Pacu wederique o
biro iĩ: “Bojocua, baarique mena
wado cati niitimi. Niipetiro
Æmureco Pacu wederique mena
cãare caticã majimi,” iĩ —cũre
iĩupi.^g

⁵Jiro Satanás macãncũ ca
emũari buuro jotoarũ cũre jũo
waari, jĩcã nimarora ati yepa
macã yepari niipetirore cũre
iĩno peticã cojori, ⁶o biro iĩupi
Jesús're:

—Ati yepari niipetirijere,
tii yepari maquẽ ca nii
majuropeerijere, mũ ca doti maji
tutua niipere mũre yũ tiicojorucu.
Ate niipetirije yũ ñeewũ. Noo yũ
ca tiicojorugagũre yũ tiicojorucu.
⁷Ate niipetirijepũra mũ yee
wado niirucu, mũ ãjũro jupeari
mena tuetuu ea nuuri yũre mũ
ca iĩ ncũ bũojata —cũre iĩupi
Satanás.

⁸To biro cũ ca iĩro Jesús pea o
biro cũre iĩ yũupi:

—“Æmureco Pacu wederique
o biro iĩ: Æpũ mũ Æmureco
Pacu wadore iĩ ncũ bũoya. Cã
jĩcãrena cũ ca dotirore biro tii
nũnjeeya,” iĩ —cũre iĩupi.^h

⁹Jiro Satanás, Jesús're
Jerusalén macãpũ ami waa,
Æmureco Pacu yaa wii jotoa ca
emũari tabepũ ami mũa waari, o
biro cũre iĩupi:

—Díamacũra, Æmureco Pacu
Macũra mũ ca niijata, anopũ
menara bupu duwi waagũja.

¹⁰Æmureco Pacu wederique o
biro iĩ:

“Æmureco Pacu, cũre queti
wede bojari majare,
mũre cũja iã nũnjeejato
iĩgu, mũ pũto cũjare
tiicojorucumi,ⁱ

¹¹cũja, cũja amori mena mũre
boca tuu ñeerucuma, jĩcãga
ũtãga ñno peerena mũ ca
pũa taatipere biro iĩrã,” iĩ
—cũre iĩupi.^j

¹²To biro cũ ca iĩro o biro cũre
iĩ yũupi Jesús:

^g 4.4 Dt 8.3. ^h 4.8 Dt 6.13. ⁱ 4.10 Sal 91.11. ^j 4.11 Sal 91.12.

—O biro ñi ñucã Æmureco Pacu wederique: “Æpũ, mũ Æmureco Pacure, ‘To biro cõre mani ñi ñaaco’ ñi epeticãña,” ñi —cõre ñiupi.^k

¹³To biro cõ ca ñiro Satanás pea, ape wãme Jesús're, ñañaro cõ ca tiiro cõ ca tii doti ñaape buatima ñigũ, jicã cuu cõre waa weocoaupi.

Galileapũ Jesús cõ ca pade juorique

(Mt 4.12-17; Mc 1.14-15)

¹⁴Tee jiro Jesús, Añuri Yeri cõ ca doti tutua niirjerpũ yeri jãñacãri, Galilea pee tuacoaupi. Jesús cõ ca bii niirjere tii yepa niipetiropũ wede bato peticã cojoura. ¹⁵To cãnacã taberipũrena nea poo juu buerica wiijeripũ cõjare buerucuupi Jesús. To biro cõ ca ñirjere tũorã, niipetirã añuro cõre ñi ñucã buorucuupa.

Jesús Nazaret'pũ cõ ca biirique

(Mt 13.53-58; Mc 6.1-6)

¹⁶Jiro Jesús, cõ ca buçnarica macã Nazaret'pũ waaupi. Jicã rũmũ yerijãarica rũmũ ca niiro, cõ ca biirucuricarore biro cõja ca nea poo juu bueri wiipũ jãa waa, Æmureco Pacu wederiquere buerũgũ ea ñucã waaupi. ¹⁷To biro cõ ca biiro, Æmureco Pacu yee quetire wede jũgueri majũ Isaiás cõ ca owarica pũurore cõre bue dotiupa. To biro cõja ca tiiro Jesús pea tii pũurore pãagũ, o

biro cõ ca ñi owa tuurica tabere buaupi:

¹⁸“Æmureco Pacu yũũ Añuri Yeri yũpũre niimi, ca boo pacarãre añurije quetire ca wedepũ yũre cõ ca ami dica wooro macã.

Tia cõuricarã ca niirã, ‘Tia cõuricarã cõja ca niirjere wiene ecorucuma,’ yũre ñi wede doti cojomi. Ca ñatirãre cõja ñaro yũre tii dotimi. Aperã ñañaro cõja ca doti eperãre, ametũene dotigũ yũre tiicojomi.

¹⁹Æmureco Pacu bojocare añuro cõ ca tii bojapa tabe ea yerijãa, yũre ñi wede doti cojomi,”^l

cõ ca ñi owariquere bueupi Jesús.

²⁰Bue yapano, tii pũurore buato, tii wii ca pade nemogũre tiicojo, ea nuucoaupi ñucã. To biro cõ ca biiro to ca niirã niipetirã cõ pee wadore ña cojocã niupa. ²¹Cõ pea o biro cõjare ñi wede juoupi:


—Mecũra, Isaiás cõ ca owariquere yũ ca buero mũja ca tũorije ca ñirore birora bii ea —cõjare ñiupi.

²²Niipetirã Jesús yee maquẽre añuro ameri wede, ñucã añurije peti cõ ca ñirjere tũori, do biro pee ñi majiticã, o biro ameri ñi jãñarucuupa:

—¿Ania José macũ méé cõ niiti? —ñiupa.

²³To biro cõja ca ñiro Jesús pea o biro cõjare ñi yũũupi:

^k 4.12 Dt 6.16. ^l 4.19 Is 61.1-2.



Ҫмүреко Расу wederiquere Jesús cū ca buerique. Lc 4.17

—Мүја, о biri wāme үңре мүја йісу: “Ҫсо тири мајн, мн мајуроопера мн са диаріке сүтиріјере аметһенеһа,” мүја йісу. О biro мүја йісу һисә: “Ано мн уаа уера сәаре, Саернаум'рн ниғн мн са тиријере јәа са тһорікере тија,” үңре мүја йісу —йіупи.

²⁴To biro йісә, о biro сүјаре йи нһнһа wааурп һисә:

—Ҫее мее мүјаре үн йи, йісү Һно пеера Ҫмүреко Расу уее қетире wede јүғуери мајн сү уаа уера macārā петира йи нүсү бһо ecotimi. ²⁵Ҫее мее үн йи. Ҫмүреко Расу уее қетире wede јүғуери мајн Еліас сү са нири сууре, ития сүма

decomacā peti oco peati, тii уера ниіпетиропһрена аһа боаріке нii, са бири табере, са манн јүтһа бii уаи weo ecoricarā romiri рау ниура Israel're. ²⁶To biro сүја са биісә pacaro, Еліас пеера, israelitas romiri са манн јүтһа бii уаи weo ecoricarā romirire йісө Һно peerena тii nemo doti coјotiupi. Sidon macā рһто macā macā Sarepta macō pee wadore тii nemo doti coјoupi. ²⁷Нүсә Ҫмүреко Расу уее қетире wede јүғуери мајн Елисео сү са нири суу сәаре, Israel'пуре рау camі боаріке са диаріке сүтирә ниура. То biro сүја са биимјата сәаре, йісү Һно пеера сүја диарікере аметһене

ecotiupa. Siria mac̄p̄u Naamán wado cū diariquere ametuene ecoupi —cūjare īiupi Jesús.

²⁸To biro cū ca īirijere t̄uorā, nea poorica wiip̄u ca niirā niipetirāp̄ura b̄uaro ajaupa.

²⁹To biri niipetirā wām̄u n̄ucā, Jesús're macā t̄ujarop̄u cūre amicā witi waaupa, tii macā weja macā t̄udip̄u cūre tumicōa cōa jāa cojorugarā. ³⁰To biro cūre cūja ca tii pacaro, Jesús pea cūja watoara amet̄na waacoaupi.

**Ca wātī jāa ecoricure Jesús
cū ca catorique**
(Mc 1.21-28)

³¹Jesús pea Galilea macā macā Capernaúm̄p̄u waacoaupi. Toop̄u bojocare, yerijāarica r̄um̄uri ca niiro cūjare buerucuupi. ³²Doti maji majuropeerique mena cū ca buerijere t̄uorā, bojoca pea do biro pee īi majiticāruucuupa.

³³Nea poo juu buerica wiip̄ure niupi j̄icū, ca wātī jāa ecoric̄u. To biri tutuaro mena o biro īi acaro buiupi:

³⁴—¡Jesús, Nazaret mac̄! To birora jāare iacāña. ¿Ñee tiiḡu jāare m̄u pato wācōḡu dootí? ¿Jāare tii yaio bateḡu dooḡu m̄u bijjāri? Ȳna m̄ure ȳu maji. M̄ua, ̄Um̄ureco Pac̄u ȳu Ca Ñañarije Maniḡu m̄u nii —cūre īiupi.

³⁵To biro cūre cū ca īirora, Jesús pea wātīre o biro cūre īi cōa wieneupi:

—¡Wedeticāña! To cōrora cūre camotatiya —īiupi.
To biro cūre cū ca īirije menara, wātī pea niipetirā cūja ca īa

cojoro, cūre ñañoricaro maniro yepap̄u cūre tii cōa cūucā ūma witi waaupi.

³⁶To biro cū ca tiirijere, niipetirā īa ̄uc̄uacoa, o biro ameri īiupa cūja majurope:

—¿Ñee ūno wederique to niiti nija atea? Doti maji tutuarique mena wātīare “Witi waarāja,” cū ca īirora, cūja pea to cōrora witicoarucuma —īiupa. ³⁷To biri Jesús cū ca tii niirije pea tii yepa niipetirop̄ure jeja n̄ucā peticoaupa.

**Simón Pedro mañicōre Jesús
cū ca diarique ametuenerique**
(Mt 8.14-15; Mc 1.29-31)

³⁸Jesús, nea poo juu buerica wiip̄u ca niiric̄u witi waaḡu, Simón Pedro yaa wiip̄u waaupi. Cū mañicō pea b̄uaro wiorique diaupo. To biro cō ca biiro, Jesús're: “Cōre catioya,” cūre īiupa. ³⁹To biro cūre cūja ca īiro, Jesús pea cō jotoa pee muu bia ea n̄ucā, wioriquere “¡Yerijāa waaroja!” cū ca īirora, yerijāacoaupa. To cōrora cō pea wām̄u n̄ucā, cūjare baarique eca j̄uo waaupo.

**Ca diarique c̄utirā paure
Jesús cū ca catorique**
(Mt 8.16-17; Mc 1.32-34)

⁴⁰Muip̄u cū ca ñaajāa waari tabe ca niiro, bojorica wāmeri ca diarique c̄utirāre ca c̄uo niiricarā niipetirā Jesús p̄uto cūjare jee waaupa. Cū pea, cūja ca niiro cōrorena cū amori mena cūjare ñia peori, cūjare diarique

ametϕeneupi. ⁴¹Ñucã paϕ ca diari majarϕere ca niiricarã wãtĩa cãa:

—¡Mua, Æmϕreco Pacϕ Macũ mϕ nii! —ĩi acarõ bui, witicoarucuupa. To biro cõja ca ïiro Jesús pea wãtĩare tuti, cõjare wede dotiticãupi, Mesías cũ ca niirijere cõja ca majiro macã.

Galilea macãrãre Jesús cũ ca buerique

(Mc 1.35-39)

⁴²Ape rϕmϕ ca boe mua doorije mena, macã tujaro bojoca cõja ca maniorϕϕ waagϕ witi, waacoaupi Jesús. To biro cũ ca biiro bojoca pea, cõre ama, cũ ca niiri taberϕ earã, aperorϕ cũ ca waaro bootirã, cõre tuenerϕgamiupa. ⁴³To biro cõja ca tiirϕgamijata cãare, o biro cõjare ïupi Jesús:

—Ape macãri macãrã cãare, Æmϕreco Pacϕ cũ ca doti niiri tabe maquẽ añuriye quetire yϕ ca wedepe niiro bii. Aterena ïigϕ, cũ ca tiicojoricϕ yϕ nii —ïupi.

⁴⁴To biri Jesús, judfõs cõja ca niiri macãriϕϕere, cõja ca nea poo juu bueri wijeripϕ añuriye quetire cõjare bue yujurucuupi.

Cõja ca wai wajarique

(Mt 4.18-22; Mc 1.16-20)

5 ¹Jĩcã rϕmϕ Jesús, Genesaret ñtabucϕra tujarorϕ cũ ca niiro, Æmϕreco Pacϕ yee quetire cũ ca wedero ca tϕorϕgarã paϕ bojoca do biro tii majiña maniro, ñta

bijaroacã ameri tuutu nea poo nϕnϕa dooupa. ²To biro cõja ca bii nea poo dooro, Jesús pea cõmua ϕuaga, wai jĩari maja cõja bapi yucϕere coerã waarã jita dupari yepaϕ cõja ca maa weoricagaarire ïa bϕaupi. ³Tiigaarire, jĩcãga, Simón yaa cõmuare ea jãa, õo jañuroacã juu wiyo dotiupi. Jiro tii cõmuarϕ ea nuu waari, toorϕ menara bojocare Æmϕreco Pacϕ yee quetire cõjare bueupi. ⁴Cõjare bue yapano, o biro ïupi Simón're:

—Wai ñeerϕgarã, atira ca ñcõari tabe pee cõmua mena wia waari, toorϕ mϕja bapi yucϕere cõañuaña —ïupi.

⁵To biro cũ ca ïiora Simón pea o biro cõre ïi yϕñupi Jesús're:

—Buegϕ, meerϕ macã ñamire jãa waja boecoamijãwϕ mee. Jĩcũ ñnora jĩarucu, jãa tiitijãwϕ. Mϕ, yϕre mϕ ca dotiro macã mϕ ca dotirore biro yϕ tiirucu —ïupi.

⁶To biro tiirã, paϕ cõja bapi yucϕ yegabororϕ wai waja bϕaupi. ⁷To biro cõja ca biiro, cõja mena macãrã ape cõmuarϕ ca niirãre, “Jãare wai jee nemorã dooya” ïirã, cõjare bϕa jϕo cojoupa. To biro cõja ca tiiro ea, waire cõjare jee nemorã, ϕuagarϕrena cõmu duucãboupa.

⁸To biro ca biiro ïagϕ Simón Pedro pea, Jesús pϕto cũ ñjϕro jupeari mena tuetuu ea nuu waari, o biro cõre ïupi:

—Wiogϕ, yϕre camotati waagϕja. Ñañariye ca tiigϕ yϕ nii

уна —ĩiupi. ⁹Atere to biro ĩiupi, Simón, to biri cū mena macārã cãa, to cõro paio cūja ca wai ĵiarijere cūja ca ĩa ucuaacoarije ca niiro macã. ¹⁰Ñucã Zebedeo puna Santiago, Juan, Simón mena macārã cãa to birora biiupa.

To biro cūja ca biiro, Jesús pea o biro ĩiupi Simón're:

—Uwiticãña. Mña mecũ mena, waire mũ ca waja majirore birora mũ tiirucu bojoca cãare^m —cũre ĩiupi. ¹¹To cõrora cūja cūmuarire waa pãa waa, wee moene cūu, cūja yee niipetirore cūu peticã, waacoaupã Jesús mena.

Ca cami boagũre Jesús cũ ca cãtorique

(Mt 8.1-4; Mc 1.40-45)

¹²Jĩcã rũmũ Jesús ĵĩcã macãpũ cũ ca niiro, ĵĩcũ ca cami boa diarique cõtĩgũ cũ pũto eaupi. Jesús're ĩagũra, yepapũ muu bia cūmu waa, o biro cũre ĩi ĵãĩupi:

—Wiogũ, mũ ca boojata, yũ ca diarique cõtĩrijere yũre ametũeneña —cũre ĩiupi.

¹³To biro cũ ca ĩiro Jesús pea, cũ amo mena cũre ĩia peo, o biro cũre ĩiupi:

—Yũ boo, diarique manĩgũ tuaya —ĩiupi.

To biro cũre cũ ca ĩirora, cũ ca cami boa diarique cõtĩmirique ĵĩcãto peticoaupẽ.

¹⁴Cũre catio yapano:

—Jĩcũ ũno peerena wedeticãña. Pai pũtopũ wado waari, mũre ca cami yatiriquere ĩĩõña. Ñucã diarique manĩgũ mũ ca tuarije ĵũori, Moisés cũ ca tii dotiriquere, mũ ca tiicojo nũcũ bũope jee waagũja, mee mũ ca diarique manĩrijere paia cūja ca majipere biro ĩĩgũ —cũre ĩiupi Jesús.

¹⁵To biro cũ ca ĩĩcã pacaro, Jesús cũ ca tii niirije pea, buaro jañuro queti jeja nũcã waaupẽ. To biri, cũ ca wederijere tũo, cūja ca diarique cõtĩrijere ametũene doti, tiirũgarã paũ nearucuupa. ¹⁶To biro cūja ca bii pacaro, Jesús pea ca bojoca maniri taberi pee waari, juu buegũ waacoarucuupi.

Ca bũaricũre Jesús cũ ca cãtorique

(Mt 9.1-8; Mc 2.1-12)

¹⁷Jĩcã rũmũ, Jesús bojocare cũ ca bue niiro, ĵĩcãrã fariseos, Moisés cũ ca doti cũuriquere ca ĵũo buerã, niipetirije Galilea yepa, Judea yepa, macã macãri macārã, to biri Jerusalén macārã ca dooricarã too duwi cojupa. Ʋmũreco Pacũ cũ ca tutuarije pea Jesús mena ca diarique cõtĩrãre cũ ca cãtorije mena bii ĩĩõ niupa. ¹⁸Too cūjare cũ ca bue niiro, ĵĩcãrã ca bũaricũre, pũugũ quejero mena cũre ca yoo dooricarã cũre ami eaupa. To earã, wiipũ ami ĵãa waa, Jesús

^m 5.10 Mecũ mena, wai wajarica tabe ũnora, bojoca peere mũ ĵũo neorucu yũre cūja ca tuo nũũjeepere biro ĩĩgũ.

jũguero cũre cũurũgamiupa.
¹⁹Paũ bojoca cũja ca niiro macã, do biro tii, cũre ami jãa waa majitiupa. To biri wii jotoa pee mũa waa, jĩcã jope jee woo tiicãri, paũ bojoca watoara, cũ ca yojaricararo menara, Jesús cũ ca niiri tabe díamacũ cũre yoo duwio cojupa.

²⁰Jesús pea, “Jesús cũre caticocãrucumi,” cũja ca ñi tũgoeña bayirijere ñari, o biro ñiupi ca bũuricure:

—Yũ mena macũ, ñañarije mũ ca tiiriquere yũ acobocã —cũre ñiupi Jesús.

²¹To biro cũ ca ñirora, Moisés cũ ca doti cũuriquere ca jũo buerã, to biri fariseos: “¿Ania ñiru uno cũ niiti, Æmũreco Pacũre ñañarije ca ñi tutigũa? Bojocũ jĩcũ uno peera ñañarije tiiriquere acobo majitimi; Æmũreco Pacũ wado niimi ñañarije tiiriquere ca acobo majigũ,” ñi tũgoeñaupa.

²²Jesús pea to biro cũja ca ñi tũgoeñarijere majiri, o biro cũjare ñi jãiñaupi:

—¿Ñee tiirã to biirije mũja tũgoeñati? ²³¿Di wãme pee to niiti popiye méé ñirica wãme: “Ñañarije mũ ca tiirique acoboriquerũ tua,” ñirique, ñucã to biro ñitigũra: “Wãmũ nũcã, waagũja,” ñirique pee? ²⁴Yũ, Ca Nii Majuropeegũ Macũ, bojoca ati yeparũre ñañarije cũja ca tii niirijere ca acobo majigũ yũ ca niirijere mũja ca majipere biro ñigũ mũjare yũ ñĩorucu —ñiupi Jesús.

To biro ñi, ca bũuricure o biro cũre ñiupi:

—“Wãmũ nũcã, mũ yojaricarore ami, mũ yaa wiipũ tua waagũja” mũre yũ ñi —cũre ñiupi Jesús.

²⁵To biro cũre cũ ca ñirije menara, niipetirã cũja ca ña cojoro wãmũ nũcã, cũ ca yojarica quejerore ami, cũ yaa wii pee Æmũreco Pacũre baja peo nũcũ bũo, ñicã tua waaupi.

²⁶Teere niipetirãpũra do biro pee ñi majiticã, Æmũreco Pacũre baja peo nũcũ bũo, bũaro uwi tũgoeñarique mena o biro ñiupa:

—Mecũra añurije ca ña ñaña manirijere mani ñajãwũ —ameri ñiupa.

Jesús, Levíre cũ ca jũorique

(Mt 9.9-13; Mc 2.13-17)

²⁷Ate jiro Jesús witi waagũ, jĩcũ Roma maquẽre wapa jee bojari maja mena macũ Leví ca wãme cutigũ, wapa jãirã cũja ca duwiri taberũ ca duwigũre ña:

—Yũ mena dooya —cũre ñiupi.

²⁸Leví pea to biro cũre cũ ca ñirora wãmũ nũcã, niipetirije cũ yee paderiquere toora cũu waacoaupi Jesús mena.

²⁹Jiro jañuro Leví, cũ yaa wiipũ pairi boje rũmũ Jesús're boje rũmũ tii peoupi. To biro cũ ca tiiri tabere, paũ Roma maquẽre wapa jee bojari maja, aperã, cũja mena baa bapa cuti niupa. ³⁰To biro cũja ca biiro, fariseos, doti cũuriquere ca jũo buerã, tii wãme wadorena ca tũo nũñũjeerã, Jesús buerãre

o biro cūjare ñi wede pai jwo waaupa:

—¿Ñee tiirã mɔja, ñañarije ca tiirã, wapa jee bojari maja mena, baa, jini, mɔja tii niiti? —ñiupa.

³¹To biro cūja ca ñiro, Jesús pea o biro cūjare ñi yũũupi:

—Añurã ca niirã, ca diarique manirã, wco tiiri majure bootima. Ca diarique cutirã wado booma. ³²Yna, añurã, ca ñañarije manirãre jwoɔɔ dooɔɔ méé yu doowu. Ñañarã peere jwoɔɔ dooɔɔ yu doowu, ñañarije cūja ca tiirijere cūja tɔgoeña yeri wajoajato ñigu —ñiupi.

Betirique maquē

(Mt 9.14-17; Mc 2.18-22)

³³To biro cū ca ñiro, jicārã o biro ñiupa Jesús're:

—Juan're ca nũnũrã, to biri fariseos're ca nũnũrã, paũ tiiri baarique beti, to birora juu bue, tiicã niima. Mũ buerã pea, to biro tiitirãra jinirã, baarã, tiicã niirucuma —cũre ñiupa.

³⁴To biro cūja ca ñiro, Jesús pea o biro cūjare ñi yũũupi:

—To docare mɔja, ¿amo jiarica boje rumure cū ca jwo cojoricarãre, ca amo jiagũ cūja mena cū ca niirora, cūja ca betiro mɔja tiicãbogajati? ³⁵Earucu jicã rumũ ca amo jiagũre cūja ca ami weo waari rumũ. Tii rumuri docare betirucuma —ñiupi.

³⁶To biro ñi, ati wãme cūjare ñi cõõña wedeupi ñucã:

—Jicũ wno peera, jutiro bũcũrore sere tuurũɔɔ, jutiro

wãmarore taa amitimi. To biro cū ca tiijata, wãma quejerore to birora tii yaiocãɔɔ tiimi. Wãma quejero, bũcu quejero menare añuro ãpõtioti. ³⁷Ñucã jicũ wno peera wje oco wãmare, waibũcu quejero poari, bũcu poaripũre pio jãatimi. To biro cū ca tiijata, wje oco wãma, tii poarire tii yega batecãcu. To biri wje ocoa jite batecoa, tii poari cãa yega yaicoa, biicãcu. ³⁸To biri wje oco wãmarã, wãma poaripũ pio jãaricarõ añu. ³⁹Jicũ wno peera wje oco ca pãmurijepũre ca jinirã, wãma biperique peera jinitima, “Ca pãmurijepũ wado añu” ca ñirã niiri —ñiupi Jesús.

Yerijãarica rumure trigo cūja ca tũnerique

(Mt 12.1-8; Mc 2.23-28)

6 ¹Jicã rumũ Jesús, yerijãarica rumũ ca niiro, ote wejeri watoapũ cū ca waa nũnũa waaro, cū buerã pea trigo dicare tune jee, cūja amori mena ca apere jiquē jeeri, baa nũnũa waaupa. ²To biro cūja ca tiiro, jicārã fariseos o biro cūjare ñi jãñiupa:

—¿Ñee tiirã, yerijãarica rumure ca tii dotitirijere mɔja tiiti? —ñiupa.

³To biro cūja ca ñiro, o biro cūjare ñi yũũupi Jesús:

—¿Mɔja, jicãti David, cū mena macãrã ména queyama ñigu cū ca tiiriquere, jicãti wno peera mɔja bue ñaatiti? ⁴Umũreco Pacũ yaa wiipũ jãa waa, paũ, Umũreco Pacũ yee cūja ca jee

dica wooriquerena jee, paia wado cūja ca baarijerena baa, cū mena macārā cāare eca, tiupi —īiupi.

⁵O biro cūjare īi nemoupi ñucā:
—Yū, Ca Nii Majuropegu Macāa, yerijāarica rumu cāare yu doti majicā —cūjare īiupi Jesús.

**Ca amo buericure Jesús
cū ca catorique**

⁶Ape rumu yerijāarica rumu ca niiro, nea poo juu buerica wiipū jāa waari, bue juo waaupi ñucā Jesús. Toopure niupi jīcū, díamacū ñña peere ca amo buericu. ⁷To biri doti cūriquere ca juo buerā, fariseos, cūre cūja ca wedejāapa wāmere amarā, “¿Yerijāarica rumurena cū caticāgūti?” īirā, cū jīcūrena boca īa cote niupa. ⁸Jesús pea to biro cūja ca īi tūgoñarijere majiri, o biro īiupi ca amo buericure:

—Wāmū ñucā doori, ano decomacā pee ea ñucā waagūja —cūre īiupi. To biro cūre cū ca īiro, wāmū ñucā doo, cū ca ea ñucā waaro īa, ⁹o biro cūjare īiupi Jesús:

—Jīcā wāme mūjare yū jāiñarucu: ¿Doti cūriquea, yerijāarica rumure ñee to tii dotiti, ñañarijere, añurije peere? ¿Bojocare catoriquere, jīa cōarique peere? —cūjare īi jāiñauipi.

¹⁰To biro īi, cū weja ca niirā niipetirāre īa, o biro īiupi ca amo buericure:

—Mū amore juu pooya —īiupi. Cū ca īirore biro tiupi cū pea. To cōrora ca buericura amo añucoapa ñucā. ¹¹To biro cū ca tiirijere īarā, fariseos pea buaro ajiari:

—¿Do biro peti Jesús're mani tiirāti? —ameri īi wede peni juo waaupa.

**Cū buerāre Jesús
cū ca beje jeerique
(Mt 10.1-4; Mc 3.13-19)**

¹²Tii rumurirena Jesús, ūtāga jotoapū waaupi, juu buegū waagū. Tii ñamire ūmureco Pacure juu bue ñami cūti boecoapū. ¹³Ape rumu boeri tabe, cū buerāre juo cojori, cūja mena macārāre pua amo peti, dūpore pūaga penituario ca niirā beje jeeupi, cū yee quetire ca wedeparāre. ¹⁴To biri anija niupa: Simón, ñucā cūrena Pedro cū ca wāmeo tiiricu, Simón bai Andrés, Santiago, Juan, Felipe, Bartolomé, ¹⁵Mateo, Tomás, Alfeo macū Santiago, Simón celote puna macū, ¹⁶Santiago macū Judas, Judas Iscariote Jesús're ca wedejāa cōapū, to cānacārā niupa Jesús cū ca beje jeericarā, cū yee quetire ca wede nemoparā.

**Paū bojocare Jesús
cū ca buerique
(Mt 4.23-25)**

¹⁷⁻¹⁸Jiro Jesús ūtāgū jotoapū ca niiricu, cūja mena duwi doo, ca buuri maniri yepare tua

nucã eaupi. Toore, paç cãre ca nũnrã, paç Judea yepa niipetiro macãrã, Jerusalén macãrã, dia pairi yaa buuro jotoa macã macãri Tiro, Sidón, ca wãme cõtiri macãri macãrã, Jesús cũ ca wederijere ca tũorã dooricarã, cũja diariquere cũ ametũenejato iirã ca dooricarã, niipura. Nũcã wãtĩ yeri jũori ñañaro ca tamũorã cãa catio ecoupa. ¹⁹To biri bojoca niipetirã Jesús're padeñarũgamiupa, cũ ca yeri tutuarije cũpũre ca witiijera niipetirã ca diarique cõtirãre ca ametũenero macã.

Ujea niirique, tũgoeña pairique
(Mt 5.1-12)

²⁰To cõrora Jesús pea cũ buerã peere ña, o biro cũjare iipi:

“Ujea niĩna mũa, ca boo pacarã. Uũreco Pacũ cũ ca doti niiri tabea mũa yaa tabera nii!

²¹Ujea niĩna mũa mecũre ca queyarã, añuro yapi ujea niirã mũa niirucu!
Ujea niĩna mũa, mecũre ca otirã. Jiropũre mũa bui ujea niirucu!

²²Ujea niĩna mũa, yũ, Ca Nii Majuropeegũ Macũ yee jũori, mũare ña tuti, mũare cõa wiene, mũare acaro bui tuti, ñañarãre biro jeeñori, mũare cũja ca ña junaro!”

²³To biro mũa ca tamũori rũmũre ujea niĩna. Bũaropũra ujea niirique mena niĩna, uũreco tutipũre añurijere mũa tiicojo ecorucu. Cũja ñicũarũ

cãa, Uũreco Pacũ yee quetire wede jũgueri majare o biri wãmpera ñañaro cũjare tiipura.

²⁴“Ujea ca apeye pairã pea ñañaro mũa tamũorucu, mee ujea niiriquere mũa bua yerijãa!

²⁵Ujea mecũre añuro yapi añurã ca niirã, jiropũre mũa queya nucũ yuju bũañarucu!
Ujea mecũre ca bui ujea nii niirã, jiropũre ñañaro tũgoeñarique pai mũa otirucu!

²⁶Ujea mecũre niipetirã cũja ca ñi nucũ bũorã, ñañaro mũa tamũorucu! Uto birora tiiquĩupa cũja ñicũarũ cãa, Uũreco Pacũ yee quetire wederi maja jãa nii, ca ñi dito nucũ yujurã mena cãare!”
cũjare iipi Jesús.

Ca ña tutirãre mairique
(Mt 5.38-48; 7.12)

²⁷—Mũa yũre ca tũorã peera, o biro mũare yũ ñi: Mũare ca ña tutirãre maiña; ñañaro mũare ca tiirã cãare añuro cũjare tiiya. ²⁸“Ñañaro mũa bii bũa ñaarucu,” mũare ca ñi tutirãre, “Añuro mũare to bijato,” cũjare ñiña. Ñañaro mũare ca tii eperã cãare, juu bue bojaya. ²⁹Jicũ, mũre, jicã nuña wajopuare cũ ca paajata, ape nuña cãare cũre paa dotiya. Jicũ mũ jutiro jotoa macãrore cũ ca emajata, “Doca macãro cãare cũ amicoajato,” iicãña. ³⁰No ca boogũ cũ ca boorijere mũre cũ ca jãiro, cũre tiicojaya. Mũ yeere ca emagũ

cāare, “Yure tueneña,” cūre ïiticāña. ³¹Aperã añuro m̄jare cūja ca tiiro m̄ja ca boorore birora, m̄ja cāa añuro cūjare tiya.

³²M̄jare ca mairã wadore m̄ja ca maijata, ¿ñee ñno pee añurijere tii ametuene nucārã m̄ja tiiti? Ñañarije ca tiirã cāa to birora tiirique cõtima. ³³Añuro m̄jare ca tiirã wadore, añuro cūjare m̄ja ca tijata, ¿ñee ñno peere añurije to bii ametuene nucãti? Ñañarije ca tiirã cāa to birora tiirique cõtima. ³⁴“Apeye ñnore jãare tiicojorucuma,” m̄ja ca ñi t̄goeñarã wadore m̄ja ca wajojata, ¿ñee ñno peere añurije tii ametuene nucārã m̄ja tiiti? Ñañarije ca tiirã cāa, “Apeye ñno jãa tiicojo ecorucu,” ñi t̄goeñari ameri wajoma. ³⁵M̄ja pea to biro tiitirãra, m̄jare ca ña tutirãre mai, añurijere tii, apeye ñnore wajorã cāa, “Tee wapa jãare tiicojorucuma,” ñi yuericaro maniro tiya. To biro m̄ja ca tiiro, pairo niirucu, m̄ja yee ca niipe. M̄ja pea Æmureco Pacu ati Æmureco niipetirop̄re Ca Doti Niigu puna m̄ja niirucu. Cūa, añu ca ïitirã, ca bojoca ñañarã mena cāare, ca bojoca añuḡu niimi. ³⁶M̄ja cāa, ca ña mairã niina, m̄ja Pacu ca ña maigu cū ca niimore birora.

Aperãre ña bejeticãña

(Mt 7.1-5)

³⁷“Aperãre, “To biro biima,” ñi ña bejeticãña. Æmureco Pacu cāa, “To biro biima,” m̄jare ñi

ñã bejetirucumi. Ñucã aperãre “Ñañaro ca tii ecomparãra niima,” cūjare ñi wedejãaticãña. Æmureco Pacu cāa, “Ñañaro ca tii ecomparãra niima,” m̄jare ïitirucumi. Ñañarije m̄jare cūja ca tiirijere acoboya. Æmureco Pacu cāa ñañarije m̄ja ca tiirijere acoborucumi. ³⁸Ca c̄otirãre cūja ca boo pacarijere cūjare tiicojoya. Æmureco Pacu cāa m̄jare tiicojorucumi. M̄jare tiicojorucumi upa poapu añuro ñta bijaro ñia jua dadocãrica poa. Aperãre m̄ja ca tiicojoricaro cõrora, Æmureco Pacu cāa m̄jare tuenerucumi —cūjare ñiupi.

³⁹Ñucã ati wãme ñi cõõñari cūjare wedeupi:

—M̄jara, ¿jicū ca ñatiḡura, ap̄i ca ñatiḡure cū j̄uo j̄ugue waa majicãgajati? ¿Cūja p̄narãp̄ura op̄ep̄u cūja ñaajãacoatigajati?

⁴⁰Jicū bueri maj̄u ñno peera cūre ca bueḡu ametuenero maji ametuenetimi. Biiḡup̄na, cū ca buerijere yapanoḡup̄na doca, cūre ca bueḡure birora bii eacumi.

⁴¹“¿Ñee tiigu m̄ pea m̄ capegar̄ure yucu ñucaro m̄ ca c̄orije peera ña majiti pacagu, m̄ yee wedeḡu capega peere taa daacã ca jãñari daa peere m̄ ña ñn̄jeeti? ⁴²M̄ capegarena yucu ñucaro m̄ ca c̄orijere ña majiti pacagu, ¿ñee tiigu m̄ yee wedeḡure, “Ȳu yee wedeḡu m̄ capegar̄ure taa daa jãña, tii daare yure ami cõa dotiya,” cūre m̄ ñiti? Watoara ca bii dito paigu, m̄ capegare ca niiri

dũcaro peere ami cõa jũoya. To biro tiicãri jiropũ docare, añuro mũ ãa majirucu, mũ yee wedegũ capegapũre taa daacã ca jãñari daare ami cõarũgu.

**Yucũgure tiigũ dica
mena ãa majirique nii**
(Mt 7.17-20; 12.34-35)

⁴³”Jĩcãgu ñno peera, yucũgu añuricu ñañarije dica cõtiti; yucũgu ca ñañaricu cãa, añurije dica cõtiti. ⁴⁴To cãnacã yucũpũrena ca dica mena ãa majirique nii. Higore pota yucũpũre ca niirijere jeeya mani. Uje cãare pota daaripũre ca niirijere jeeya mani. ⁴⁵Bojocu ca añugũ, añurije wedemi, cũ yeripũre añurije ca niiro macã. Ñañagũ cãa, ñañarije wedemi, cũ yeripũre ñañarije wado ca niiro macã. To biri yeripũre ca nii ametũene ñucãrijera ujerore witi.

**Ca tũgoeña majigũ,
ca tũgoeña majitigũ**
(Mt 7.24-27)

⁴⁶”¿Ñee tiirã yũ ca ñirijere tiiti pacarã “Wiogũ, Wiogũ,” yũre mũja ñiti? ⁴⁷Yũ pũto pee doori, yũ yee quetire tũo, yũ ca ñirore biro ca tiigũa, “O biirije ca tiigũre biro biimi,” mũjare yũ ñirucu. ⁴⁸Jĩcũ wii bũagũ ñcũaro ope coa jũo, ñtãga jotoara wii botarire wee ñee peo, ca tiiricũre biro biimi. Dia pai, duama ñiro, tutuaro tii wiire oco ca ñmaa cõa tuu pacaro, petoacã yuguirucu tiitiupe, añuro tutua

añuro cũ ca quenorica wii niiri. ⁴⁹Yũ ca ñirijere tũo pacagũ, yũ ca ñirore biro ca tiitigũa, jĩcũ wii bũagũ, yepara tii pacagũ, wii botari ca nucũ ñeepea tabe cũu jũotigũra ca tiiricũre biro biimi. Dia pai, duama ñiro, tutuaro oco ñmaa cõa tuuma ñirora, jĩcã bota, wii bota dũjaricaroc maniropũ ñmaa yuu bate yaioacũpe —cũjare ñiupi Jesús.

**Uwamarã uũpũre pade coteri
majũre Jesús cũ ca catorique**
(Mt 8.5-13)

7 ¹Bojocare to biro cũjare ñi wede yapano, Capernaúm'pũ waacoaupi Jesús. ²Tii macãre niĩupi jĩcũ Roma macũ, uwamarã wioagũ, cũre ca pade bojari majũ bũaro cũ ca maigũ, ca bii yaigũpũre ca cũogũ. ³Uwamarã uũpũre pea Jesús cũ ca tii niirijere cũja ca wedero tũori, jĩcãrã judĩos're ca jũo niirã mena cũ pade coteri majũre cũ catiogũ doojato ñigũ, Jesús're cũjare jũo doti cojoui. ⁴Cũja pea to biro cũ ca ñi cojoricarã Jesús pũto earã, o biro cũre ñiupa:

—Ani uwamarã uũpũre mũ ca tii nemopũ ñnora niimi. ⁵Cũa, mani yaa pooga macãrãre bũaro maimi. Cũra jãa ca nea poo juu bueri wiire tii dotiwi —ñi eaupa.

⁶To biri cũja mena waaupi Jesús. Mee, wiire ea waagũ doogũ cũ ca birora, uwamarã wioagũ pea jĩcãrã cũ mena macãrãre o biro ñi doti cojoui:

—Wioagũ, tee jũorira pato wãcãrique mena biiticãña. Yũa,

yɛ yaa wiire mure ca jãa dotipɛ
 ɛno mée yɛ nii. ⁷To birira mee,
 yɛ majuropeera mure yɛ amagu
 waatijãwɛ. Yure pade coteri majɛ
 cã ca diarique ametɛape wadore
 doti cojoya. ⁸Yɛ majurope cãa yɛ
 wiorã cãja ca dotirijere ca tiigu
 yɛ nii. Yɛ cãa uwamarãre yɛ
 cɔo, yɛ ca dotirijere ca tiirãre.
 To biri cãja mena macũ jĩcũre,
 “Waagɔja” yɛ ca iiro, waami.
 Ñucã apĩre, “Dooya” cũre yɛ ca
 iiro, doomi; yure ca pade cotegɛ
 cãare, “Teere tiya” yɛ ca iiro, yɛ
 ca iirore biro tiimi —ĩiupi.

⁹Teere tɔogɛ, Jesús pea do biro
 pee ñi majiticã amojode nɛcãri,
 cũre ca nɛnɛrãre o biro iĩupi:

—Yee mée mɔjare yɛ ñi. Ano
 Israel yepare jĩcũ ɛno peera ani
 uwamarã ɛpɛ to cõro bɛaro
 “Yure tii nemocãrucumi,” cũ
 ca ñi tɔgoeña bayirore biro ca
 biigɛre yɛ bna ea ñaati —cũjare
 iĩupi Jesús.

¹⁰Uwamarã wioɛɛ cũ ca doti
 cojoricarã pea wiipɛ tua earã,
 uwamarã wioɛɛre pade coteri
 majɛ bii yaigɛpɛ ca biimiricũre
 aũuro cati aũugɛpɛ cũ ca niiro
 tua eaupa.

**Ca manɛ bii yai weo ecorico
 macũre Jesús cũ ca catorique**

¹¹Ate jiro Jesús, Naín ca wãme
 cɛtiri macã pee, cũ buerã, aperã
 bojoca paɛ mena waaupi. ¹²Tii
 macãre ea waarã, paɛ bojoca
 tii macã macãrã mena ca manɛ
 bii yai weorico macũ jĩcũra ca

niimiricũ, ca bii yairicũre cãja
 ca yaarã waaro iaupã. ¹³Cãjare
 ña, ca bii yairicũ pacore boo
 paca iari, o biro cõre iĩupi:

—¡Otieto! —ĩiupi Jesús.

¹⁴To cõrora waa, maja potire
 padeña, cũ ca tiirora tii potire ca
 ami waarã pea tua nɛcãupa. Jesús
 pea, o biro iĩupi ca bii yairicũre:

—Wãmɛ, wãmɛ nɛcãña mure
 yɛ ñi —cũre iĩupi.

¹⁵To biro cũ ca iĩrije menara, ca
 bii yairicũ pea cati tua wãmɛ nuu,
 wede jɔo waaupi. To biro tii, Jesús
 pea cũ pacore cũre tueneupi.

¹⁶Atere ñarã niipetirãpɛra ña
 uwima iirã, Ɛmũreco Pacure o
 biro ñi nɛcũ bɛoupa:

—Jĩcũ Ɛmũreco Pacɛ yee
 quetire wede jɔgueri majɛ
 do biro ca tiya manigɛ mani
 pɛtore baua eami —ĩiupa.

Ñucã o biro iĩupa:

—Ɛmũreco Pacɛ cũ yaarãre tii
 nemogɛ doogɛ doojapi —ĩiupa.

¹⁷To biro Jesús cũ ca tiirijere
 Judea yepa niipetiro macãrã,
 ñucã too wejari macãrã cãa
 queti tɔo peticã cojupa.

**Juan cũ ca jãiña doti cojoricarã
 (Mt 11.2-19)**

¹⁸Cũ buerã cũre cãja ca
 wedero macã ate niipetirijere
 queti tɔoupi Juan. To biri cũ
 buerã mena macãrã pɛarãre jɔo
 cojo, ¹⁹Jesús're o biro ñi jãiña
 doti cojoui:

—¡Mũra mɛ niiti “Mesías
 doorucumi,”ⁿ cãja ca iĩricũ,

ⁿ 7.19, 20 Ɛmũreco Pacɛ cũ ca tiicojo cojogɛ.

ména apîre jãa yuegajatiqué?”
cûre ïi jãinãrãja —ïiupi Juan.

²⁰To biro cû ca ïi cojoricarã
Jesús puto ea, o biro cûre ïiupa:

—Juan, bojocare uwo coeri
majũ, “¿Mũra mũ niiti, ‘Mesías
doorucumi,’ cûja ca ïiricu, ména
apî ca yueparã jãa niitiqué?”
cûre ïi jãinãrãja jãare ïi cojojãwi
—cûre ïiupa.

²¹To biro cûre cûja ca ïiri
tabera, Jesús pea paũ bojoca
ca diarique cutirãre, ca upuri
punirãre, catioupi. Ñucã cûja
yeripũ ca wãtia jãnarã cãare
cûjare catio, paũ ca ïatirãre cûja
ca ïaro tii, cûjare tiiupi. ²²To
biro tii yapano, o biro cûjare ïi
yũupi Jesús:

—Waari, mũja ca ïajãrijere,
mũja ca tvojãrijere wedeya
Juan're. Ca ïatirã ca niimiricarã
ïa, upa yuriri cãa añuro waa
maji, ca cami boarã cãa cami
yati eco, ca tũotimiricarã cãa
tũo, ca bii yairicarã cãa cati
tua, ñucã ca boo pacarã cãa
añurije quetire wede eco, biima.
²³“¿Ëjea niina, yũ yee jũori ca
tũgoeña maa wijiatigua!” ïi
wederãja Juan're —ïiupi, Juan
cũ ca jãina doti cojoricarãre.

²⁴Juan, cũ ca jãina doti
cojoricarã cûja ca tua waaro
jiro, too ca niirã bojocare o biro
cûjare ïi wede jũo waaupi Jesús,
Juan yee maquẽre:

—¿Ñeere ïarã waarã, ca yucũ
maniri yeparũ mũja waari?
¿Jicã wãjo wino ca paa puurije

mena ca yugui nucûri wãjore
ïarã waarã mũja biiri? ²⁵Tee
méere ïarã mũja ca biijata,
¿Ñeere ïarã waarã mũja biiri?
¿Jicũ añurije ca juti jãñagure
ïarã waarã mũja biirique?
Mũja, añurije juti jãñacãri ca
niirã, cûja upuri ca boorore
biro ca tii nucû yujurã, wiorã
yaa wiijeripũ cûja ca niirijere
mũja maji. ²⁶¿To docare ñee
peere ïarã waarã mũja waari?
¿Jicũ Ëmũreco Pacũ yee quetire
ca wede jũgueri majũre ïarã
waarã mũja biirique? Cũ petire
mũja ïarã waajacupa. Ëmũreco
Pacũ yee quetire wede jũgueri
maja ca niirã ametũenero ca
niigũre. ²⁷Juan, Ëmũreco Pacũ
wederiquerũ o biro cûja ca ïi
owa tuuricũra niimi:

“Mũre cũ maa queno yuejato
ïigũ, yũ yũ queti wederi
majũre mũ jũguero cûre yũ
tiicojo.”^o

²⁸Jicũ peera ati yepa macũ, Juan
ametũenero ca nii majuropeegũ
maniupi. To biro cũ ca biicã
pacaro, Ëmũreco Pacũ cũ ca doti
niiri taberũra watoa macũ ca
niigũ pee, Juan ametũenero ca
niigũ niimi —ïiupi Jesús.

²⁹O biro cũ ca ïiro tũorã,
bojoca niipetirã, ñucã Roma
maquẽre wapa jee bojari majarũ
cãa, “Ëmũreco Pacũ cũ ca
ïirije díamacũra nii,” ïi majiri,
Juan're uwo coe dotiupa. ³⁰Cãja
pea o biro cûja ca biicãro,
fariseos, doti cũuriquere ca

^o 7.27 Mal 3.1.

juo buerã pea, Juan're uwo coe dotitiupa. To biro biirã, Ëmureco Pacu cãjare cã ca tii nemorugamirijere junaupa.

³¹O biro ïi nũna waaupi Jesús:

—¿Ati cuu macãrã bojocare, ñee mena yu ïi cõõaguti? ¿Ñiruare biro cãja biiti?

³²Wimarã jicã yeparu epe duwirã cãja mena macãrãre:

“Tõrogare jãa putimijãwu; mũa pea mũa bajatijãwu.

Boori bajare jãa bajamijãwu;

mũa pea mũa otitijãwu,”

ca ïi ameri acaro bui cojo niirãre biro niima. ³³Bojocare Uwo Coeri majũ Juan, baariquere baati, uje ocore jiniti, ca biigu dooupi. To biro cã ca biirijerena, “Ca wãtĩ jãñagũ niimi,” cãre mũa iupa. ³⁴Cã jiro yu doowũ ñucã, yu, Ca Nii Majuropeegũ Macũ, baariquere ca baagũ, uje ocore ca jinigu. To biro yu ca biirijerena ñucã mũa pea:

“Ca baa pacagũ, ca jini pacagũ, ñañarã mena macũ, Roma maquere wapa jee bojari maja mena macũ niimi,” yure mũa ïi. ³⁵Biiorũna Ëmureco Pacu yee majiriquea, cãre ca nũnrã menaru bii ñnocã —iupi.

Simón fariseo yaa wiipu Jesús cã ca waarique

³⁶Jicũ fariseo Simón ca wãme cutigu Jesús're: “Yu puto baagu dooya,” cãre iupi. To biro cã ca iiricu cã yaa wiipu waari, baarique peorica pĩ puto ea nuu eaupi. ³⁷Tii macãre niupõ

jicõ nomio, ñañarije ca tiigo.

Cõ pea, “Fariseo yaa wiipu baagu waajagu Jesús,” cãja ca iirijere tũori, alabastro cãja ca iirica dadaro, ca juti añurijere cõcãrico, jãa eaupo Jesús puto.

³⁸Otigora, Jesús dũpori puto pee waari, cõ cape oco menara cã dũporire weyoupo. To biro tiicã cõ poa menara tuu bopo, cã dũporire ùpũ, ca juti añurije pio peo, tiupõ.

³⁹To biro cõ ca tiiro ïagu, “Yu yaa wiipu baagu dooya” Jesús're ca iiricu fariseo pea:

—Ania díamacũra, Ëmureco Pacu yee quetire wede jũgueri majũra cã ca niijata, to biro ca biigo yure padeñacumo, “Ñañarije ca tiigo niimo atio,” ïi majibocumi doca —ïi tũgoẽaupi.

⁴⁰To cõrora Jesús pea o biro cãre iupi fariseore:

—Simón, jicã wãme mure yu iirũga —iupi.

To cã ca iiro:

—Jaũ, Buegũ, yure wedeya —cãre iupi Simón.

⁴¹Jesús pea o biro cãre ïi wede nũna waaupi:

—Puarã umũa, wapa moouparã wapa tiirica tiiri ca wajogare. Jicũ quinientos rumuri pade wapa taaricaro cõro, apĩ pea, cincuenta rumuri pade wapa taaricaro cõro, cãre wapa moouparã. ⁴²Cãja ca wajoricũ pea cãre cãja ca wapa tiipe uno cãja ca cõtiro macã, cãja pũarãpũrena “Yure mũa ca wapa moorijea to birora

to biicājato, cūjare iūpu,”
mū pea iññaaqué yua. Mū ca
tūgoeñajata, ¿niipe buaro peti
cūre cū maigajati? —cūre iñ
jāiñaupi Jesús.

⁴³To biro cū ca iñ jāiñaro:

—Yura, paio cūre ca wapa
moomiricu pee cūre mai
ametuenecumi —iūpi.

To biro cūre cū ca iñ yūro
tuogu:

—Díamacūra mū iñ —cūre
iūpi Jesús.

⁴⁴To biro cūre iñ, nomio peere
iari, o biro cūre iūpi Jesús,
Simón're:

—¿Mū iati atiore? Mū yaa wii
yū ca jāa dooro, yū dūpori yū ca
coepe oco yūre mū tiicojotijāwū.
Cō pea, cō cape oco menara yū
dūporire weyori, cō poa ñapō
menara tuu coe bopomo. ⁴⁵Yū
ca earo, yū wajopuare ūpū boca,
mū tiitijāwū. Cō pea, yū ca jāa
earopura yū dūporire ca ūpū
jūojāgo, ūpū yerijāatimo. ⁴⁶Ñucā
yū dūpuga cāare ca jūti añuriye
yūre pio peo, mū tiitijāwū. Cō
pea, yū dūporire ca jūti añuriye
pio peomo. ⁴⁷To biri mūre yū
iñ: Pau ñañariye cō ca tiiriquere
acobo ecomo, buaro yūre cō ca
mairo macā. Petoacā ñañariye ca
tiiricure acobojata, petoacā cū
ca mairijere iñomi —iūpi.

⁴⁸To biro cūre iñ, o biro iūpi
nomio peere:

—Ñañariye mū ca tiirique
acoboriquerū nii —cōre iūpi.

⁴⁹To biro cū ca iñro tuorā,
aperā cū ca jūoricarā pea o biro
ameri iñ jāiñaupi:

—¿Ania ñiru ūno peti cū
niicāti nija, bojoca ñañariye
cūja ca tiirijerū cāare ca
acobocāgūa? —ameri iūpa.

⁵⁰Jesús pea o biro iūpi ñucā
nomio peere:

—“Yūre ametuenecārucumi,”
mū ca iñ tūgoeña bayirije jūori,
mū ametuene eco. Tūgoeñarique
paitigora tua waagoja —cōre
iūpi.

Jesús're ca tii nemorucuricarā romiri

8 ¹Ate jiro Jesús pau
macāripure ūmureco
Pacu cū ca doti niiri tabe maquē
añuriye quetire wede yujuupi.
Cū buerā pua amo peti, dūpore
puga penituario ca niirā,
²ñucā nomia jicārā ca wātia jāa
ecoricarāre cū ca catoricarā
romiri, cūre bapa cūti yujuupa.
Cūja watoare waaupo María, ñucā
cōra Magdalena ca wāme cutigo,
jicā amo peti, ape amore puga
penituario ca niirā peti wātia cūja
ca witorico. ³Apeo, wiogu Herodes
yeere ia nūñjee bojari majū ca
niiricu Cuza nūmo Juana, to biri
apeo Susana niupa. Apepā pau
romiri cūja ca cūorije mena cūre
ca tii nemorucuricarā niupa.

Oteri majure iñ cōñari cū ca wederique (Mt 13.1-9; Mc 4.1-9)

⁴Pau bojoca macāri macārā
cōrora Jesús're iñarugarā waaupa.
To biri pau cūja ca nea pooro ati
wāme iñ cōñari, cūjare wedeupi
Jesús:

⁵—Jĩcũ oteri majũ cũ otere otegu waaupũ. Cũ ca dee bate otero jĩcãgaari maapu ñaaupe. To biri bojoca teere uto yaio batecã, ñucã minia cãa doo, teere baacã, tiicãuparã. ⁶Apeye ñaaupe ũtã watoapu. Wiiñami, jita uje meniroacã ca niiro macã, oco manima iiro jinicoaupe. ⁷Ape gaari pota watoapu ñaaupe. Pota mena jĩcãrira bucuañami, pota pee teere bucua ametua biato yaioçãupe. ⁸Apeye pea añuri jitarũre ñaacũmuupe. Tee añuro bucua, jĩcã jati cien apegaari peti dica cãtiupe —iupi. Atere o biro iĩ yapano, tutuaro wederique mena o biro iupi Jesús:

—¡Ca amoperi cãtirã tũoya yũ ca iĩrijere!

¿Ñee tiiro iĩ cõõnarique to niiti?
(Mt 13.10-17; Mc 4.10-12)

⁹Cũ buerã pea, “¿Ate iĩ cõõnarique, do biro iĩrugaro to iiti?” cũre iĩ jãiñaupa.

¹⁰Jesús pea o biro cãjare iupi: —Mũjara Umũreco Pacũ cũ ca doti niiri tabe maquẽ ca majiña maniriquere mũja ca majiro mũjare tiimi. Aperã peera iĩ cõõnarique mena cãjare yũ wede,

“Yũ ca tiirijere ca iãrã nii pacarã iã majiti,
yũ ca wederijere tuo pacarã tuo majiti, cãja bijato iĩgu,”
iupi.^p

**Oteri majũre iĩ cõõnari
cũ ca wederiquere Jesús
cũ ca wede majiorique**
(Mt 13.18-23; Mc 4.13-20)

¹¹”Ate nii iĩ cõõnari yũ ca wedejãrijere ca iĩrugarije: Ote apegaaria, Umũreco Pacũ wederique nii. ¹²Ote ape ca ñaarica maa pea, Umũreco Pacũ yee quetire ca tũorã niima. Jiro Satanás doo, añurije queti cãja ca tũomiriquere emacãcumi, teere díamacũ tuo nũnũjeeri ametũarema iĩgu.^q ¹³Ca ũtã cãtiri yepa pea añurije quetire tũorã, ujea niirique mena ca tũorã niima. Bucuarucu ñami, nũcõri manima iiro ca jiniriquere birora, tee jũori ñañaro cãjare to ca bii earora, cãja ca tuo nũnũjeemiriquere yerijãacãma. ¹⁴Ote ape ca ñaarica yepa ca pota yucũ cãtiri yepa pea, añurije quetire ca tũorã niima. Tũo pacarã tũgoeñarique pai, pairo apeye cuorũga tũgoeña, ati yepare cati niirã cãja upũri ca boorore biro cãja ca tii ujea niirije mena teere tii yaio batecãma. To biri dica manirora ca yairicarore birora biicãma. Bucua yapanotirora ca bii yairijere biro biima. ¹⁵Ote ape ca ñaarica yepa ca jita añuri yepa pea, bojoca añuro yeri tũgoeñarique cãtiri, añurije quetire tuo, tee ca iĩrore biro tii nũnũjee, to birora tũgoeña

^p 8.10 Is 6.9. ^q 8.12 To biri maa pũto ca ñaariquere minia cãja ca baa batericarore biro biima.

bayicōa nii, ca biirā niiri añuro
ca dica cutiricarore biro biima
—cūjare ñi wedeupi Jesús.

**Jīa boericagare ñi cōñari
cū ca wederique**
(Mc 4.21-25)

¹⁶—Jīcū peera jīa boericagare
jotū mena buato dopo, ñucā cāni
pejarica tabe doca pee dopo,
tiirugū mée jīa boemi. Emuaro
pee peorugū, ca jāa doorāre to
boejato ñigu pee doca, jīa boemi.
¹⁷Teere birora yaioropū ca
niirije, majiña manirijera biicā
yerijāa waa, biiti. Ñucā jīcārāra
majirique cāa niipetirāpū majiña
manirijera niicā nūna waa,
biiti.^r ¹⁸To biri añuro tūoya: Yū
yee quetire aperāre ca wede
majiogūra, buaro jañuro cū ca
majipere tiicojorucumi Umureco
Pacū. To biro ca tiitigūa, cū ca
majiruga tūgoeñamirijepūra
ēma ecocoarucumi —cūjare
ñiupi Jesús.

Jesús paco, cū bairā
(Mt 12.46-50; Mc 3.31-35)

¹⁹Jesús paco, cū bairā cūre
īarā waamiupa. Paū bojoca cūja
ca niiro macā, cū pūtorū ea waa
majitiupa.

²⁰To biri to ca niirā mena
macū jīcū:

—Mū paco, mū bairā mure
īarūgarā, macāpū mure yue
niima —cūre ñiupi.

²¹To biro cū ca ñiro, Jesús pea
o biro cūre ñi yūñupi:

—Yū paco, yū bairā, Umureco
Pacū yee quetire tūori, tee ca
ñiire biro ca tii nūñjeerā
niima —ñiupi.

**Winore, oco ca jaberijere,
Jesús cū ca yerijāa dotirique**
(Mt 8.23-27; Mc 4.35-41)

²²Jīcā rūmū Jesús cū buerā
mena cūmua pairicapū ea jāa, o
biro cūjare ñiupi:

—Jamū. Utabūcūra ape
nūñapū mani tīa waaco —ñiupi.
To biri tīa waaupa. ²³Cūja ca
tīa nūna waaro, Jesús pea
cānicoaupi. To biro cū ca bii
ditoye tiirare, buaro ca wino
paa puu cōa pooro oco jabe
nūna douupe. To biro ca biiro,
cūmua peera paio oco ñaajāa
duuropū tiicāupe. ²⁴To cōrora
cū buerā pea Jesús're wācōrā, o
biro ñiupa:

—¡Buegū, Buegū dua waarā
mani bii nija! —cūre ñiupa.

To biro cūja ca ñiro Jesús pea
wācā, winore, ca jaberijere,
yerijāa dotiupi. To cōrora wino,
oco ca jaberije añuropū yerijāa
peticoaupa.

²⁵To biro ca biiro cū buerāre o
biro ñiupi Jesús:

—¿“Manire ametūenecārucumi”
mūja ca ñi tūgoeña bayirije do
biro to biijāri? —ñiupi.

Cūja pea to biro ca biirijere ña
ucua, ñee pee ñi majiticā, o biro
ameri ñi jāñiupa:

—¿Ñiru űno peti cū niibuti
ania, winopūra, oco ca

^r 8.17 To biri yū wederique ca majiña manimiriquere niipetirāpū majirucuma.

jaberijepura, cū ca dotirore biro añuro cūre ca t̄o n̄un̄jeero ca tiigua? —īiupa.

Gerasa macū ca wātīa jāa ecoricū
(Mt 8.28-34; Mc 5.1-20)

²⁶Biirique peti Gerasa yepa, utabucura ape nuña peere Galilea yepa āpōtīñaro ca niiri yeparure tīa ea waaupa. ²⁷Jesús cū ca maa n̄cārije menara, jīcū bojocu, tii macā macū, ca wātīa jāa ecoricū cūre ūmaa bocaupi. Mee, yoaro juti jāñati, wiipure niiti, maja operi watoaripū nii, ca biigu niupi. ²⁸Jesús're ĩacāgura, cū ājuro jupearī mena cū jūguero ñaanuu waari, o biro ĩi acaro buiupi:

—“Īyure pato wācōticāña Jesús, Ūmureco Pacū ati ūmureco niipetiropure Ca Doti Niigu Macū! ĩÑañaro yure tiiticāña,” mure yū ĩi! —cūre ĩiupi.

²⁹Wātī atere to biro ĩiupi, “To cōrora cūre witi waagūja,” Jesús cūre cū ca ĩiro macā. Paū tiiri wātī cūrure ñaajāa n̄cā earucuupi. To biri no ca booro biiremi ĩirā, cū d̄aporire, cū amorire, come daari mena cūja ca jiacānijata cāare, teere tūa jude batecā, ca yuca maniri yeparipū cū ca ūmaa duticā yai waarucuro, cūre tiirucuupi wātī.

³⁰Jesús pea o biro cūre ĩi jāiñaupi:



Bojocu ca wātīa jāa ecoricū. Lc 8.27

—¿Do biro m̄ wāme c̄titi?
—c̄re īupi. To biro c̄ ca īi
jāiñaro, c̄ pea:

—Уна, Legiõn ȳ wāme c̄ti
—c̄re īi ȳupi. Atere o biro
īupi, pā wātīa c̄p̄re c̄ja ca
jāarique ca niiro macā.

³¹C̄ja pea:

—Ca ĩc̄ari op̄er̄ jāare
tiicojoticāna —īi jāiupa Jes̄s're.

³²Tii tabe macā buuro peere
pā ecaricarā yejea baa niupa.
To biri wātīa pea:

—C̄jap̄re jāare jāa dotiya
—īupa. Jes̄s pea c̄jap̄re
c̄jare jāa dotiupi. ³³To c̄õra
wātīa pea bojoc̄p̄re ca
niiricarā witi waa, yejea peere
ñaa jāa n̄cā eaura. C̄ja ca
jāarora, yejea pea tii buuro
macā t̄d̄ip̄ ũmaa mec̄ bua
waa, tiirap̄ ñaañua, dua
yaicoaura.

³⁴Yejeare ca cotemiricarā pea
to biro ca biirijere īari, ũmaa
duti tua waa macā macārāre,
macā t̄jaro macārāp̄ cāare
teere c̄jare wedeupa. ³⁵Bojoca
pea to biro ca biiriquere īarā
waaupa. Jes̄s p̄to earā, wātīa
c̄ja ca witi weoric̄ peera juti
jāñac̄aric̄p̄re, ñucā añuro
bojoca cati añuḡp̄, Jes̄s p̄to
ca duwiḡre c̄re īaupa. To biro
c̄ ca biiro īarā, b̄aro uwiupa.
³⁶Ca wātīa jāa ecoric̄re Jes̄s
c̄re c̄ ca catioro ca īaricarā
pea:

—O biro tii catio ecojāwi
—c̄jare īi wedeupa. ³⁷Teere
t̄orā, Gerasa yepa macārā
niipetirāp̄ra uwima īirā:

—Waacoaguja. Anore niiticāna
—īupa. To biri Jes̄s c̄muar̄
ea jāa, waacoaupi.

³⁸To biro c̄ ca biiro, ca wātīa
jāñaḡre c̄ ca catioric̄ pea:

—Ȳ cāa, m̄ mena ȳ
waarucu —b̄aro Jes̄s're īi
jāimiupi.

³⁹To biro c̄ ca īiro t̄oḡ, o
biro c̄re īupi Jes̄s:

—Dooticāna. M̄ yaa wii pee
tua waari, Ûm̄reco Pac̄ añuro
m̄re c̄ ca tiirije niipetirore m̄
yaarāre wedeya —c̄re īupi.

To biro c̄ ca īiro waa, macā
macārā niipetirāre Jes̄s c̄re
c̄ ca catioriquere c̄jare wede
peticāupi.

**Jairo macō, to biri Jes̄s
jutirore ca padeñarico**
(Mt 9.18-26; Mc 5.21-43)

⁴⁰Jes̄s, ũtab̄c̄ra ape n̄ña
peere c̄ ca tua t̄ia earo, bojoca
pea ũjea niirique mena c̄re
bocaupa, niipetirā c̄re ca yue
niiricarā niiri. ⁴¹To biro c̄ ca
bii t̄ia eari tabera j̄c̄, nea poo
juu buerica wii wioḡ Jairo ca
wāme c̄tiḡ, Jes̄s p̄to eari, c̄
d̄pori p̄to c̄ añuro jupea mena
ea nuu waari:

—Ȳ yaa wiip̄ dooya —c̄re
īupi. ⁴²C̄ macō j̄c̄ra ca niigo,
p̄na amo peti, d̄pore p̄naga
penituario ca niiri c̄mari ca
c̄oḡo bii yaigop̄ biipo.

Toop̄ waaḡ c̄ ca bii n̄n̄na
waaro Jes̄s mena pā bojoca
ñta bijaroacā tuutu n̄n̄na
waaupa. ⁴³C̄ja watoare niipo
j̄c̄, p̄na amo peti, d̄pore

puaga penituario ca niiri cūmari peti ca dīi waa yerijāatirije ca diarique cūtigo. Cōre ũco tiiri majare wapa tiima iigo, cō ca cūomirique niipetirije tiicojo peoticāupo. Jīcū peera cōre ũco tii caticāupa. ⁴⁴To biri Jesús jiro pee doo, cū jutiro yapare padeñaupo. Cō ca padeñarora, cōre ca dīi waa niirije jīcāto dīi taticoaupo.

⁴⁵To cōrora o biro iī jāiñaupi Jesús:

—¿Niru yure cū padeñajāri? —iīupi.

Niipetirāpura: “Jāa padeñatijāwɯ,” cūja ca iiro macā, o biro cūre iīupi Pedro pea:

—Bueɯ, paɯ bojoca mure ca nɯnɯrā, ũta bijaroacā cūja ca tuumicōa nɯnɯa waa pacaro, “¿Niru yure cū padeñajāri mɯ iī jāiñati?” —cūre iīupi.

⁴⁶To biro cūre cū ca iī pacaro Jesús pea:

—Yee méé yɯ iī nija, jīcū yure padeñabujāwi. Yɯ ca tūgoeña tutua maji niirije to ca waa ũmaa waaro yɯ tūgoeñajāwɯ —iīupi.

⁴⁷Nomio pea to biro cū ca iiro, do biro bii duti majitima iigo, nanagora cū puto pee waa, cū dɯpori putoɯ cō ājuro jupeari mena tuetuu ea nuu waari, niipetirā cūja ca tuoropɯ:

—O biirije diarique cūtima iigo, mɯ jutirore yɯ padeñajāwɯ. Yɯ ca padeñarora, yɯ ca diarique cūtirije yure ametuacoa —iī wedeupo.

⁴⁸To biro cō ca iiro, Jesús pea o biro cōre iīupi:

—Macō, “Yure caticārucumi,” mɯ ca iī tūgoeña bayirijera mɯ ca diarique cūtirijere mure ametuene. Tūgoeñarique paitigora waagoja —iīupi.

⁴⁹Ména, Jesús to biro cū ca iī niiri tabera, nea poo juu buerica wii wiogɯ Jairo yaa wii macū ea, o biro cūre iīupi:

—Mee, mɯ macō bii yaicoajāwo. Bueɯre pato wācō nemoticāña —cūre iīupi.

⁵⁰Jesús pea teere tuori, o biro iīupi Jairore:

—Uwiticāña. Díamacū tuo nɯnɯjeeya, mɯ macō ametuacārucumo —cūre iīupi.

⁵¹Jairo yaa wiipɯ eagɯ, ca bii yairico pacɯ, cō paco menare, Pedro, Juan, Santiago jāari wadore jāa waa dotiupi Jesús.

⁵²Niipetirā buaro tūgoeñarique pairique mena cōre oti niipua. Jesús pea o biro cūjare iīupi:

—Oticāña. Daquego bii yaigo méé biimo. Cānigo tiimo —iīupi.

⁵³To biro cū ca iiro tuorā, niipetirā cūre boca buicāupa Jesús're:

—Mee, bii yaicoajāwo —iīma iirā. ⁵⁴To biro cūre cūja ca iī bii pacaro, cō amore ñeeri, tutuaro wederique mena o biro iīupi Jesús:

—Daquego, wāmɯ nɯcāña —cōre iīupi.

⁵⁵To biro cū ca iirora, cō pea cati tua eaupo; cati tua egora wāmɯ nɯcā cō ca biiro Jesús pea:

—Cōre baarique ecaya —cūjare iīupi. ⁵⁶Ca bii

yaicoaricopura cõ ca cati tuaro ïarã, cõ pacua pea ïa ucua yaicoa, ñee pee ïiticãupa. Jesús pea, to biro ca biiriquere: “Jícã peerena wedeticãña,” cãjare ïupi.

**Jesús cã buerãre
cã ca tiicojo cojorique**
(Mt 10.5-15; Mc 6.7-13)

9 ¹Jesús cã buerã, pua amo peti, ðupore puaga penituario ca niirãre neori, yeri tutuarique, doti majirique cãjare tiicojoui, wãña cãja ca niïro cõrorena cõa wiene maji, diariquere ametuene maji, cãja ca tii majipere biro ïigu. ²To biro tii, Æmureco Pacu cã ca doti niiri tabe maquẽre wede, ca diarãre cãja diarique ametuene, cãjare tii dotigu tiicojoui. ³O biro cãjare ïupi:

—Maa waarã muja ca cõo waape unora jee waaticãña: tuericagu unora, wajorõa unora, baarique unora, wapa tiirica tiiri unora, to biri juti muja ca wajoa jãñape unorena, jee waaticãña.

⁴Noo muja ca eari wiira niicãña. Tii wiira nii, apero waarãpũ ñucã tii wiire muja witurucu.

⁵Jicã macã macãrã uno mujare cãja ca bootijata, tii macãre witi waarãra, tii macã maquẽ jita muja ðporipure ca ea tuarijere paa bate cõu, waacoarãja, “Mujare jãa ca wederijere muja ca tæorugatirije juori, muja yee wapa ñañaro muja tamæogucu,” cãjare ïi majiorã —cãjare ïi cojoui Jesús. ⁶To biri cãja pea,

macãri niipetirijepũ waa, añurije quetire wede, ca diarique cõtirãre cãja diarique ametuene, tii yujuupa.

Herodes cã ca tægoeña amarique
(Mt 14.1-12; Mc 6.14-29)

⁷Wiogu Herodes, Jesús cã ca tii niirije niipetirijere queti tæoupi. Teere tæogu, do biro ïi majitiupi: “Jicãrã Juan niiquiricu cati tuajapi,” ⁸aperã pea: “Elías baua eagũ biijapi,” ñucã aperã: “Tĩrumupũ macãrã, Æmureco Pacu yee quetire wede jøgueri maja niiquiricarã mena macũ cati tuagu biijapi,” cãja ca ïiro macã. ⁹To biro cãja ca ïiro tæori, o biro ïupi Herodes pea:

—Yura, Juan ðpugare yu paa taa dotiwũ doca. To docare, çñiru peti cã niigajati, to cõro paa cã ca tii niirijere cãja ca wederucurijere yu ca tæogu pea? —ïupi. To biri Jesús're buaro cãre ïarugarucumiupi Herodes.

**Pau bojocare Jesús
cã ca baarique ecarique**
(Mt 14.13-21; Mc 5.30-44; Jn 6.1-14)

¹⁰Cũ buerã tua earã, cãja ca tiiriquere wedeupa Jesús're. Cũ pea cãja wadore jøo cojo, Betsaida ca wãme cõtiri macã pee cãjare jøo waacoaupi.

¹¹Bojoca pea toorpũ cã ca waariquere majiri, cãre nũnũsoaura. Toorpũ cãja ca emũ ea waaro, añuro cãjare boca, Æmureco Pacu cã ca doti niiri tabe maquẽre cãjare wede, ca

diarique cõtirãre cÿjare catio, cÿjare tiupi Jesús.

¹²Ca naio waaro ïarã, cÿ buerã pua amo peti, dÿpore puağa penituario ca niirã pea Jesús puto waa, o biro cÿre ïiupa:

—Bojocare “Waarãja,” cÿjare ïiña. Waa, puto jañuri ca niiri macãri pee cÿja ca cãnipa taberi, cÿja ca baapere, cÿja amarã waajato ïiğũ. Ano mani ca niiri tabera ñee ñno mani —cÿre ïiupa.

¹³To biro cÿja ca ïiro:

—Mujara cÿjare baarique ecaya —cÿjare boca ïiupi Jesús.


Cÿja pea o biro cÿre ïiupa:

—Pan jicã amo cõro niirije, puarã wai, to cõroacãra jãa cÿo, ano ca niirã niipetirã cÿja ca baapere jãa ca wapa tiirã waatijata —ïiupa Jesús're.

¹⁴Umua wadora jicã amo cõro mil peti niupa. To cõro pan cÿja ca niiro ïa pacagũ:

—Cincuenta niirãri wado cÿjare duwi dotiya —ïiupi Jesús, cÿ buerãre. ¹⁵Cÿja pea cÿ ca tii dotirore birora bojocare cÿjare duwi dotiupa.

¹⁶To biro cÿja ca tii yapanoro ïa, jicã amo cõro ca niirije



Jicã amo cõro pan, wai puarã. Lc 9.13

pan'gaarire, wai puarãre ami, umureco tuti pee ïa mÿneri, “Ate jãare mÿ ca baarique tiicojorijere añurije jãare ïa cõa peo bojaya” ïi jãi yapano, teere pee bato, cÿ buerãre tiicojoui bojocare cÿja bato cojojato ïiğũ. ¹⁷Bojoca niipetirã pea teere baa yapì peticoaupa. Ca dÿjarije peera pua amo peti, dÿpore puağa penituario niiri pijeeri peti jeeupa ñucã cÿ buerã pea.

Pedro: “Cristo mÿ nii,”

Jesús're cÿ ca ïirique

(Mt 16.13-19; Mc 8.27-29)

¹⁸Jicã rumũ, Jesús bojoricaro cÿ ca juu bue niiro cÿ buerã cãa cÿ mena niupa. Cÿ pea o biro cÿjare ïi jãiñaupi:

—¿Bojoca, “Ñiru niimi,” yure cÿja ïirucuti? —ïiupi.

¹⁹To biro cÿ ca ïi jãiñaro, o biro cÿre ïi yũupa cÿja pea:

—Jicãrã, bojocare Uwo Coeri majũ Juan niimi; aperã Elfas niimi; ñucã aperã pea, “Tirumũpũ macũ Umureco Pacũ yee quetire wede jãgueri maja ca niiquiricarã mena macũ ca cati tuaricũ niimi,” mÿre ïima —cÿre ïiupa.

²⁰To biro cÿja ca ïiro:

—Mujã pea ¿“Ñiru niimi,” yure mujã ïiti? —cÿjare ïi jãiñaupi.

To biro cÿ ca ïi jãiñaro, Pedro pea:

—Mua, Umureco Pacũ cÿ ca tiicojoricũ, Cristo mÿ nii —cÿre ïiupi Jesús're.

Cã ca bii yaipere cã ca wederique*(Mt 16.20-28; Mc 8.30—9.1)*²¹Jesús pea:

—Atere jïcã peerena wedeti majuropeecãña —cũjare iïupi.

²²To biro iïcã ñucã:

—Yũ, Ca Nii Majuropeegũ Macãña, paũ ñañarije tamũo, judíos're ca jũo niirãre, paia çparãre, doti cũriquere ca jũo buerãre, ña juna eco, jĩa cõa eco, yũ ca biipera niicãro bii. To biro cũja ca tiimijata cãare, itia rãmũ jiro yũ cati tuacoarucu ñucã —iï wedeupi Jesús, cã buerãre.

²³Jiro niipetirãre o biro iïupi Jesús:—Jïcã, yũ buegũ ca niirũgũ ñnoa, mũ majurope mũ ca tiirũgarijere yerijãari, to cãnacã rãmũra yũ yee jũori ñañaro tamũo pacagũ, to birora tũgoeña bayicõa niïña. ²⁴Cũ ca cati niirijere ca maigũa, cã ca catipere buatirucumi. Yũ yee jũori ñañaro ca tamũo yaigũa, ametũarucumi. ²⁵¿Bojocũre ñee pee añurije to tiiti, ati yepa maquẽ areye niipetirijepũrena cõocã pacagũ, cã majuropeera cã ca cati niirijere cã ca tii yaio ñucõcãjata? ²⁶Jïcã yũre ca tũo ñũñjeegũ nii pacagũ, yũ yee maquẽre, yũ yee quetire, wederũgatigũ ca bobo nucũ yũjugũra, yũ, Ca Nii Majuropeegũ Macã cãa, yũ ca boe baterije, yũ Pacũ cã ca boe baterije mena, ñucã Æmũreco Pacũ pũto macãrã ca ñañarije manirã cũja ca boe baterije

mena, yũ ca doori rãmũre yũre ca tũo ñũñjeegũ cã ca niirijere wederũgũ, yũ bobo jañurucu.

²⁷Díamacũ mũjare yũ iï: Jïcãrã ano ca niirã, Æmũreco Pacũ cã ca doti niirijere ñatirãra bii yaitirucuma —iï wedeupi.**Jesús cã ca baurije ca wajoarique***(Mt 17.1-8; Mc 9.2-8)*²⁸Atere cã ca iïricaro jiro, jïcã amo peti, ape amore itiaga penituario ca niiri rãmũri ca nii waaro, Ætãgũpũ juu buegũ waagũ, Pedro, Santiago, Juan jãare bapa cuti waaupi Jesús.²⁹Toorpũ cã ca juu bue niirora, cã díamacũ cã ca bojoca baurije wajoacoaube. Cã jutiro cãa bũaro boti ajiyaarito biicoaube. ³⁰To biro cã ca bii niiri tabera, Æmũa pũarã baua ea ñucã, Jesús mena wede peni niipua. Cãja pea Moisés, Elías niipua. ³¹Bũaro ca ajiyaa boe baterije watoapũ niicãri, ñañaro Jerusalén'pũ Jesús cã ca bii yaipere wede peni niipua. ³²Pedro, to biri cã mena macãrã pea bũaro cũjare ca wũgoa eyo pacaro, to birora ñacã niima iïrã, Jesús cã ca boe baterijere, ñucã Æmũa pũarã cã mena ca niirãre ñaupa. ³³Cãre cũja ca camotati waarora, Pedro pea cã ca iïrijere “To biirije yũ iïcu” iïti pacagũ, o biro iïupi Jesús're:

—Buegũ, anorpũ mani ca nijata, añu majuropeecã. To biri itia wii, wii pïiri mani tiico. Mũ yaa wii jïcã wii, ape wii Moisés

yaa wii, Elías yaa wii, mani tiirucu —ĩiupi.

³⁴To biro cū ca ĩi niirora, bueri burua cūjare duwi ñaapea ea, paa ũmaa nūcōcāupa. Bueri burua watoarū niirā, buaro uwiupa. ³⁵To biro cūjare ca biiri tabera, bueri burua watoarū wederique o biro ĩi cojoupa:

—Ani niimi yū Macū, yū ca beje amiricū. Cūre tūoya —ĩi wedeoupa. ³⁶Tee wederiquere cūja ca tūoro jiro, Jesús jīcūra tua nūcācāupi. Cūja pea atere cūja wado majicā niuupa. Jīcā cuu, to biro ca biirijere cūja ca ĩariquere, jīcū ũno peerena jīcā wāme ũnora wederucu tiitiupa.

**Wāmū ca wātī jāa ecoricūre
Jesús cū ca catorique
(Mt 17.14-21; Mc 9.14-29)**

³⁷Ape rāmū, ũtāgū jotoarū ca niiricarā cūja ca duwi waaro, parū bojoca Jesús're bocarā waaua. ³⁸Jīcū bojoca watoarū, Jesús're o biro ĩi cojoupi:

—Buegū, yū macū jīcūra ca niigūre, cūre ĩaña petorūra. ³⁹Wātī cūpūre ñaajāa nūcā eari, cū ca acaro bui mecūro tii, cū ca dia ñaaro tii, ñucā cū ũjerorū jopo witi, cū ca biro cūre tiimi. Ñañaoro peti cūre tiicāmi. Cūre pitirūgati majuropeecāmi. ⁴⁰Mū buerā cāare, “Wātīre cōa wiene bojaya,” cūjare yū ĩimijāwū. Cūre cōa wiene majitijāwa —cūre ĩiupi.

⁴¹To biro cū ca ĩiro, Jesús pea o biro ĩi yūūupi:

—¡Agó nija, díamacū tūoti, ca bojoca ñañaarā peti nii, ca

biirā! ¿No cōro yoaro mūja mena nii, to biro mūja ca bii niirijere nūcā, yū bii niiguti? Ano pee mū macūre ami dooya —ĩiupi.

⁴²Jesús pūto cū ca ea nūnūa waarora, wātī pea ñucā yerarū cūre tii cōa cūu cojori, tutuaro cū ca yugui mecūro tiiupi. To biro cū ca tii pacaro, Jesús pea wātīre tuti cōa wiene, cūre tii catio yapano, cū pacūre cūre tueneupi.

⁴³To ca niirā niipetirāpūra Ũmūreco Pacū do biro ca tiya manigū cū ca niirijere ĩa ũcūa, do biro pee ĩiticāupa.

**Cū ca bii yaipere pūati
Jesús cū ca wederique
(Mt 17.22-23; Mc 9.30-32)**

Niipetirāpūra Jesús to biro cū ca tiirijere ĩa ũcūa, do biro pee ĩi majiti, cūja ca bii ditoye, o biro ĩiupi Jesús cū buerāre:

⁴⁴—Atere añuro tūori, acoboticāña. Yū, Ca Nii Majuropeegū Macūre jīa dotirā, aperāpūre yūre tiicojorucuma —ĩiupi.

⁴⁵Cūja pea to biro cū ca ĩirijere tūo majitiupa, cūja ca tūo majitipere biro ĩiro, cūja ca tūo puoborijere tii acoboriquere biro cūjare ca niicāro macā. Ñucā apeyera “To biro mū ca ĩirijere jāare wede majioña,” Jesús're ĩi jāiñarūgarā cāa, uwi jānuupa.

**¿Ñiru pee cū niiti,
ca nii majuropeegū?
(Mt 18.1-5; Mc 9.33-37)**

⁴⁶Ñucā Jesús buerā cūja majurope:

—¿Niipe mani mena macũ ca nii majuropeegu cũ niiguti? —ameri ïi wede pai niupaa.
⁴⁷Jesús pea to biro cũja ca ïi tũgoeña wede pai niirijere majiri, jĩcũ wimagũre cũre ami, cũ pũto nũcõri, o biro cũjare ïiupi:

⁴⁸—No ca boogu yũ wãme mena ani wimagũre ca ñeegũa yũrena ñeegu tiimi. Ñucã yũre ca ñeegũa, yũre ca tiicojoricũ cãare ñeegu tiimi. To biri mũja niipetirã watoare, watoa macũre biro ca niigu pee, ca nii majuropeegu niimi —ïiupi Jesús, cũ buerãre.

**Manire ca junatigũa,
 mani mena macũ niimi**
(Mc 9.38-40)

⁴⁹Juan pea o biro ïiupi:
 —Buegu, jĩcũ mũ wãme mena ïicãri, ca wãtĩa cõa wiene niigũre jãa ïajãwũ. Mani mena macũ mée cũ ca niiro macã, to biro cũ ca tiirijere, “To biro tiiticãña” cũre jãa ïimijãwũ —ïiupi.

⁵⁰To biro cũ ca ïiro, Jesús pea o biro cũre ïi yũũupi:
 —Cũre camotaaticãña. Manire ca junatigũa, mani mena macũ niimi —cũre ïiupi Jesús.

**Santiagore, Juan're,
 Jesús cũ ca tutirique**

⁵¹Mee, Jesús mũmũreco tutirũ cũ ca tua mũa waapa tabe ea waaro ca biiro tũgoeña tutuarique mena Jerusalén'pũ waagu, waa juo waaupi. ⁵²To

waa nũnũa waagu, cũja juguero tiicojoui queti wede juguero majare. Cũja pea Samaria yepa macã macãpũ waaupa, cãnirica tabe ama yuerã waarã. ⁵³To biro cũja ca biiro, samaritanos pea “Jerusalén'pũ waari maja niima,” ïi ïa majiri, cũjare ñeerugatiupa. ⁵⁴To biro cũja ca biirijere ïari, Jesús buerã Juan, Santiago jãa, o biro ïiupa Jesús're:

—Wiogu, ¿Elías cũ ca tiiquĩricarore biro mũmũreco tutirũ maquẽ ca mũrrijere duwi doo dotiri, cũjare to ca joe batero jãa ca tiiro mũ booti? —ïiupa.

⁵⁵To biro cũja ca ïiro Jesús pea amojode nũcãri, o biro cũjare ïi tutiupi:

—Mũja, wãtĩ cũ ca tũgoeñari wãmerena ïicãrã mũja ca ïirijere mũja majiti. ⁵⁶Yũ, Ca Nii Majuropeegu Macãa bojocare jãagu doogu mée yũ doowũ. Cũjare ametũenegũ doogu pee yũ doowũ —cũjare ïiupi Jesús. To biro cũjare ïi, ape macã pee waacoapa ñucã.

Jesús're ca nũnũrugamiricarã
(Mt 8.19-22)

⁵⁷Maarpũ cũja ca waa nũnũa waaro, jĩcũ o biro ïiupi Jesús're:

—Wiogu, noo mũ ca waari taberi cõro mũ mena yũ waarucu —cũre ïiupi.

⁵⁸To biro cũ ca ïiro, o biro cũre ïi yũũupi Jesús:

—Buu yairoa, cũja cãniri operi cũoma. Minia cãa, cũja die batiri cũoma. Yũ, Ca Nii Majuropeegu

Macũ pea cãnirica tabe unora yu cnoti —cũre iũupi.

⁵⁹Apĩ peera:

—Yu mena pee dooya^s —cũre iũupi Jesús.

To biro cũ ca iiro:

—Wioꝝu, yu pacure yu yaa jwoꝝu waaruga ména —cũre iũupi.

⁶⁰To biro cũre cũ ca iiro, o biro cũre iũ yũupi Jesús:

—“Ca bii yairã majuropeera, ca bii yairãre cũja yaajato” iĩcãña. Mu pea waari, Umureco Pacu cũ ca dotiri tabe maquẽ quetire wede yujugũja —cũre iũupi Jesús.

⁶¹Apĩ o biro iũupi ñucã:

—Wioꝝu, mu mena yu waaruga. Ména, yu yaa wii macãrãre yu waarique wui jwoꝝu waaruga —iũupi.

⁶²To biro cũ ca iiro, o biro cũre iũ yũupi Jesús:

—Ca jee cũu nũna waagũ nii pacagũ, cũ jiro pee wado ca ãa tuenecã niĩgũ, Umureco Pacu cũ ca dotiri tabe maquẽre ca tiipũ unõ méé niimi —cũre iũupi.

Setenta y dos peti niirãre Jesús cũ ca tiicojo cojorique

10 ¹Ate jiro ñucã Wioꝝu, setenta y dos peti beje jeeri, pũarãri wado cũ ca waapa taberi macã macãripũ cũjare tiicojo jũgueupi. ²O biro cũjare iũupi:

—Díamacũ petira ote ca bũcũa yapanorije paũ peti

niicã. To ca bii pacaro, paderi maja pea petoacã niima. To biri oterique Upũre ca dicare ca jeerã dooparã paderi majare cũ tiicojojato iirã, mũja cũre jãĩña. ³Waarãja mũja. Tũoya. Ecaricarã oveja punare biro ca niirãre, macãnũcũ yaia^t ca wiorã watoapũre mũjare yu tiicojo. ⁴Wajopoa unora, wapa tiirica tiiri mũja ca jãari poari unora, ðupo juti mũja ca wajoa jãña pee unora, jee waaticãña. Ñucã maapũ cãare jĩcũ peerena jãĩña tua nũcã, tiiticãña.

⁵Jĩcã wiire jãa waarã, o biro cũjare iũ añu doti jwoya: “Ati wii macãrãre añuro niirique to niijato,” iĩña. ⁶Tii wiire jĩcãri cõro añuro ca niirã cũja ca niijata, añuro cũja ca niiro mũja ca boorije mũja ca boorore birora cũjare birucu. Teere ca bootirã cũja ca niijata, añuro niirique mũja peera yai nũcãtirucu. ⁷Mũjare cũja ca nii dotiri wiira niicãña. Tii wii macãrã cũja ca cũorijera baa, jini, tiicã niĩña. Paderi majua, cũ ca paderije wapare wapa ñee majimi. Wiijeri cõro waa nucũ yuju tiiticãña.

⁸Jĩcã macãre mũja ca earo, añuro mũjare cũja ca bocajata, baarique mũjare cũja ca ecarijera baa, ⁹tii macã macãrã ca diarique cãtirãre catio, ñucã o biro cũjare iũ wedeya: “Mee, Umureco Pacu cũ ca doti niirije mũja putora nii yerijãa,” cũjare

^s 9.59 Mt 8.22. ^t 10.3 Lobos.

ĩĩña. ¹⁰Jĩcã macãre mũaja ca earo, tii macã macãrã mũjare cũja ca bootijata, macã yepa pee waari, o biro cũjare ĩĩña: ¹¹“Mũjare jãa ca wederijere mũaja ca tuorugatirije jũori mũaja yee wapa ñañaro mũaja tamũorucu, mũjare ĩĩrã, mũaja yaa macã maquẽ jita, jãa dũporipũre ca ea tuarique menapũrena jãa paa bate. Biirãrũa atere majiĩña, Ʋmũreco Pacũ cũ ca doti niirije mee mũaja pũtora nii yerijãa,” cũjare mũaja ĩi wederucu. ¹²Yũ pea o biro mũajare yũ ĩi: “Ñañaro tamũorica rũmũ ca niiro, Sodoma macãrã ametũenero ñañaro tamũorucuma tii macã macãrã,” yũ ĩi —cũjare ĩiupi Jesũs.

Ca ametũene nũcãri macãri
(Mt 11.20-24)

¹³—¡Abẽ nija mũaja Corazĩn, Betsaida macãrã! Mũaja watoare ca ĩa ñaaña manirije yũ ca tii bau niiriquere Tiro, Sidón macãrã peere cũjare yũ ca tii ĩĩnojata, tĩrũmũrũga ñañarije cũja ca tiiriquere tũgoeña yeri wajoari, Ʋmũreco Pacũ peere tuo nũnũjeebojacupa. Cũja ca tũgoeña wajoarijere ĩĩnorã, boori juti jãña, õwarena duwi, biibojacupa. ¹⁴To biri Ʋmũreco Pacũ cũ ca ĩa bejeri rũmũ ca niirore, Tiro, Sidón macãrã ametũenero ñañaro mũaja ca tamũore niirucu. ¹⁵Mũaja Capernaũm macãrã, “¿Ʋmũreco tutipũ jãa ami mũa waa ecorucu,” mũaja ĩi tũgoeñati?

Mũaja biiticu. Ca Ʋcũari opere bũaro ca Ʋcũa majuropeeri taberũ mũaja duwi nũcãoarucu. ¹⁶”Mũaja ca wederijere ca tuorã, yũrena tuorã tiima. Mũajare ca junarã, yũrena junacãrã tiima. Yũre ca junarã, yũre ca tiicojoricũpũre cũre junarã tiima —cũjare ĩi wedeupi Jesũs.

Setenta y dos niirã
cũja ca tua earique

¹⁷Jiro, setenta y dos niirã, bũaro Ʋjea niirique mena o biro ĩi tua eaupa:

—Wiogu, mũ wãme mena jãa ca ĩijata, wãtĩapũ cãa, jãa ca dotirore biro biicãma —ĩiupa.

¹⁸To biro cũja ca ĩiro, o biro cũjare ĩiupi Jesũs:

—Satanãs, Ʋmũreco tutipũ ca niimiricu, bũpo cũ ca yaberore biro cũ ca bii ñaaduwi dooro cũre yũ ĩajãwũ. ¹⁹Tũgoeña yeri tutuariquere mũajare yũ tiicojowũ, aña, cotiapa jotoara waa, ñucã mani waparã yũ wãtĩ cũ ca tutuarijere ñañaro tamũoricaro maniro, mũaja ca bii ametũa nũcãpere biro ĩĩgu. ²⁰Wãtĩa yeri mũaja ca dotirore biro cũja ca biirijerena ĩa Ʋjea niiticãña. Mee, mũaja wãme Ʋmũreco Pacũ pũtopũ owa tuurique ca niirije pee docare Ʋjea niĩña —ĩiupi.

Jesũs cũ ca Ʋjea niirique
(Mt 11.25-27; 13.16-17)

²¹Tii nimarora, Añuri Yeri jũori bũaro Ʋjea niirique mena o biro ĩiupi Jesũs:

—Mure yu baja peo nũcũ buo Cáacu, ati umureco, ati yera Ure. Ca majirãre, ca tuo puorãre, mu ca yaioriquere watoa macãrã peere mu ñño. Ũgjá, añu Cáacu, o biirijera ca biiro mu boowu.

²²Yu Pacu, niipetirijepurena yure tiicojowi. Jicũ uno peera, cũ Macũ yu ca niirijere majitima. Yu Pacu wado majimi. Ñucã jicũ uno peera, yu Pacu cũ ca niirijere majitimi. Yu cũ Macũ, to biri cũ Macũ yu ca boorã wadore cũja ca majiro yu ca tiirã wado majima —ñi ueja niupi.

²³To biro ñi yapano, amojode nũcã, cũ buerã wadore o biro cũjare iupi:

—Ujea niña mũa, ano mũa ca ñarijere ca ñarã. ²⁴Pau Umureco Pacu yee quetire wede jũguerĩ maja, wiorã, ate mũa ca ñarijere ñarugamiupa. To biro bii pacarã ñatiupa. Ñucã ate mũa ca tuorijere tuorugamiupa. To biro bii pacarã tuotiupa —cũjare iupi Jesús.

Ca bojoca añugu samaritanore ñi cõñari cũ ca wederique

²⁵Jicũ doti cũuriquere ca juo bueri majũ Jesús mena wede penigu waaupi. Cũ pea, “¿Do biirije peti yure cũ yuuguti?” ñigu, o biro cũre ñi jãiñaupi:

—Buegu, ñnee yu tiigajati, to birora caticõa niiriquere cuorugu? —iupi.

²⁶To biro cũ ca ñiro Jesús pea o biro cũre ñi yuupi:

—¿Doti cũuriquerẽ do biro ñi owarique to niiti? ¿Mua teere, “Do biirije ñi,” mu ñi bue tuo jeeñoti? —iupi.

²⁷To biro cũre cũ ca ñiro, doti cũuriquere juo bueri majũ pea o biro cũre ñi yuupi:

—“Uru, mu Umureco Pacure mu yeri niipetiro mena, mu ca catirije niipetiro mena, mu ca tutuarije niipetiro mena, mu ca tugoeñarije niipetiro mena, cũre maiña.” Ñucã mu puo macãrã cãare mu ure mu ca mairora cũjare maiña,” ñi owarique ni” —cũre ñi yuupi.

²⁸To biro cũ ca ñiro tuogu, o biro cũre iupi Jesús:

—Díamacũra mu ñi. Teere mu ca tiijata, to birora caticõa niiriquere mu cuorucu —iupi.

²⁹Cũ pea, “Ca bojoca añugu niimi” yure cũ ñijato ñigu, o biro cũre ñi jãiña nemoupi ñucã Jesúsre:

—¿Ñiru cũ niiti, yu puo macũ? —iupi.

³⁰To biro cũ ca ñiro, o biro cũre ñi yuupi Jesús:

—Jicũ bojocu Jerusalén ca niiricu Jericó pee waagu bua nũna waaupu. Tooru cũ ca waaro, jicãrã jee dutiri maja cũre ñeeri, cũ ca cuomiriquere, to biri cũ juti menapura ema peti, cũre paa, ca bii yaiboguru cũre tii cõa cũu, waacoaurã.

³¹To biro cũre cũja ca tii cõa

^u 10.27 Dt 6.5. ^v 10.27 Lv 19.18.

cūu waaro jiro, jīcū pai tii maarena waaupū. Cāre ĩagura, wo ametua waacoaupū. ³²Cū ca ametua waaro jiro ñucā levita cāa cū ca niiri tabere eaupū. Cū cāa cūre ĩagura, wo ametua waacoaupū.

³³Cūja jiro, Samaria macū cāa tii maarena ca waagu, cūre ĩagura, buaro cūre boo paca ĩaupū. ³⁴To biri cū puto pee waa, cū camire ũje oco, to biri ũje mena cūre ũco tiupū. Cūre ũco tii yapano, jutiro daa mena cū camire duduā, jiro cū yuu burro jotoara cūre ami peo, amicoaupū, waa yujuri maja cūja ca cāniri wiipū. Toorū cūre ami eari, cūre coteupū. ³⁵Ape rūmū Samaria macū pea waa yujuri maja cūja ca cāniri wii ũpūre pua rūmū pade wapa taaricarō cōro wapa tiirica tiiri cūre tiicojo, o biro cūre ĩiupū: “Anire añuro cūre coteya. Apeye cū juori mū yeere mū ca tii batejata, tua doogu mūre yū wapa tiirucu,” ĩiupū.

³⁶To biicāri yua, ũanija itiarā watoare, jee dutiri maja cūja ca paa jīa cōa cūuricūre, niipe cū puto macūre biro cū tiijapari? —cūre ĩi jāiñaupi Jesús.

³⁷To biro cūre cū ca ĩi jāiñaro, doti cūuriquere ca juo buegu pea:

—Cūre ca boo paca ĩaricū pee —cūre ĩi yūupi.

To biro cū ca ĩiro:

—Mū cāa, waa, cū ca tiiricarore birora tiiguja —cūre ĩiupi Jesús.

**María, Marta jāa yaa wiipū
Jesús cū ca earique**

³⁸Jesús cū buerā mena waa nūnua waagu, jīcā macāpū cū ca earo, Marta ca wāme cutigo, cō yaa wiipū cūre cāni dotiupo. ³⁹Marta, jīcō baio cutiupo, María ca wāme cutigo. Cō pea Jesús puto ea nuuri, cū ca ĩirijere tuocā duwiupo. ⁴⁰Marta pea paū paderique cō ca tiirije pee wadore ĩa nūnūjee pade niima ĩigo, cō baio to biro cō ca bii weoro ĩari, Jesús puto pee waa, o biro cūre ĩiupo:

—Wiogu, ũmura, yū baio ate niipetirije paderiquere yūre tii nemori méé, yū jīcōrena cō ca cūujata, to añucāti? “Cōre tii nemogoja,” cōre ĩiña petopura —cūre ĩiupo.

⁴¹To biro cō ca ĩiro tuogu, o biro cōre ĩi yūupi Jesús:

—Marta, mūa paū peti paderique cūoma ĩigo, buaro mū tuogoeñarique pai. ⁴²Jīcā wāmera tiiricarō añu. Ca nii majuropeerije peere buamo María. To biri jīcū ũno peera cōre ēmatirucumi —cōre ĩiupi.

**Juu buerique maquēre
Jesús cū ca buerique
(Mt 6.9-15; 7.7-11)**

11 ¹Jīcāti, jīcā tabepū juu bue niupi Jesús. Cū ca juu bue yapanoro, jīcū cū buegu o biro cūre ĩiupi:

—Wiogu, Juan cū buerāre cū ca buericarore biro jāa cāare juu bue bueya —ĩiupi.

²To biro cū ca ĩiro, o biro cūjare ĩiupi Jesús:

—Juu buerā o biro ĩĩña:

“Cáacɛ, ɛmureco tutipɛ ca niigɛ, mɛ wāme ĩi nɛcū bɔorica wāme to niijato.

Mɛ ca dotirije to doojato. Ɛmureco tutipɛre mɛ ca boori wāme mɛ ca tiitore birora tiiya ati yepa cāare.

³Jāa ca baapere to cānacā rɛmɛra jāare tiicojoya.

⁴Ñañarije jāa ca tiiriquere jāare acoboya, jāa cāa, niipetirāpɛrena ñañaro jāare cūja ca tiirijere jāa ca acoborucurore birora.

Ñañarije ca bii bui yeerijere jāa ca tiiro jāare tiiticāña; tiitigura ñañarijere jāare ametɛeneña,” ĩi juu bueya —cūjare ĩiupi Jesús.

⁵O biro cūjare ĩiupi ñucā:

—Jĩcū mɛja mena macū, cū mena macū cū ca cɔojata, ñami decomacā cū pɛto waari, o biro cūre ĩibocumi: Ʋɛ mena macū, itiaga pan'gaari Ɂre wajoya. ⁶Ʋɛ mena macū yoaropɛ ca dooricɛ Ɂɛ yaa wiire eami, Ɂɛ pea cūre Ɂɛ ca escape Ɂno Ɂɛ cɔoticā. ⁷To biro cū ca ĩiro, wii jupeapɛ ca niigɛ pea: “Ʋɛre pato wācōticāña. Mee, jope biaricaropɛ nii. Ʋɛ puna, Ɂɛ cāa, cānirā jāa tii. Wācāñaari mure Ɂɛ tiicojogɛ waa majiti,” cūre ĩi Ɂɛɛbocumi. ⁸Cū mena macū nii pacagɛ, wācāri cū ca tiicojorugatirije ca nii pacaro, to birora cūre cū ca ĩi pato wācōcā niirije ca niiro macā, wācāri, cū ca boorije cōro cūre tiicojocumi.

⁹”To biri o biro mɛjare Ɂɛ ĩi: Ɛmureco Pacɛre jāĩña, mɛja ca jāirijere mɛjare tiicojorucumi. Amaña; amarā mɛja buarucu. Joperɛ eari jɔoya, mɛja pāa ecorucu. ¹⁰To biri ca jāigɛ cōrora, cū ca jāirijere tiicojo ecomi; ca amagɛ cāa, cū ca amarijere buami. To biri ñucā jopere eari ca jɔogɛ cāa, jope pāa ecomi.

¹¹”¿To docare mɛja, ca puna cɛtirā, mɛja puna, baarique cūja ca jāijata, ɛtāgarena mɛja tiicojocāgajati? ¿Wai cūja ca jāijata, añarena mɛja tiicojocāgajati? ¹²¿Ñucā ābocɛ die cūja ca jāijata, cotiaparena cūjare mɛja tiicojocāgajati? ¹³Mɛja, ca bojoca ñañarā nii pacarā, mɛja punare añurije cūjare mɛja tiicojo maji. Mɛja Pacɛ Ɂmureco tutipɛ ca niigɛ doca, ametɛenero Añuri Yerire mɛjare tiicojorucumi, cūre ca jāirāre —cūjare ĩiupi Jesús, cū buerāre.

Jesús, to biri Beelzebú

(Mt 12.22-30; Mc 3.20-27)

¹⁴Jĩcāti Jesús, jĩcū Ɂmure ca wedetigɛ cū ca tuaro ca tiiricɛ wātire cōa wienegɛ tiupi. Wātĩ cū ca witi waarora, ca wedetimiricɛ wedecoaupi. To biro cū ca biiro, bojoca pea ĩa Ɂcua, ñee pee ĩiticāupa. ¹⁵To cū ca biiro, jĩcārā o biro ĩiupa:

—Anira, Beelzebú, wātĩa wioɁɛ majuropeera cū ca yeri tutuarijere cūre tiicojojapi. To biri wātĩare cōa wiene majimi

—ameri iŭupa. ¹⁶Aperã pea, “¿No cõro majicãri cũ tiiti?” iirã, cãre iŭ ñaarã, “Umureco tutipũ maquẽ ca bii iñorije ca iã ñaaña manirije jãare tii bau nii iñoña,” iŭupa Jesús're.

¹⁷Cã pea to biirije cũja ca iŭ tũgoeñarijere ca majicãgu niiri, o biro cũjare iŭipi:

—Jicã yepa macãrãra, cũja majuropeera camotaticãri cũja ca ameri iã tuti niijata, cũja majuropeera ameri jãa peticã yai waacuma. Ñucã jicã wii macãrãra cũja ca ameri tutijata, jicã wiira nii majiticuma. ¹⁸To birora Satanás cãa cũ majuropeera cũ yaarã menara cũ ca ameri quẽejata, ¿to docare do biro pee tiicãri, yoaro cũ doti tutua maji niibogajati? Atere o biirije mũjare yũ iŭ: “Beelzebú cũ ca yeri tutuarije mena wãtiãre cõa wienemi,” yũre mũja ca iŭro macã. ¹⁹To docare to biro to ca biijata, “Mũja ca buerijere ca tuo nũñjeerã peera, ¿ñiru cũ tiicojoti wãtiãre cũja ca cõa wiene tutua majipere?” To biri cũjara, ñaño ro mũjare tiicãrucuma.

²⁰Umureco Pacũ cũ ca tutuarije mena wãtiãre yũ ca cõa wienerije to ca niijata, “Mee, Umureco Pacũ cũ ca doti niirije mũjarũre ca ea yerijãarijere iŭro bii.”

²¹”Jicũ mũmũ ca tutuagũ, aũuro beju cuticãri, cũ yaa wiire cũ ca cotejata, cũ yee aũuro niicã. ²²To ca bii pacaro, apĩ cũ ametũenero ca tutuagũ ea, cũre cũ ca quẽe ametũene nũcãcãjata, cũ beju, “Tee jũori yũ ametũarucu,” cũ

ca iŭ tũgoeña bayimiriquere ãma, cũ yee ca niimirique niipetiro menara tuacãcumi.

²³”Yũ mena ca niitigũa, yũre ca junagũ niimi. Yũ mena ca jee neo niitigũa, no ca boorora dee batecãmi.

Wãti cũ ca tua earije

(Mt 12.43-45)

²⁴”Jicũ wãti bojocũpũre ca niiricu witi waagu, ca bopori yeparipũ waa yujucumi, cũ ca yerijãa niipa tabere ama yujugu. Tii tabe बातigũ, o biro iŭ tũgoeñacumi: “Jau, yũ yaa wii yũ ca witi weorica wiipũra yũ tua waarucu ñucã,” iŭcumi. ²⁵Tua eagũ, jicã wii aũuro owa batecã, aũuro quenocã, tiirica wiire biro cũ ca niiro cũre iacumi. ²⁶To biri waa, aperã wãtiã jicã amo peti, ape amore pũaga penituario niirã cũ ametũenero ñaño rã petire cũjare jũo neo, cũja mena jicãri bojocũpũre jãacuma, cũpũre niirã waarã. To biri jũguero cũ ca biiricarõ ametũenero ñaño ro peti tamũocumi yua —cũjare iŭ wedeupi Jesús.

Díamacũra ujea niirique

²⁷Atere Jesús cũ ca iŭ niiro, jicõ nomio bojoca watoarũ o biro iŭ acaro buiupo:

—Buaro ujea niicumõ, mũre macũ cutiri, mũre ca ãpũõ majorico —iŭipo.

²⁸Jesús pea o biro cõre iŭ yũũuri:

—Umureco Pacũ wederiquere tũori, tee ca iŭrore biro ca tii

nɯnɯjeerã pee doca ɯjea niima
—cõre iɯupi.

**Ca bojoca ñañarã, tii bau nii
ĩñoriquere cãja ca iarugarique**
(Mt 12.38-42; Mc 8.12)

²⁹Paɯ bojoca Jesús pɯtorɯ
cãja ca nea poo nɯnɯa dooro
ĩa, o biro cãjare ii wede jɯo
waaupi:

—Ati rɯmɯri macãrã bojoca
ñañarã peti niima. Jĩcã wãme
ca ãa ñaaña manirije tii bau nii
ĩñoriquere booma. To biro cãja
ca iimijata cãare, ape wãme
tii iño nemoña manirucuma,
Jonás cã ca biirique ɯno wadore
iarucuma. ³⁰Jonás, Nínive
macãrãre cã ca bii iñoricarore
birora, yɯ, Ca Nii Majuropeegɯ
Macã cãa ati cuu macãrãre
yɯ bii iñorucu. ³¹ʁmureco
Pacɯ ati cuu macãrãre cã ca ãa
bejeri rɯmɯ ca niiro, ɯpo Sabá
macõ cati tuari, ñañaro mɯjare
tiirucumo. Cõ pea, ca yoaropɯ
ca niiricora dooupo, Salomón
cã ca majirijere tɯorugo. Mɯja
pea, Salomón ametɯenero ca
majigure mɯja pɯto yure mɯja
cɯo. ³²Nínive macãrã cãa, ati
cuu macãrãre ʁmureco Pacɯ cã
ca ãa bejeri rɯmɯ ca niiro cati
tuari, ñañaro mɯjare tiirucuma.
Nínive macãrã pea Jonás cã
ca wederijere tɯo, ñañarije
cãja ca tiiriquere tɯgoeña yeri
wajoari, ʁmureco Pacɯ peere
tɯo nɯnɯjeeupa. Mɯja, Jonás
ametɯenero ca niigure mɯja
pɯto yure mɯja cɯo —cãjare
iɯupi.

Uɯre ca boerije

(Mt 5.15; 6.22-23)

³³—Jĩcũ peera jãa boericagare,
yaioropɯ cũu, upa coro docapɯ
cũu, tiiruga mée jãa tuami.

Emɯaro pee peomi, bojoca ca
jãa doorãre to ɯɯ boejato iigɯ.

³⁴Mɯja cape mɯja upure ca jãa
boerije nii, mɯja cape añurije
pee wadore ca ãa majirije to
ca nijata, mɯja upɯ niipetiro
añurije wadore tii niirucu. Mɯja
cape ñañarije to ca nijata, mɯja
upɯ niipetiro ñañarije wado
tiirucu. Mɯja yeri ʁmureco
Pacɯ mena añuro to ca niitijata,
añurijere mɯja tii majitirucu.

³⁵Bojoca catiri niña, ʁmureco
Pacɯ yee mɯ ca majirije jãa
boeriquere biro mɯpɯre ca
niirije ca naitãrije peere biro
biire iigɯ. ³⁶To biri mɯ upɯ
niipetiropɯra, ca naitãrije
ɯnoacã cɯoricaro maniro ca
boerijere to ca cɯojata, ca ɯɯ
boerica añuro mure ca ɯɯ boero
añuro mɯ ca ãacãrore birora
añurije wadore mɯ tii maji
niirucu —cãjare iɯupi Jesús.

**Fariseos, to biri doti cũuriquere
ca buerã cãja ca tiirijere**

Jesús cã ca wederique

(Mt 23.1-36; Mc 12.38-40;

Lc 20.45-47)

³⁷Jesús to biro cã ca ii wede
yapanoro, jĩcũ fariseo: “Yɯ yaa
wiipɯ baagɯ dooya,” cãre iɯupi.
To biro cã ca iiro cã mena waa,
cã yaa wiipɯ jãa waa, baarique
peorica pĩi pɯto ea nuu waaupi.

³⁸To biro cū ca biiro fariseo pea, baarugarā jūguero cūja ca amo coerucurore biro cū ca tiitiro ĩari, “¿Ñee tiigu to biro cū biiti?” cūre ĩi ĩa muiupi.

³⁹Wiogu pea, o biro cūre ĩiupi:

—Mūja fariseos, bau niiro niirā wado, añuro mūja tiirique cuti. Jotū baparire jotoare coecā pacarā, jupea peere ca coeya manirijere biro mūja bii. To biri mūja yeri peera mūja ca boo tūgoēnarije, ñañarije mūja ca tiirugarije pee wado nii ametuene nūcācā.

⁴⁰¡Ca tūgoēna bojoca catitirā!
¿“Jotoare ca tiiricūra, jupea cāare tiijacupi,” mūja ĩi majititi?

⁴¹Ca boo pacarāre tii nemorā, mūja yeripū cūjare mūja ca mai ĩarije mena tiia. To biro tiirā, niipetirijeparena añurā mūja niirucu.

⁴²Ñañaro mūja biirucu mūja fariseos, Ũmureco Pacure, pūu ca jūti añuriye menta, ruda, ñucā mūja ote ca niiro cōrorena pua amo cōro ca niirijere jīcā tabe wado jee dica woori ca tiicojorā nii pacarā, añuriye peera tii nūñjeeti, Ũmureco Pacu cū ca mai dotirique peera tiiti, mūja ca biirije juori. Atere ca tii niiparā mūja nii, apeye mūja ca tii niirucuriye cāare tii yerijāatirāra.

⁴³Ñañaro mūja biirucu mūja fariseos, nea poo juu buerica wiijeripūre añuri taberipū wado duwiruga, ñucā wiije watoa macā yepari waarā cāa, bojoca añuro nūcū būorique mena

mūjare añu doti, cūja ca tiiro ca boorāre.

⁴⁴Ñañaro mūja biirucu mūja, mūja ca ĩiroke biro ca tiitirā, maja ope ca bautiro bojoca tii ope jotoara waa pacarā, “Tii ope niicu,” ĩi majiri mée cūja ca ũta ametua waarore biro ca biirāre —ĩiupi Jesús.

⁴⁵To biro cū ca ĩiro, jīcā, doti cūuriquere ca juo buegu o biro cūre ĩi ũñupi Jesús're:

—Buegu, atere o biro ĩigu jāa menaparena ajenerije mu ĩi jīi —cūre ĩiupi.

⁴⁶To biro cū ca ĩiro, Jesús pea o biro cūre ĩiupi:

—Ñañaro mūja biirucu mūja, doti cūuriquere ca juo buerā cāa. Aperāre tii dotirā, mūja ca ĩiroke biro ca tii peoti majiña manirijepūre ca tii dotirā nii pacarā, mūja pea mūja ca dotirijere petoacā tiirugarucu, mūja tiiti majuropecā.

⁴⁷Ñañaro mūja biirucu, mūja ñicū jāa niiquīricarā Ũmureco Pacu yee quetire wede jūgueri majare cūja ca jīaricarā maja operi jotoarire wiijeri ca tii peo nūñjeerā. ⁴⁸To biro mūja ca tiirije mena mūja ñicū jūmua cūja ca tiiriquere “ ‘Añu majuropecā,’ ca ĩirā niima,” ĩi ĩa majiricarō mūja tii. Cūja, Ũmureco Pacu yee quetire wede jūgueri majare jīaupa. Mūja pea cūja maja operire mūja queno nūñjee. ⁴⁹To birira Ũmureco Pacu cū ca majirije mena o biro ĩiupi: “Yū yee quetire ca wede jūgueparā, yū yee añuriye quetire

ca wedeparãre yu tiicojorucu. To biro yu ca tiirãre jicãrãre cÿjare jãa, aperãra ñañaro tiirugarã cÿjare nunu, tiirucuma,” iupi.

⁵⁰To biri Umureco Pacu, ati yepare cÿ ca tii jwori taberura ca biipere wede jwgeri majare cÿja ca jãa díi tii bate nunu dooricarã niipetirã yee wapa, ⁵¹Abel niiquiricu díi wapa menapu, to biri Zacarias're waibucurã joe munerica tutu mena, to biri ca ñañarije maniri jawi^w watoare cÿja ca jãaquiricu díi menapu, ati cuu macãrã bojocare wapa jãirucumi. To biri cÿja, cÿja ca bii yairique wapare ati cuu macãrãpãre wapa jãirucumi Umureco Pacu,” mujare yu i.

⁵²Ñañaro mÿja biirucu mÿja doti cÿuriquere ca jwo buerã majiriquere ca jee uparicarã. Mÿja majuropecã tuo majiti, ñucã ca tuo majirugarãre dífamacÿ wede majioti, mÿja biicã —iupi Jesús.

⁵³Atere to biirije cÿjare i, to ca niiricu cÿ ca witi waaro, doti cÿuriquere ca jwo buerã, to biri fariseos bwaro ajari, pau wãmeri cÿre jãina pato wãcõ jwo waaupa, ⁵⁴“Bojoricaro cÿ ca i bui cutiro, cÿre mani wedejãajaco,” iirã.

“Fariseos cÿja ca i dito buerijere tuo majiña,” Jesús cÿ ca iirique
(Mt 10.26-27)

12 ¹To biro cÿ ca i niiri tabera, pau bojoca cÿja majuropeera ameri waa doca

jañuripu Jesús pwtore bii nea poo nunu dooupa. To biro cÿja ca biiro Jesús pea, cÿ buerã peere o biro cÿjare i wede jwoupi:

—Tuo majiña fariseos yee baarique ca wauaro ca tiirije cÿja ca cworije menare, o biro pee ijata, watoara cÿja ca bii dito niirijere. ²Jicã wãme uno peera, jicãrãra majirique majiña manirijera biicã yerijãawa, ca biirije mani. Ñucã yaioropu ca niirije cãa, majiña manirijera biicã yerijãa waa, biiti. ³To biri niipetirije ca naitiaropu mÿja ca iiriquere, añuro umureco ca boeropu tworique niirucu. Ñucã mÿja wado jope bia jãa waari yaioacã mÿja ca iirique cãare, wii jotoa pee mwa peari acaro bui wede baterucuma —cÿjare iupi Jesús.

¿Ñirure ca uwipe to niiti?
(Mt 10.28-31)

⁴—Mÿja, yu mena macãrã peera o biro mujare yu i: Ca jãarãre uwiticãña; upu petira jãacã pacarã, jiroprã do biro tii majiticuma. ⁵“¿Ñiru peere ca uwipe to niiti?” Jiacãri jiroprã cãare, catiro jãñariqueru cãare pecame ca ñu yatitiri pecameru ñañaro ca tii yaioqu docare cÿre uwiya. Ujgã. Yee meé mujare yu i. Cÿ docare uwiya.

⁶“¿Wapa tiirica tiiri pu tabera wapa jicã amo cõropu miniare to noniña maniti? To

^w 11.51 Santuario. Ex 27.21; Lv 24.3; 2Cr 24.21-22; He 9.2-5.

biro tiicãrique to ca nii pacaro, Ëmureco Pacu pea jïcũ ñnorena cãjare acoborucu tiitimi. ⁷Mũja cãare, mũja dũpũga maquẽ poare cõo peotiriquerũ cõtomi. To biri uwiticãña. Mũja doca paũ minia ametuenero ca wapa cutirã mũja nii —cãjare ïiupi Jesús.

Jesucristo yeere ca wederã
(Mt 10.32-33; 12.32; 10.19-20)

⁸—No ca boogu yũre ca tũo nũnũjeegu yũ yee maquẽre bojocare cũ ca wedejata, yũ, Ca Nii Majuropeegu Macũ cãa, Ëmureco Pacu pũto macãrãre cũ yee maquẽre yũ wede bojarucu. ⁹Yũre ca tũo nũnũjeegu nii pacagu, bojocare yũ yee maquẽre ca wede junagũra, cũ cãa to birora cũ yee maquẽre Ëmureco Pacu pũto macãrãre wede boja ecotirucumi. ¹⁰Yũ, Ca Nii Majuropeegu Macũre, jïcũ ñañarije cũ ca ñicãmijata cãare, to biro cũ ca ñiriquere acobocãrucumi Ëmureco Pacu. To ca bii pacaro, Añuri Yerire ñañarije ca ñi wede paigu doca, ñañaro cũ ca ñiriquere acobo ecotirucumi.

¹¹”Mũjare, nea poo juu buerica wiijeripũ, ñparã pũtoripũ cũja ca ñee waaro, “¿Do biri wãme mani ñi ametuarãti? ¿Do biro cãjare mani ñi yũnrãti?” ñi tũgoeñarique paiticãña. ¹²Mũja ca wedepa tabe ca earo, mũja ca wedepere mũjare majiorucumi Añuri Yeri —cãjare ïiupi Jesús.

Ca apeye paigu, ca tũgoeña bojoca catitigu

¹³To biro cũ ca ñi niiro, jïcũ, bojoca watoapũ ca niigu, o biro ñiupi Jesús're:

—Buegu, jãa pacu niiquĩricu cũ ca cũu yairije yũ jũwũ cũ ca cũorijere “Cũ yee ca niirijere cũre noniña,” yũre ñi bojaya —ñiupi.

¹⁴To biro cũ ca ñiro, Jesús pea o biro cãre ñi yũũupi:

—Yũ mena macũ, “¿Ñiru yũre, mũja watoare, mũja ca tii niirijere ña beje, mũja ca cũorijere dica woo, tii niña,” yũre cũ ñijapari? —ñiupi.

¹⁵To biro ñi, bojocare o biro cãjare ñi wedeupi Jesús: “Bojoca catiya, niipetirije boo tũgoeñarique menare. Mani ca cati niirijea paũ mani ca apeye jee cũu cõo niirije jũori méé nii.”

¹⁶To biro cãjare ñi, ati wãme ñi cõoñari cãjare wedeupi:

—Niiupũ jïcũ, ca apeye paigu. Cũ yaa yeparire, cũ oterique paio cũre dica cati bojaupe.

¹⁷To biro ca biiro, “¿Do biro yũ tiigũti? Yũ otere yũ ca queno cũupa tabe yũ cõtiti,” ñi tũgoeñaupũ. ¹⁸“Jau. Mee yũ maji yũ ca tiipere. Yũ ote dicare yũ ca queno cũuri wiijerire wee bateri, ape wiijeri, paca wiijeri jañuro yũ tiigũda, tii wiijeripũ yũ ote dica niipetirore, yũ ca cũorije niipetirijere cũurũgũ.

¹⁹To biro tii yapano, o biro yũ ñirucu, yũ ca cati niirijere: “Yũ

mena macũ, paꝝ cũmari mꝝ ca cꝝo niipere mee paio queno cũurique mꝝ cꝝo. To biri yerijãa, baa, jini, mꝝ ca catiri rꝝmũrire ꝝjea nii, tiicã niĩña, y' u' iirucu," iĩupꝝ.

²⁰"To biro cũ ca iĩro, Ƴmũreco Pacꝝ pea o biro cũre iĩupꝝ: "Ca tũgoeña bojoca catitigũ, ati ñamira mꝝ yerire ãmacãrã doorã tiima. Mꝝ ca queno cũu cꝝo niirije pea ãĩru yee to niiroti?" cũre iĩupꝝ.

²¹"O biirije bii, paio apeye cꝝti pacagũ, pai jañuro cũ yee ca niipe wadore ca apeye jee cũu niigũra, Ƴmũreco Pacꝝ cũ ca ãa cojoro peera ca boo pacagũ niimi —cũjare iĩupi Jesús.

Cũ punare ãa cotemi

Ƴmũreco Pacꝝ

(Mt 6.25-34)

²²To biro iĩ yapano, cũ buerãre o biro cũjare iĩupi Jesús:

—To biri o biro mũjare yũ iĩ: Baarique mũja ca baa cati niipere, juti mũja ca jãñaperena tũgoeñarique paiticãña.

²³Mani ca cati niirijea baarique ametũenero wapa cꝝti, mani upꝝ cãa juti ametũenero wapa cꝝti. ²⁴Minia, wai aare ãaña. Otere oteti, ote dicare jeeti, baarique queno cũurica wii cꝝoti, ote dica queno cũurica tabe unora cꝝoti, biima. To biro cũja ca bii pacaro, Ƴmũreco Pacꝝ pea cũja ca baapere cũjare tiicojomi. ¡Mũja pee doca minia ametũenero ca wapa cꝝtirã mũja nii! ²⁵¿Nii pee mũja mena macũ,

cũ ca tũgoeña ama pato wãcãrije menara, jĩcã cuu cũ bũcua mũa nemo majicãgajati? ²⁶Õo ca biirije unocãrena bii majiti pacarã, ãñee tiirã apeye peere to cõro buaro mũja tũgoeña ama pato wãcãti?

²⁷"Oorire ãaña. ¿Do biirije to bũcũati? Padeti, tee ca jãñape juti juati, bii pacaro ãaricaro añurije bũcua. Wiogu Salomón niiquĩricu niipetirije añurije ca cꝝocãgũpũ cãa, tee ametũenero añurijepũra juti jãña, tiitiquĩupi. ²⁸Ƴmũreco Pacꝝ, taa mecũre nii, ñucã boero unora joe bate ecocã yai waa, ca biirije cãare, ãaricaro añurije juti jãami. ¡Mũja docare tee ametũenero cũ tiitibogajati, petocã peti díamacũ ca tuo nucũ buorã! ²⁹To biri mũja ca baapere, mũja ca jinipere, tũgoeñarique pai ama nucũ yujuticãña. ³⁰Ƴmũreco Pacũre ca majitirã niima, ate niipetirijere ca ama nucũ yujurã. Mee, mũja pea jĩcũ mũja Pacꝝ cꝝti, mũja ca boorijere ca majigũre. ³¹To biri mũja Ƴmũreco Pacꝝ cũ ca doti niirije peere amaña. To biro biirã, ate cãare mũja tiicojo ecorucu —cũjare iĩupi Jesús.

Ƴmũreco tutipũ apeye cꝝtirique

(Mt 6.19-21)

³²—Yũ yaarã oveja, uwiticãña. Mũja, paucã méé mũja nii. To biro mũja ca bii pacaro, Ƴmũreco Pacꝝ pea ca bojoca añugũ niiri, cũ ca doti niiri tabere mũjare tiicojorugami. ³³Mũja apeyere noni wapa jeeri,

ca apeye boo pacarãre tiicojoya. Ati yepa maquẽ apeye boacoa, ca biirijerena jee cūuticãña. Ɛmureco tutipũ apeye ca petitipe jee dutiri maja eati, õpẽcõa Ʃnora baati, cũja ca biiri taberũ maquẽ docare apeye queno cūũña.^x ³⁴To biri mũa apeye ca niiri tabera niirucu mũa yeri cãa —cũjare ïupi Jesús.

Añuro nii yuerique

³⁵—To biri, mee juti jãnaricarãpũ, jãa boericagaari cãare jãa tuariquepũ, cwo yue niĩña. ³⁶Paderi maja, cũja wiogũ amo jiarica boje rãmure ca waaricũ tua eagũ, jopere cũ ca paarije menara cũre boca pãa jõene, ca tiiparã cũja ca nii yuerore biro biyya. ³⁷Bũaro Ʃjea niima, cũja wiogũ cũ ca eapere ca yue niirãrena cũ ca bña earã. Yee méé mũjare yũ ïi: Wiogũ majuropeera, baarique peorica pĩi pũto cũjare duwi doti yapano, cũjare baarique peorucumi. ³⁸Cũja, bũaro Ʃjea niima, ñami decomacã, ca boeparo jũguero to ca nii pacaro, ca cãnitirãrena cũ ca bña earã. ³⁹Atere majiña: Jĩcũ wii Ʃpũ, “To cõro earucumi jee dutiri majũ,” cũ ca ïi majijata, cũ yaa wiire pãa jãa doori, cũ ca jee dutiro, cũre tiiticumi. ⁴⁰Mũa cãa to birora añuro queno yue niĩña. “Doocumi,” mũa ca ïitiri tabe Ʃnore earucumi Ca Nii

Majuropeegu Macũ —cũjare ïupi Jesús.

Puarã pade coteri maja: ca añugũ, ca añutigũ (Mt 24.45-51)

⁴¹To biro cũ ca ïiro tũogũ, Jesús're o biro ïi jãĩñaupi Pedro: —Wiogũ, ¿ate mũ ca ïi cõõña wederijere jãa wadore ïigũ mũ ïiti, niipetirãre ïigũ mũ ïitiqué? —cũre ïupi.

⁴²To biro cũ ca ïiro, Jesús pea o biro ïupi:

—¿Ñiru cũ niiti, cũ wiogũ yeere ïa nũnũjee bojari majũ, ïiricarore biro ca tiigũ, ca tũgoeña bojoca catigũ, cũ wiogũ, cũ yaa wii macãrãre ïa cote, baarica tabe ca earo cũjare baarique eca, cũ ca tii dotigũ pea? ⁴³Bũaro Ʃjea niimi pade coteri majũ, cũ wiogũ tua eagũ, cũ ca tiipe cũ paderiquere ca tii niigũrena cũ ca bña eagña. ⁴⁴Yee méé mũjare yũ ïi. Cũ wiogũ pea cũ yee niipetirijere ca ïa cotegũ cũre cũurucumi. ⁴⁵Cũ pade coteri majũ pea, “Yũ wiogũ yoari méé tua eatirucumi,” ïi tũgoeñari, paderi maja aperã peere, Ʃmũa, nomiare ñañaro cũjare tii, baarique wado baa, jini, cũmu nucũ yuju, biicumi. ⁴⁶Cũ wiogũ pea tii rãmũ, to cõro ca niiro, earucumi cũ ca ïi tũgoeña yuetiri tabere eari, bũaropũra ñañaro cũre tii, ïiricarore biro ca tiitirã cũja ca tamũorore biropũ cũ ca biiro cũre tiirucumi.

^x 12.33 Ɛmureco Pacũ pũtorũ.

⁴⁷”Pade coteri majɔ, cū wioɔɔ cū ca boorijere maji pacagɔ, queno yueti, cū ca boorore biro tiiti, cū ca biijata, paɔ tiiri bape ecorucumi. ⁴⁸Pade coteri majɔ, majitima iigu ñañaro cū ca tii ecope unore cū ca tii bui cutijata, peeto jañurora bape ecorucumi. To biri paɔ ca tiicojo ecogɔa, buaropɔra tii doti ecorucumi. Ñucã, cū ca ña nɔnɔjeepere paɔɔra ca tiicojo ecogɔa, ametueneropɔ doti ecorucumi —iupi Jesús.

Jesús juori ameri camotatirique
(Mt 10.34-36)

⁴⁹—Yɔa, ati yeparɔre peca jia tuagɔ doogɔ yɔ doowɔ. Mee ca uncoaropɔ yɔ boocãmi. ⁵⁰Biigɔɔna, ñañaro peti yɔ bii ametuaruɔ. To biro yɔ ca biipere ñañaro yɔ tɔgoeña. ⁵¹¿“Ati yepare jicãri mena añuro niiriquere jee doogɔ biijacupi,” mɔja iiti? Teere jee doogɔ méé yɔ biuwɔ. Ameri camotatirique peere jee doogɔ yɔ doowɔ. ⁵²Mecũ mena, jicã wii macãrã jicã amo cõro ca niirã, itiarã pɔarãre ña tuti, ñucã pɔarã, itiarã ca niirã peere ña tuti, biirucuma. ⁵³Ñucã cū pacɔ cū macũrena ña juna, cū macũ pee cãa cū pacũrena ña juna, cõ paco cãa cõ macõrena ña juna, cõ macõ pee cãa cõ pacorena ña juna, ñucã cõ mañico cãa cõ macũ nũmorena ña juna, cõ macũ nũmo pee cãa

cõ mañicõrena ña juna, ameri biirucuma —iupi Jesús.

Umurecori ca biirije
(Mt 16.1-4; Mc 8.11-13)

⁵⁴Jiro bojoca peere o biro cūjare iupi ñucã Jesús:

—Muipũ cū ca ñaajãa waari nũña pee, bueri burari to ca mɔa dooro ñarã, “Oco pearugaro bii,” mɔja ñi ña maji. Mɔja ca iirore birora bii. ⁵⁵Ñucã jõcũ jiro macã nũña pee wino to ca paa puu dooro ñarã, “Ajirugaro bii,” mɔja ñi ña maji. Mɔja ca iirore birora bii. ⁵⁶¡Watoara ca bii dito pairã! Umurecori, yepari ca biirijere añuroɔ, “To biirije biirugaro bii,” ca ñi majicãrã nii pacarã, ¿ñee tiirã ano mɔja watoa ca biirije peera “To biirije biirugaro bii,” mɔja ñi ña majititi? —cūjare iupi Jesús.

Ameri wederique quenorique
(Mt 5.25-26)

⁵⁷—¿Ñee tiirã mɔja majuropeera, añurijere mɔja ña cõoña majititi? ⁵⁸Jicũ mure cū ca wedejãaro, wiorã pɔtopɔ cū mena waa nũnɔa waagɔɔra, jicãto cū mena ameri wederique quenoiña. To biro mɔ ca tiitijata, ca jãiña bejegɔ^y pɔtopɔ mure ami waa, cū pee cãa uwamarãpɔre mure tiicojo, cūja pea tia cūurica wiipɔ mure tia cūu, cūja ca tiitipere biro iigu. ⁵⁹Tia cūurica wiipɔra yua, mɔ ca wapa tii peotitijata, mɔ

^y 12.58 Juez.

wititirucu,” mure yu ñi —cũjare ñiupi Jesús.

Tũgoeña yeri wajoarique

13 ¹O biro cũ ca ñi niiri taberirena, jĩcãrã Jesús're ñarã waari, Pilato, jĩcãrã Galilea macãrã waibucurã jĩari, Æmureco Pacure ca tiicojo nũcũ buo niirãre jĩari, cũja díire waibucurã díi mena cũ ca ayariquere cũre wedeupa.^z ²Teere tungu, Jesús pea o biro cũjare ñi yũũupi:

—¿“Mũja, aperã cũja yaa yepa Galilea macãrã ametuenero ñañarije ca tiirã niima ñirã, to biro tamuojacupa,” mũja ñi tungoeñati? ³“Biitjacupa,” mũjare yu ñi. Mũja cãa, tungoeña yeri wajoari ñañarije mũja ca tii niirijere mũja ca tii yerijãatijata, cũjare birora mũja bii yairucu. ⁴Ñucã, Siloére cũja ca wee nũcõrica tutu pee ñaawaaro, dieciocho niirã ca tãni yairicarã, Jerusalén macãrã ametuenero ñañarije cũja ca tii bui cutirique jũori, tãni yaijacupa, ¿mũja ñi tungoeñati? ⁵“Biitjacupa,” mũjare yu ñi. Mũja cãa, tungoeña yeri wajoari ñañarije mũja ca tii niirijere mũja ca tii yerijãatijata, cũjare birora mũja bii yairucu —cũjare ñiupi Jesús.

Higueragu ca dica maniricure cũ ca ñi cõña wederique

⁶To biro cũjare ñi, ati wãme ñi cõñari wedeupi ñucã Jesús:

—Jĩcũ cũ uje wejepure higueragu cũ ca otericagure снорн. “Mee dica cuticoacu,” ñigu, ñagu waamiupu. Jĩcãga unora buaticãupu. ⁷To biri, cũ uje wejere ca ña nunujeegure o biro cũre ñiupu: “Mee, itia cũma waa, atigu dicare jeerugu yu ca amagu doorucu niimirije, jĩcãga unocãra buarucu, yu tiiti. Queti cõacãña. Ñee tiiro cõro watoa petira nũcũ coteri niiticu,” cũre ñiupu.

⁸”To biro cũ ca ñiro cũ uje wejere coteri majũ pea o biro cũre ñiupu: “Wiogu, ati cũmara mani queticãjaco ména. Jita ca jũti añurije mena ayiari, tiigu pũtore yu jita coa tuu ñaarucu. ⁹Ape tabera tee mena dica manicãjato docare mũ queti cõacãrucu yua,” cũre ñiupu —ñi wedeupi Jesús.

Ca tũa mutĩaricore Jesús cũ ca catorique

¹⁰Jĩcã rũmũ yerijãarica rũmũ ca niiro, nea poo juu buerica wiipu bojocare buegu tiupi Jesús. ¹¹Toopure niupo jĩcõ nomio, dieciocho cũmari peti ca diarique cuti niigo. Wãtĩ cõre cũ ca tũa mutĩarico niiri, petoacã wãmũ poo majiri méé ca biigo niupo. ¹²Jesús pea cõre ñari, cõre jũo cojo, o biro cõre ñiupi:

—Nomio, mee diarique manigo mũ tua —ñiupi.

^z 13.1 Æmureco Pacure tiicojo nũcũ buorã joe muenerugarã cũja ca jĩaricarã waibucurã díi mena cũ ca ayariquere.

¹³To biro ñigura cū amori mena cōre cū ca ñia peorije menara, cō pea díamacū wāmu roocoauo. To biro biigora, Æmureco Pacure baja peo nūcū buoupo. ¹⁴Yerijāarica r̄m̄m̄rena, ca diarique cutigore Jesús cū ca catorijere ñari, nea poo juu buerica wii wiogu pea ajiacoaupi. To biri bojocare o biro cūjare ñiupi:

—Jicā amo peti, ape amore jicāga penituario niiri r̄m̄m̄rira nii paderica r̄m̄m̄ri. Tii r̄m̄m̄ri ñnore m̄ja diariquere ametuene dotirā dooya. Yerijāarica r̄m̄m̄ petira to biro tiiticāña —ñiupi.

¹⁵To biro cū ca ñiro, Jesús pea o biro cūre ñi yñupi:

—Watoara ca bii dito pairā, ¿m̄ja jicū ñno peera yerijāarica r̄m̄m̄rena, m̄ja burrore, m̄ja yñ buey're, m̄ja ca jia tuu n̄cōricure cūre popiori m̄ja oco ñarā waatirucuti?

¹⁶Atio, Abraham pārameore, Satanás dieciocho cūmari peti ate diarique mena cū ca jia n̄cō epego peera, ¿yerijāarica r̄m̄m̄rena cō popio ecotibogajati? —cūre ñiupi.

¹⁷O biirije Jesús cū ca ñiro, cūre ca ña tutirā pea boboro tamoupa. To ca bii pacaro, niipetirā to cōro do biro ca tiya manirije Jesús cū ca tiirijere buaro ña ñjea niupa.

**Mostaza apega mena
cū ca ñi cōña wederique**
(Mt 13.31-32; Mc 4.30-32)

¹⁸O biro ñi n̄n̄na waaupi Jesús:

—¿Ñeere biro to biiti, Æmureco Pacu cū ca dotirije? ¿Ñee mena yu ñi cōñaguti? ¹⁹Jicāga mostaza apegacāre jicū cū yaa wejere ote, cū ca tiiro jiro wii m̄na waaro, jicāgu yucugu pairicu bucua, to ca biiro tiigu d̄p̄rip̄re minia yerijāa peja cūja ca biimore biro bii —cūjare ñiupi Jesús.

**Baariquere ca waurije mena
cū ca ñi cōña wederique**
(Mt 13.33)

²⁰Ñucā o biro ñiupi:

—¿Æmureco Pacu cū ca doti niirijere ñee mena yu ñi cōñaguti? ²¹Jicō nomio harinare itia bapa cōori, niipetiri buruap̄ra to waucoajato ñigo, ca wuaro ca tiirijere cō ca ayiarore biro bii —ñiupi Jesús.

Ca ejatiri jope
(Mt 7.13-14, 21-23)

²²Jesús, Jerusalén'p̄ra waa n̄n̄na waagu, cū ca ametua waari tabe macā macāri macārāre bue ametua waaupi.

²³To biro cū ca ñi n̄n̄na waaro, jicū Jesús're o biro ñi jāiñaupi:

—Wiogu, ¿ca ametuarā petoacā cūja niiti? —cūre ñiupi.

To biro cū ca ñiro, o biro cūre ñi yñupi Jesús:

²⁴—“Ca ejatiri jope peere jāa waaruga niña. Pau jāa waarugamirucuma. To bii pacarā jāa majitirucuma,” m̄jare yu ñi.

²⁵Tii wii wiogu wācāri, jopere cū ca biaro jiro, m̄ja macāp̄ ca niirā pea, “Wiogu, jāare jope

pãaña,” cûre mûja ïi juomirucu. To biro mûja ca ïiro cû pea, “Baa, mûjare yu majiti. Noo macãrã niirã mûja niicu,” mûjare ïi yuñrucumi. ²⁶To biro cû ca ïiro, mûja pea: “Mu menara baa, jini, jãa tiiwu. Jãa macã yeparira bojocare mu bue yujurucuwu,” cûre mûja ïimirucu.

²⁷”To biro mûja ca ïiro, “ ‘Mee mûjare yu majiti,’ mûjare yu ïijãwu. Yuñre camotatiya mûja, ñañarije ca tiirã,” mûjare ïirucumi.

²⁸”To cõrora otirique, buaro tũgoeña pairique, mûjare niirucu, Abraham, Isaac, Jacob, Æmureco Pacu yee quetire wede juñgueri maja niiquiricarã niipetirã, Æmureco Pacu cû ca doti niiri taberu cûja ca niicãro, mûja pea macãpu cõa wiene ecoma ïirã. ²⁹Bojoca niipetiropu macãrã, muipũ cû ca mua doori nuña macãrã, cû ca ñaa jãari nuña macãrã, jõcũ jiro macã yepa macãrã, ñucã díamacũ macã yepa macãrã doorucuma, Æmureco Pacu cû ca doti niiri taberu baa duwirã doorã. ³⁰To biri mecũrire watoa macãrã ca niirã, ca nii majuropeerã niirucuma. Ñucã mecũrire ca nii majuropeerã ca niirã, watoa macãrã tuarucuma —ïiupi.

**Jerusalén're ïari Jesús
cû ca otirique
(Mt 23.37-39)**

³¹Tii rãmurena jicãrã fariseos eari, o biro ïiupa Jesús're:

—Anore waacoaguja. Herodes mure jicãrũgami —cûre ïiupa.

³²To biro cûja ca ïiro, o biro cûjare ïi yuñupi Jesús:

—Waari, o biro ïirãja, ca bojoca ñañagure: “Mecũ, boero ca diarique cutirãre catio, wãtiare cõa wiene, yu tiirucu. Boero ape rãmura yu paderiquere yu yapanorucu.

³³Mecũ, boero, boero ape rãmũ, yu waa nuña waarucu. Jicũ, Æmureco Pacu yee quetire wede juñgueri majũ, Jerusalén ca niitiropu cû ca bii yaijata añuti.”

³⁴”Jerusalén, Jerusalén, Æmureco Pacu yee quetire wede juñgueri majare jãa, mure Æmureco Pacu, cû ca wede doti cojorãre ãtã mena dee jãa, ca tiiri macã mu nii. Jicãti méé, ãboco cõ punare cõ quedũpu doca cõ ca jee neorore biro yu tiirũgamiwu mu bojocare. Mûja pea mûja bootiwu. ³⁵To biri, mûja ca niiri tabe, bojoca maniri tabe tuarucu. Yuñre mûja ña nemotirucu, “ ‘Añuro ca biigũ niimi, Æmureco Pacu wãme mena ca doogu,’ mûja ca ïiri rãmũ ca earopũ,” mûjare yu ïi^a —cûjare ïiupi Jesús.

**Mipĩrique ca diagure
Jesús cû ca catorique**

14 ¹Jicã rãmũ, yerijãarica rãmũ ca niiro, ãpu fariseo yaa wiipu baagu waaupi Jesús. Apera fariseos

^a 13.35 Sal 118.26.

pea Jesús're ïa duti cote niipu. ²Ñucã toopure niupi jĩcã mipĩrique ca diarique cutigũ. ³To biri Jesús pea, doti cūuriquere ca jũo buerãre, fariseos're, o biro cūjare ïi jãĩnaupi:

—¿Doti cūurique, yerijãarica rũmũre ca diarique cutirãre to catio dotiti? ¿To dotitiqué? —ĩiupi.

⁴To biro cũ ca ïiro, cūja pea wedetiupa. To cõrora ca diagũre catio yapano, “Tua waagũja,” cũre ïiupi Jesús.

⁵To biro tii yapano, fariseos peera o biro cūjare ïiupi:

—¿Nii mũja mena macũ, yerijãarica rũmũrena cũ macũ ñno, cũ buey ñno operũ cũ ca ñaaãaro, yoari méé cũre cũ ami wienetiti? —ĩiupi.

⁶Jesús to biro cũ ca ïiro, cūja pea do biro cũre ïi yũũ majitiupa.

Amo jiarica boje rũmũre ca jũo ecoricarã

⁷Cũ ca jũo cojoricarã duwiriquere añuri taberipũ wado cūja ca beje ea nuuro ïagũ, o biro cūjare ïi wede majiõupi Jesús:

⁸—Noo jĩcã, amo jiarica boje rũmũre mũjare cūja ca jũo cojoro, duwirique añurijerũ wado beje ea nuuticãña. Mũja ametũenero ca nii majuropeegũ eabocumi. ⁹To biro cũ ca biiro, mũja rũarãrũrena ca jũo cojoricũ doori: “Mũ ca duwiri tabere ani peere duwi dotiya,”

mũjare ïibocumi. To biro cũ ca ïiro, aperã cūja ca ïa cojoro, boboro cūja jiorũ mũja duwirã waabocu yua. ¹⁰To biro biitirãra, mũjare cūja ca jũoro, jiro macã pĩiropũ ea nuu eaya, to biro mũja ca biiro mũjare ca jũoricũ pea, “Yũ mena macũ, ano añuri tabe pee duwigũ dooya,” mũjare cũ ca ïipere biro ïirã. To biro biirã, mũja mena ca baa duwirã cūja ca ïa cojoro, mũjare ca jũo cojoricũre añuro mũja ïi ecorucu. ¹¹Cũ majuropeera, “Ca nii majuropeegũ yũ nii,” ca ïigũa, watoa macũ tuarucumi. “Watoa macũ yũ nii,” ca ïigũ pea, ca nii majuropeegũ tuarucumi —cūjare ïiupi.

¹²Ñucã cũre ca jũoricũ cãare o biro cũre ïiupi Jesús:

—Baarique jũo baagũ, mũ mena macãrãre, mũ yee wederãre, mũ yaarã ca nii cojorãre, ñucã mũ ca niiri tabe pũto macãrã ca apeye pairãre, jũoticãña. Cūjare mũ ca jũojata, ñucã cūja pee cãa mũre jũorucuma, mũre amerũgarã. Mee, to biro mũre cūja ca tiirije menara mũ wapa taacãrucu. ¹³To biro tiitigũra, boje rũmũ tiigũ, ca boo pacarãre, ca waa majitirãre, dũpo yuririre, ca ïatirãre, jũoya. ¹⁴To biro tiigũ, bũaro mũ ñjea niirucu. Cūja pea jĩcã rũmũ ñnora, to biro mũre tii ametirucuma. To biro mũre cūja ca tiiti pacaro, mũ pea ca añurã cūja ca cati tuari rũmũre tee wapa mũ tiicojo ecorucu —cũre ïiupi.

**Jño baarique mena
cũ ca ñi cõõña wederique**
(Mt 22.1-10)

¹⁵Atere to biro cũ ca ñiro tũogũ, jĩcũ Jesús mena ca duwirã mena macũ, o biro ñiupi:

— Ûmũreco Pacũ cũ ca doti niiri taberũre ca baarũ doca ẽjea niĩña — ñiupi.

¹⁶To biro cũ ca ñiro, Jesús pea o biro ñiupi:

— Jĩcũ, paio baarique quenori, raũ bojocare jũourũ.

¹⁷Baarica tabe ca earo, cũre pade coteri majũre, “Dooya. Mee, baarique queno yapanoriquerũ nii,” ñĩgũja yũ ca jũoricarãre, cũre ñi cojourũ.

¹⁸”To biro ñi cojojãwi, cũjare cũ ca ñiro, niipetirãrũra ate jũori jãa waati, cũre boca ñiuparã.

Ca nii jũogũ, o biro ñiupũ:

“Mecũacãra jĩcã yepa yũ wapa tii yerijãawa. To biri tii yepare ñagũ waagũ yũ tii, teere ñima ñĩgũ yũ waati,” cũre ñiupũ. ¹⁹Apĩ cãa, “Pũa amo cõro niirã wescũa yũ wapa tii yapano. Cũjare ña ñaagũ waagũ yũ bii ména, ‘teere ñima ñĩgũ yũ waati,’ ñijãwi cũre ñĩña,” ñicãupũ. ²⁰Apĩ cãa ñucã, “Mecũacãra yũ amo jĩa yapano. To biri yũ waa majiti,” cũre ñiupũ.

²¹”Cũre pade coteri majũ pea tua ea, ate to biro cũja ca ñĩriquere wedeurũ cũ wiogũre. Wii ẽrũ pea teere tũo aja, o biro ñiupũ cũre pade coteri majũre: “Yoari méé, macã macã yeparipũ, wiije watoa

macã maaripũ waari, ca boo pacarãre, ca waa majitirãre, ca ñatirãre, upa yuririre, cũjare jũo dooya,” ñiupũ. ²²To biro cũ ca ñi cojoricũ waa tua eagũ:

“Wiogũ, yũre mũ ca dotijãrore birora yũ tii yerijãajãwũ mee.

To ca bii pacaro, wii pee dadati ména,” cũre ñiupũ. ²³To biro cũ ca ñiro, cũ wiogũ pea o biro cũre ñiupũ:

“Maaripũ, metã macãriacãrũ waari, noo mũ ca bũa earãre ca doorũgatirãrena cũjare jũocã dooya, yũ yaa wii ca dadacoapere biro ñĩgũ. ²⁴Jĩcũ ũno peera, yũ ca jũomicarã yũ mena baatirucuma, mũjare yũ ñi,” ñiupũ — ñi wedeupi Jesús.

**Cristore nũnũrique
popiye ca niirije**
(Mt 10.37-38)

²⁵Bojoca raũ Jesús're nũnũupa. To biro cũja ca biiro, cũ pea cũja peere amojode nũcãri, o biro cũjare ñiupi:

²⁶— Jĩcũ yũre ca tũo nũnũjeegũ, cũ pacũre, cũ pacore, cũ nũmore, cũ punaare, cũ yaarãre, cũ yaarã romirire, ñucã cũ majuropeera cũ ca mairo ametũenero yũre cũ ca maitijata, yũ buegũ nii majitimi. ²⁷Ñucã yũ yee jũori, cũ majuropeera ñañaro tamũori, yũre ca nũnũtigũ, yũ buegũ nii majitimi.

²⁸”¿Jĩcũ mũja mena macũ, emũari wii weerũgũ, “¿Wapa tiirica tiiri yũ ca cũorije menara yũ wee yapanocãrũgamiti?” ñĩgũ, ea nuu waa, tee ca wapa

cūtiperē cū cōña j̄uotigajati?
²⁹To biro tiitigura, tii wii ca
 niipa yepa wadore wee cūu
 pacagu, peoti majitigu cū ca bii
 niiro niipetirā tii tabere ca ĩarā,
 o biro cūre ĩi buicumā: ³⁰“Ania,
 wii queno j̄uocāmijapi tāá
 biigur̄na. Tii yapano majitimi
 béé,” ĩi buicumā.

³¹“Ñucā j̄icū wiogu, ap̄i wiogu
 mena cū ca ameri j̄iagu waape
 to ca niijata: ¿Ȳu uwamarā
 diez mil menara, veinte mil
 uwamarā mena ȳure ca j̄iagu
 doogure ȳu āp̄ōt̄iocār̄ugamiti?
 ĩigu, ea nuu waa, ¿cū cōña
 j̄uotigajati? ³²Ȳu āp̄ōt̄ioricarō
 manī cū ca ĩijata, ap̄i wiogu
 pea ména yoarop̄ra cū ca
 niiro, “Añurucu. Manī ameri
 j̄iaticājato,” ĩi cojocumi, queti
 wederi maja mena. ³³To biri
 wāmera no ca boogu m̄ja
 mena macū cū ca c̄orije
 niipetirore cū ca waa weo
 majitijata, ȳu buegu nii majitimi
 —cūjare ĩiupi Jesús.

Moa ca oca yerijāarije

(Mt 5.13; Mc 9.50)

³⁴—Moa añurijera nii.
 Bii pacaro ca ocarije to ca
 peticoajata, ¿do biro pee
 bii, ñucā ca poarije to nii
 eabogajati? ³⁵Yepa cāare añuti,
 oter̄ure maa tuujata cāare añuti,
 biicā yua. To biri díamacūra
 cōa cūu batecāma. Ca amoperi
 cūtirā t̄uoya ȳu ca ĩirijere^b
 —ĩiupi Jesús.

Oveja ca yairicure ĩi cōñari

Jesús cū ca wederique

(Mt 18.10-14)

15 ¹Pāu, Roma maquēre
 wapa jee bojari maja,
 ñañarije ca tiirā, Jesús're nea
 poo eaupa cū ca wederijere
 t̄uorugarā. ²O biro cūre cūja
 ca biirije j̄uori, fariseos, doti
 cūquĩriquere ca j̄uo buerā, o
 biro ĩi wede paiupa Jesús're:
 —Ania, ñañarije ca tiirāre
 añuro tii, cūja menara baa, tiimi
 déé —ĩiupa.

³To biro cūja ca ĩiro, cū pea
 ati wāme ĩi cōñari cūjare
 wedeupi:

⁴—¿Nii m̄ja mena macū pee
 cien ovejas ca c̄ogu, j̄icū cū
 ca yairo, ca yairicure amagu
 waagu, noventa y nueve ca
 niirāre toora cūucā, cūre
 buacār̄ip̄ cū ama yerijāatiti?

⁵Cūre buagu, buaro ũjea
 niirique mena cūre ami p̄ja,
⁶cū yaa wii tua eagu, cū mena
 macārāre, cū ca niiri tabe
 macārāre, j̄uo neo, o biro ĩicumī:
 “Ȳu mena ũjea niña. Mee, ȳu
 oveja ca yairicure ȳu buaj̄aw̄,”
 ĩicumī. ⁷To biiri wāmera bii
 ũm̄reco tutip̄re: J̄icū ñañarije
 ca tiigu cū ca t̄ugoña yeri
 wajoaro, mee añurā noventa y
 nueve ca niirā ca t̄ugoña yeri
 wajoarique bootirā menare
 ũjea niiricarō amet̄enero ũjea
 niirique nii —cūjare ĩi wedeupi
 Jesús.

^b 14.35 “Ca tuo majirugarā ȳure tuo n̄n̄jeeya.”



Oveja ca yairicure b̄aḡu ɸjea niimi. Lc 15.5

**Wapa tiirica tii ca yairiquere
c̄u ca ii c̄oña wederique**

⁸—¿Dico ɸno nomio wapa tiirica tiiri, p̄a amo c̄oro niiri tiiri ca c̄oḡo, j̄c̄a tii ca yairo, j̄a boericaga mena j̄a boeri, to c̄anac̄a taber̄na añuro owa ama, tii tiire b̄uac̄arip̄u c̄o ama yerij̄aatiti? ⁹Tii tiire b̄uago, c̄o mena mac̄ar̄a romirire, c̄o ca niiri tabe p̄uto mac̄ar̄e, o biro iicumo: “Ȳu mena ɸjea niña. Mee, ȳu wapa tiirica tii, ca yairica tiire ȳu b̄uaj̄aw̄u,” c̄uj̄are iicumo. ¹⁰To biri w̄amera ɸjea niirique nii ɸm̄areco Pac̄u p̄uto mac̄ar̄e, j̄ic̄u ñañarije ca

tiiḡu c̄u ca t̄uḡoña yeri wajoaro —c̄uj̄are iip̄i.

**C̄u mac̄u ca yairicure, c̄u pac̄u c̄u
ca b̄uariquere c̄u ca ii c̄oñarique**

¹¹O biro c̄uj̄are ii wedep̄i ñuc̄a Jesús:

—J̄ic̄u, p̄uar̄a puna c̄utiup̄u.

¹²Ca bai pee o biro iip̄u c̄u pac̄u: “C̄aac̄u, ȳu yee ca niipe m̄u ca c̄uorijere ȳu te tiicojaya,” iip̄u. To biro c̄u ca iiro, p̄uar̄ap̄urena c̄uj̄are dica wooc̄up̄u.

¹³”No c̄anac̄a r̄um̄u jiro m̄éera, ca bai pea, c̄u pac̄u c̄u ca dica wooriquere jee neo, ape yerap̄u, ca yorop̄u,

waascoauru. Tooru, noo ca boorora tii niima iigu, cū yee, cū pacu cū ca dica woomiriquere tii bate peoticauru. ¹⁴Cū ca jee waamiriquere cū ca tii bate peotiro jiro, tii yeparure baarique peticoaure. To biro ca biiro, cū pea bvaro ana tamuo juo waauru. ¹⁵To biri tii yera macure paderique jaiigu waauru. Cū pea, cū yaa wejeripu cū yejeare cūre eca cote doti cojouru. ¹⁶Bvaro queyama iigu, yejea cūja ca baarijerena baarugamiuru. To biro cū ca biicā pacaro, jicū peera jicā wāme unora cūre baarique eca, tiiticāuparā.

¹⁷”Biirique peti tūgoeña bojoca cati, o biro iuru: —¿Yn pacure pade coteri maja ran baarique cūja ca suocāro, yn pea anoru yn ana boa duwi yujuti? ¹⁸Yn pacu putornga tua waari, o biro cūre yn iuru: “Cāacu, Umareco Pacu menare, mē menare ñañarijere yn tijara. ¹⁹To biri ‘Yn macū,’ yure iiticāña. Jicū mre ca pade coteri majure biro pee yure tiya,” yn iuru —iuru.

²⁰”To biro iicā cū pacu putornga tuascoauru ñucā. Ména yoaropnga cū ca niiro, cū pacu pea cūre ña maji, cūre ña boo pascu. To biri cūre ūmaa boca, cūre paabario, cū wajopuare ipū, cūre tiuru. ²¹To biro cū ca tiiro, cū macū pea o biro cūre iuru: “Cāacu, Umareco Pacu menare, mē menare ñañarijere yn tijara. To biri, ‘Yn macū,’ yure iiticāña,” cūre iuru.

²²”To biro cū ca ñi pacaro, cū pacu pea cūre pade coteri majare: “Yoari méé, jutiro añurito ami doori cūre jāa, amo jūa jāarica beto cāare jāa, dupo juti cāare jāa, cūre tiya. ²³Ñucā wescu añuro ca díi cutigure, ami doori, cūre jāña. Yn macū cū ca tua eari boje rumu mani tii ujea nii baaco. ²⁴Ani, yn macūre, ‘Bii yaicoajacupi,’ yn ñi tūgoeñarucumijāwu. Bii yaitijapi. Waa yaicoamiwi, cūre mani bva ñucā,” iuru. To cōrora boje rumu tiicā juo waauparā mee yua.

²⁵”To biro cūja ca tii niicāro, cū macū ca jūwu pea wejeru niuru. Ca pade niiricu tua doogu, wii puto ea doogu, cūja ca baja wedeo niirijere tūoru. ²⁶To biri jicū pade coteri majure juo cojo, “¿Ñee to bijāri yua?” cūre ñi jāñauru. ²⁷To biro cū ca iiro, pade coteri maju pea o biro cūre iuru: “Mē bai tua eajāwi. To biri mē pacu pea wescu añuro ca díi cutigure jāa dotijāwi. Cū macūre añuro ca cati añugurena, yn bva, ñima iigu boje rumu tiurugu,” cūre iuru.

²⁸”Cū jūwu pea teere bvaro tuo ajari, jāa waarugatiuru. To biri cū pacu pea cūre juogu witi waauru. ²⁹Cū pea o biro iuru cū pacure: “Cāacu, ran cūmari, jicāti uno peera mre ametuene nūcāri méé yn ca pade niirijere mē maji. To biro yn ca bii pacaro, ‘Cū mena macārā mena cū jāa baajato’ iigu, jicū cabra macū unocārena jicāti uno



Cã macũ ca waa yairicu cũ pacu puto tua eacã dooupa ñucã. Lc 15.11-32

peera yũre tiicojorucu, ma tii ñaati. ³⁰Ani ma macũ, ma yeere ma cũja ca tii eperã romiri mena tii epe nucũ yuju, tii bate peoticãri ca tua eagũ peera, wesa añuro ca díi cutigũre

jĩacãri, cũre ma boje rãma tii peo,” cũre iũpa cũ pacũre.

³¹”To biro cũ ca iũro, cũ pacu pea o biro cũre iũpa: “Macũ, ma yũ menara ma ñicõa nii. Yũ ca suorije niipetirije ma

yee wado niiro bii. ³²Ani, m̄ bai, ‘Bii yaicoajacupi,’ ȳ ca ñi t̄goeñarucumigu, catijari. Ca waa yairicure mani b̄ua ñucã. To biri c̄ure ca boje r̄um̄ tii peo ñjea niipera niiro bii,” c̄ure ñiur̄ c̄u pac̄u —ñi wedeupi Jes̄us bojocare.

Wioḡu yeere ña n̄n̄jee bojari maj̄are c̄u ca ñi c̄oña wederique

16 ¹Ñucã c̄u buerãre o biro ñi c̄oñari wedeupi Jes̄us:

—Jic̄u ca apeye paiḡu, c̄u yeere ca ña n̄n̄jee bojagure cuour̄u. Aperã pea, “M̄ yeere tii bateḡu tiimi,” c̄ure ñi wedejãarã wauparã. ²To biri c̄ure j̄no cojori, o biro c̄ure ñiur̄: “¿Ñee to niiti m̄ ca tiirijere ȳre c̄uja ca wederijea? To biri m̄ ca paderiquere c̄oñari, ȳre owa tuu cojoya. To c̄orora ȳ yeere ña n̄n̄jee bojari maj̄u m̄ nii yerijãarucu,” c̄ure ñiur̄.

³”To biro c̄u ca ñiro, c̄u wioğ̄u yeere ña n̄n̄jee bojari maj̄u pea o biro ñi t̄goeñaur̄: “Agó nija, ¿ñeere ȳ tiiḡati yua? Ȳ wioğ̄u paderique maniḡu ȳre c̄iuḡu dooḡu tiimi. Yeparire ca pader̄u ñno m̄é ȳ nii. Ȳ tutuati. Wapa tiirica tiiri j̄air̄uḡu c̄aa, ȳ bobo jañu. ⁴Jañ, mee ȳ maj̄i, paderique maniḡu ȳ ca tuaro, aperã ȳre c̄uja ca ñeepere biro ñiḡu ȳ ca tiipere,” ñiur̄.

⁵”To biri c̄u wioğ̄ure ca wapa moorãre j̄no cojour̄u. Ca nii j̄noğ̄ure o biro ñi j̄aiñaur̄: “¿M̄ua, no c̄oro ȳ wioğ̄ure m̄ wapa mooti?” c̄ure ñi j̄aiñaur̄. ⁶C̄u pea: “Cien daperi^c peti ñje daperi ȳ wapa moo,” c̄ure ñiur̄. To biro c̄u ca ñiro c̄u wioğ̄u yeere ña n̄n̄jee bojari maj̄u pea o biro c̄ure ñiur̄: “Jañ, ano duwiya. Ate nii m̄ ca wapa moorije. Ȳ wioğ̄ure cien m̄ ca wapa moorijere, cincuenta niirijera owa tuuya yua,” c̄ure ñiur̄.

⁷”To biro c̄ure ñi yapano, ar̄ire j̄no cojo, “¿M̄ua, no c̄oro m̄ wapa mooti?” c̄ure ñi j̄aiñaur̄. “Trigo cien poari^d ca eape c̄oro ȳ wapa moo,” c̄ure ñi ȳñaur̄. To biro c̄u ca ñiro: “Jañ, ano duwiya. Ate nii m̄ ca wapa moorije, cien poari m̄ ca wapa moorijere, ochenta poarira owa tuuya yua,” c̄ure ñiur̄.

⁸”C̄u yeere ña n̄n̄jee bojari maj̄u ca añutiḡu c̄u ca tiiriquere majiri, c̄u wioğ̄u pea, “Ca tii majiḡu peti niijari,” ñiur̄. Ati yepa macãrã, c̄ujare biro ca biirã mena c̄uja ca ameri tii niijata, Ñm̄areco Pac̄u jaarã ca boeror̄u ca niirã amet̄enero tii majima. ⁹To biri m̄ja pea, ati yepa maquẽ apeye menara, m̄ja mena macãrã b̄uar̄garã, c̄ujare tii nemoña. Ati yepa maquẽ apeye ca petiro to birora ca niic̄o niiri wiijerip̄u m̄jare

^c 16.6 3,700 litros. ^d 16.7 Cien bultos, unos 37,000 litros de harina.

ca ñeerã uno cûja ca niipere biro ñirã.

¹⁰”Petoacãrena añuro ca ña nũñjee majigũa, pairoru cãare añuro ña nũñjee majimi. Petoacã cãare ca ña nũñjee majitigũa, paio cãare ña nũñjee majitimi. ¹¹To biri ati yepa maquẽ apeye cuti niirique ca bii ditorije cãare añuro mũa ca ña nũñjee majitijata, çapeye cuti niirique ca nii majuropeerije peera, ñiru peti “Atere ña nũñjeeya” mũjare cũ ñibogajati? ¹²Mũa yee ca niitirije cãare añuro mũa ca ña nũñjee boja majitijata, çñiru pee mũa yee ca niirijere mũjare cũ tiicojobogajati?

¹³”Jĩcũ pade bojari majũ uno peera pũarã wiorãpũre pade cote majitimi. To biro cũ ca biijata, jĩcũre ña tuti, apĩ peere mai, biicãcumi. Ñucã jĩcũ cũ ca dotirijere tii, apĩ cũ ca dotirije peera tiiti, biicãcumi. To biri mũa, Æmũreco Pacũ peere pade nũñjee pacarã ñucã, paio apeye cuti niirũgarã tee pee cãare pade nũñjee, mũa tii majiti —ñiupi.

¹⁴Fariseos wapa tiirica tiirire bũaro ca boorã cãa, ate niipetirijere tũori, boborije ñi bui tutiupa Jesũs're. ¹⁵To biro cũja ca ñiro, Jesũs pea o biro cũjare ñiupi:

—Mũa, bojoca cũja ca ñaro ca bojoca añurãre biro mũa bii dito. Biigũrũa, Æmũreco Pacũ pea mũa yeripũ mũa ca biirijere majimi. Bojoca pea

“Añurije nii,” cũja ca ñirijere, Æmũreco Pacũ peera ñañarije niiro bii —ñiupi.

Doti cũurique, to biri Æmũreco Pacũ cũ ca doti niirije

¹⁶—Doti cũurique, to biri Æmũreco Pacũ yee quetire wede jũgueri maja, Juan menara bii yapano eaupa. Tii tabe mena wãma wãme añurije queti Æmũreco Pacũ cũ ca doti niirije maquẽre wederique nii. Niipetirã toopũre jãa waarũgarã bii niima. ¹⁷Ati yepa, ati æmũreco, ca petipe pea popiye mée ca nii pacaro, doti cũurique pea jĩcã wãme unoacãra ca ñirote biro biitirora yaicoa, biitirucu —ñiupi.

Ameri cõarique maquẽre Jesũs cũ ca wederique
(Mt 19.1-12; Mc 10.1-12)

¹⁸—Jĩcũ cũ nũmore cõacãri, apeo peere cũ ca nũmo cutijata, cũ nũmo ca niitigo menapũ niigũ tiimi. Ñucã ca manũ cõaricore ca nũmo cutigũ cãa, cũ nũmo mena mée niigũ tiimi —ñiupi.

Ca apeye paigũ, to biri Lázaro

¹⁹—Niiupũ jĩcũ ca apeye paigũ, añurije juti jãña, to cãnacã rãmũra ñaricaro añuro boje rãmũri queno, ca tii niirucũgũ. ²⁰Niiupũ ñucã, jĩcũ boo pacoro ca biigũ, Lázaro ca wãme cutigũ, cũ upũ niipetiropũra ca cami boagũ. Ca apeye paigũ yaa wii jope pũtore duwirucupũ. ²¹Cũ pea,

ca apeye paigu, cū ca baa bate ñoorijere baarugarucumiuru. Ñucā yaia menapura cū camire nenirā earucuparā.

²²To biro biirucu, jicā rumu bii yaicoauru Lázaro. Cū ca bii yairo, Umureco Pacu puto macārā pea Abraham puto añuri taberu cū nijato iirā, cūre amicoaurā. Ca apeye paigu cāa bii yaicoauru. Cū ca bii yairo, cūre yaa cōa, tiicāparā. ²³Ca apeye paigu pea bojoca ñañarā cūja ca waari taberure ñañaro bii niigu, ña mēne cojoma iigu, yoropu Abraham're, ñucā Lázaro cāare cū mena ca duwigure iauru.

²⁴To biri cūre iacāgurua, o biro ñi acaro buiuru: “Ñicū Abraham, yure boo paca ñaña nija petopura. Lázaro yu putoru cūre tiicojoya. Cū amo jūa yapa mena oco ñia bia doori, yu ñemerore cū weyogu doojato. Ati pecamerure ñaropura ñañaro peti yu tamocā,” cūre iuru.

²⁵To biro cū ca iiro, Abraham pea o biro cūre boca ñi yuru: “Yu pārami, atere tugoeña. Mua, mu ca cati niiri rumarē añuro peti mu niwu, Lázaro pea ñañaro cū ca biicāro. To biri cū pea mecūra anopure añuro niigu tiimi. Mu pea ñañaro mu tamuo. ²⁶Ñucā pairi ope nii mani watoare. To biri ano ca niirā toopure ca waarugarā do biro bii waa majiti, ñucā too macārā pee cāa anopure do biro bii doo majiti, biicāma,” cūre iuru.

²⁷To biro cū ca iiro, cū pea o biro cūre ñi yuru: “Ñicū Abraham, yu pacu yaa wiuru Lázaro cūre tiicojoya. ²⁸Yu yaarā jicā amo cōro ca niirāre cū wede majiogu waajato, cūja cāa, ati tabe ñañaro tamorica tabe pee cūja ca dootipere biro iigu,” cūre iuru.

²⁹Ñucā Abraham pea o biro cūre ñi yuru: “Mee cūja, Moisés cū ca owariquere, to biri Umureco Pacu yee quetire wede jūgueri majare, cūjare cuoma. Cūjare cūja tuo nunjeejato,” cūre iuru.

³⁰To biro cū ca iiro, ca apeye paigu pea o biro cūre ñi yuru: “Tuo nunjeeticuma, ñicū Abraham. Jicū ca bii yairicuru cati tuari cūjare cū ca wedejata docare, tuo nunjeeri ñañarije cūja ca tiurucijere tii yerijāabocuma,” cūre iuru.

³¹To biro cū ca iiro, Abraham pea o biro cūre iuru ñucā: “Moisés cū ca iirijere tuo nunjeeti, ñucā Umureco Pacu yee quetire wede jūgueri maja cūja ca iirije cāare tuorugati, cūja ca biijata, ca bii yairicu cati tuari cū ca wedejata cāare, tuo nunjeeticuma,” cūre iuru —cūjare ñi wedeupi Jesús.

Ñañarije tiirique ca bii buiyeerije

(Mt 18.6-7, 21-22; Mc 9.42)

17 ¹Cū buerāre o biro iupi Jesús:

—Bojoca ñañaro cūja ca tiiro ca bii buiyeerije, do biro pee ca bii ametua ñucā majiña manirije niiro bii. Aperāre ñañarije cūja ca

tiiro ca tii buiyeegua, ñañaro peti tamuorucumi. ²To biro ca tiigura, cū amūtutute ūtāga jia yoori, dia pairi yaaru cūre cōañua cōacājata añubocu, yure ca tuo nunñjee juo doorāre ñañarijere cūja ca tiiro cū ca tii buiyeerije juori. ³¡To biri, bojoca catiya! Muja yee wedegu ñañarijere cū ca tiijata, cūre tuti bojoca catioya, cū ca tūgoeña wajoajata, ñañarije cū ca tiiriquere acoboya. ⁴Jicā rumure jicā amo peti, ape amore puaga penituario niirije peti ñañaro mure tiicāri, ñucā ñañaro mure cū ca tiirije cōrora mu puto doori, “Ñañaro mure yu ca tiijārijere acoboya, yu tii nemotirucu,” mure cū ca iigu eajata, ñañaro mure cū ca tiiriquere acoboya —iupi.

Díamacū tūgoeña bayirique

⁵Cū buerā pea o biro iupa Jesús're:

—¡Díamacū tuo nūcū buo bayiriquere pai jañuro jāare tiicojaya!^e —cūre iupa.

⁶To biro cūre cūja ca iiro, o biro cūjare iupi Jesús:

—Díamacū muja ca tuo nūcū buorije mostaza apegā cōroacā to ca nii pacaro, atigu sicómogure, “Wēe waari, dia pairi yaaru ea nūcāña,” muja ca iijata, muja ca iirore birora biicābocu —cūjare iupi.

Pade coteri maju cū ca tii niirije

⁷—Jicū muja mena macū, cūre ca pade cotejure ca cūogu,

wejeru ca jee cūu niiricu, ape tabera wecuare ca cote niiricu, cū ca tua earo, ¿“Baagu dooya ména,” cūre muja iū bocati?

⁸Muja iiticu. O biro pee muja iicu: “Yu ca baapere quenoña ména, baa, jini, tii niigu yu ca boorijere jee cojo coterugu, juti wajoagu waari, toora nucū coteya. Jiro, ‘Baa, jini, mu tiirucu mua,’ ” cūre muja iicu. ⁹Ñucā muja ca dotiriquere cū ca tiiricarō jiro to ca niimijata cāare, “Añu majuropeecā,” cūre muja iiticu. ¹⁰Muja cāa to biri wāmera, mujare tii dotiriquere tii yapanorā, o biro ca iiparā muja nii: “Pade coteri maja ca añutirā mani nii. Apeyeru tiiricarō maniro, manire cūja ca tii dotirijeacā wadore mani tii,” ca iiparā muja nii —iupi Jesús.

Ca cami boarāre Jesús cū ca catorique

¹¹Jesús, Jerusalén'pu waa nunua waagu, Galilea yepa, to biri Samaria yepare ametua waaupi. ¹²Jicā macāre cū ca ea waarora, puā amo cōro niirā peti ca cami boa diarique cutirā cūre bocarā doori, yoaropuā tua nūcā, o biro iū acaro bui cojoupa:

¹³—Jesús, Buegu, jāare boo paca iaña —iupa.

¹⁴Jesús pea cūjare iā, o biro cūjare iū cojoupi:

—Paia putoru waari cūjare iñorāja —cūjare iupi. To

^e 17.5 “Buaro jañuri ūmureco Pacure díamacū jāa ca tuo nunñjeero jāare tii nemoña.”

biro cū ca ĩiro, cūja ca waa nɛnɛa waarora, cūja ca cami boa diarique cutimirique yati peticoaupe.

¹⁵Jĩcū cūja mena macū, cami manigurɛ cū ca niirijere ĩari, ðorɛra tɛoricu ʘmureco Pacure baja nɛcū buo tua doo, ¹⁶Jesús puto yeparɛ muu bia cūmu waaupi:

—Añu majuropeecā —Jesús're ĩgu. Cū pea Samaria macū niupi.

¹⁷Jesús pea, o biro ĩupi:

—¿Mūja ca cami boa diarique cutirijere ca ametuene ecojārā, pɛa amo cōro méé mūja niijāri? ¿Jĩcā amo peti, ape amore baparica penituario ca niirā pea, noo cūja niiti? ¹⁸¿Ani judío ca niitigu wado ʘmureco Pacure ĩi nɛcū buogugɛ cū tua doojapari? —ĩupi. ¹⁹To biro ĩicā, cū peera o biro cūre ĩupi:

—Wāmɛ nɛcāri, waagɛja. “Jesús yɛre catiocārucumi,” dǫ́amacū mɛ ca ĩi tɛgoeña bayirique jɛori, mɛ diarique ametuene eco —cūre ĩupi Jesús.

ʘmureco Pacɛ cū ca dotirije,

¿do biro to bii earoti?

(Mt 24.23-28, 36-41)

²⁰Fariseos “¿ʘmureco Pacɛ cū ca doti niirije no cōropɛ to earoti?” Jesús're ĩi jāiñaua. To biro cūja ca ĩiro cū pea o biro cūjare ĩi yɛupi:

—ʘmureco Pacɛ cū ca dotirijea bau niiro ca eape ɛno méé niiro bii. ²¹“Ano nii.” “Ōo pee nii,” ĩiña manirucu. Mee,

ʘmureco Pacɛ cū ca dotirijea, mūja watoara nii yerijāa —cūjare ĩupi.

²²To biro ĩicā, cū buerā peere o biro ĩupi Jesús:

—Earucu jĩcā cuu, yɛ, Ca Nii Majuropeegɛ Macū, yɛ ca doori rɛmure mūja ca ĩarugamirije. Bii pacarā, mūja ĩatirucu. ²³Jĩcārā o biro mūjare ĩirucuma: “Ani niimi,” “ĩi pee niimi,” ĩirucuma. To biro cūja ca ĩi pacaro, waa, cūjare tɛo nɛnɛjee, tiiticāña.

²⁴ʘmureco quejeropɛre, jĩcā nɛña buro cū ca yabe cojorijera ape nɛñarɛ cāare ca boe āpōtīocā cojorore birora biirucu yɛ, Ca Nii Majuropeegɛ Macū, yɛ ca tua doori rɛmure. ²⁵Ména to biro yɛ ca biiparo jɛguero, buaropɛra ñañaro tamɛo, ati cuu macārāre ĩa juna eco, yɛ biirucu.

²⁶”Noé cū ca niiri cuurɛre ca biiquĩricarore birora biirucu, yɛ, Ca Nii Majuropeegɛ Macū yɛ ca tua doori rɛmɛ cāare. ²⁷Baa, jini, amo jia, cūja puna romiare nomi cūu, tii niupa. Cūmuarɛ Noé cū ca ea jāa waari rɛmɛrɛ to biro tii yerijāaua. To biro ca tii niirāre ca duurije doo, cūjare duu yaio bate peoticāquĩupa.

²⁸”To birora biupa Lot cū ca niiri cuu cāare. Baa, jini, apeye wapa tii, cūja ca cɛorijere noni wapa taa, otere ote, wiijeri bua, tii niiquĩupa. ²⁹Sodoma ca niiricu, Lot cū ca witiri rɛmura, ʘmureco tutipɛ maquē ca ɛñrije, azufre cūja ca ĩirije, oco pearore biro cūjare ñaapea, tii jāa bate peoticāquĩupa niipetirāpɛrena.

³⁰To birora biirucu, yu, Ca Nii Majuropeegu Macã yu ca doori rumure. ³¹Tii rumure wii jotoaru ca niigu, cã yee apeye wii jupearu cã ca cuorijere cã jeegu duwi waaticãjato. Nũcã wejeru ca niigu cã, cã yaa wii pee cã tua waaticãjato. ³²Lot numo ñaño cõ ca biiriquere tũgoeñaña. ³³Cã ca catirijere ñaño yu tii yaiore ca iigu, cã ca cati niirijere díamacãra tii yaio nucõcãrucumi. Cã ca catirijere ca maitigua, cã ca caticõa niipere buarucumi. ³⁴Tii ñamire, pũgu jicãgurena ruarã ca cãni yojarã, jicã ami waa eco, apĩra toora cũu, tii ecorucuma. ³⁵Ruarã nomia ca wãña niirã, jicõ ami waa eco, apeora toora cũu, tii ecorucuma. ³⁶Umua



Ruarã nomia ca wãña niirã, jicõ ami waa eco, apeo pea ami waa ecoti biirucuma. Lc 17.35

ruarã wejeru ca niirã, jicã ami waa eco, apĩ toora cũu, tii ecorucuma —cũjare ñi wedeupi Jesús.

³⁷To biro cã ca ñiro, cãja pea o biro cãre ñi jãñaupa:

—¿Wioyu, tea nooru to biiroti? —ñiupa.

Cã pea o biro cãjare ñi yũupi:
—Ca bii yairicu cã ca niiri tabere wuu nea poorucuma yucãá —cũjare ñiupi.

Ca manũ dia weo ecorico
cõ ca ñi bayirique

18 ¹Jicã wãme ñi cõñari wedeupi Jesús, jutiricaro maniro, to birora cãja ca juu buecõa niipere wede majioru. ²O biro ñiupi:

—Jicã macãpũre niupu jicã, bojoca cãja ca tii niirijere ca jãña bejegu, Umureco Pacura nucã buoti, bojoca cãare ña nucã buoti ca biigu. ³Nucã tii macãrena niupo jicõ, ca manũ bii yai weo ecorico, bojoca cãja ca tii niirijere ca jãña bejegu ruoru waari, “Yure ca ña tutigu, ñaño cõre tiiticãña,” cãre ñña, cãre ca ñi niigo. ⁴Jicã cuu, yoaro cõre tii nemorugatiupu. To biro biiñami, o biro ñi tũgoeñaupa: “Umureco Pacura nucã buoti, bojoca cãare ña nucã buoti, ⁵ca biigu yu ca nii pacaro, atio, ca manũ bii yai weo ecorico pea, yure pato wãcõ yerijãtimo. Cõre yu tii nemocãgũda. To cãnacã tiira doori, aũuro yu ca niicãboro yure pato wãcõ niibocumo,” ñiupu —ñi wedeupi Jesús.

⁶To biro ñicã, o biro ñi nemoupi ñucã Jesús:

—O biirije ñiupi jãña bejeri maju, ca aũtigu. ⁷“¿To docare Umureco Pacu pea cã yaarã, cã ca beje jeericarã, ñamiri,

ɯmɯrecori cūre cūja ca jāijata, cūjare cū tii nemotigajati? ¿Yoaro cūja ca yue mani waaro cū tiigajati? ⁸Yoari méera cūjare tii nemorucumi,” mɯjare yɯ ɯi. ¿To docare yɯ, Ca Nii Majuropeegu Macū yɯ ca tua doori rɯmɯre, ména ati yeparɯre díamacū tɯo nɯcū bɯorique to niicāroti? —iɯupi cū buerāre.

Fariseo, to biri wapa jeeri majɯ menare cū ca ɯi cōoñarique

⁹Jicārā cūja majuropeera, “Añurā jāa nii” ɯi tɯgoeñari, aperāre ca ɯa junarāre ɯima ɯigu, ati wāme ɯi cōoñari cūjare wedeupi Jesús:

¹⁰—Pɯarā ɯmɯa, ɯmɯreco Pacɯ yaa wiipɯre juu buerā waauparā. Jicū fariseo, apɯi pea Roma maquēre wapa jee bojari maja mena macū niuparā.

¹¹Fariseo pea o biro ɯi juu bue nucūpɯ: “ ɯmɯreco Pacɯ, añu majuropeecā,’ mɯre yɯ ɯi. Yɯa, aperā, ca jee duti pairā, ca tii dito pairā, ca tii epericarā cuti pairā, ñucā ani wapa jee bojari majɯre biro, yɯ biiti. ¹²Yɯa, jicā semanare pɯati wado betiri yɯ juu bue, yɯ ca wapa taarije cōrora pɯa amo coro ca niirijere jicā tabe mɯre yɯ tiicojorucu,” ɯi juu bueupɯ. ¹³Roma maquēre wapa jee bojari majɯ pea, yoaropɯra tua nɯcā, ɯmɯreco peere ɯa mɯeneri méé, cū cotiare paagɯra, o biro ɯi juu bueupɯ: “ɯmɯreco Pacɯ, yɯre boo paca ɯaña. Yɯa, ñañarije ca tiigu yɯ nii,” ɯiupɯ.

¹⁴”To biri wapa jee bojari majɯ pea, ñañarije manigɯpɯ cū yaa wiire tua waaupɯ. Fariseo pea biitiupɯ. To biri cū majuropeera, “Ca nii majuropeegu yɯ nii,” ca ɯigu, watoa macū tuarucumi. “Watoa macū yɯ nii,” ca ɯigu peera, ca nii majuropeegu cū ca niiro cūre tiirucumi ɯmɯreco Pacɯ —iɯupi.

Wimarāre Jesús cū ca juu bue peorique

(Mt 19.13-15; Mc 10.13-16)

¹⁵Ñucā wimarāre Jesús pɯto jee waaupa, cūjare cū padeñajato ɯirā. To biro cūja ca tiiro ɯarā, cū buerā pea wimarāre ca jee doorāre boca tuti camotaupa. ¹⁶To biro cūja ca ɯiro, Jesús pea wimarāre jɯo cojo, o biro ɯiupi:

—Wimarāre yɯ pɯto pee cūjare tiicojoya. Cūjare camotaaticāña. ɯmɯreco Pacɯ cū ca doti niiri tabea, cūjare biro ca niirā cūja ca niipa tabe nii. ¹⁷Yee méé mɯjare yɯ ɯi. Wimagɯre biro ɯmɯreco Pacɯ cū ca dotirijere ca tɯo nɯnɯjeetigua, toopɯre ea waatirucumi —cūjare ɯiupi.

Ca apeye paigu Jesús mena cū ca wede penirique

(Mt 19.16-30; Mc 10.17-31)

¹⁸Jicū judíos're ca jɯo niirā mena macū, o biro ɯi jāiñaupi Jesús're:

—Bueɯ añugɯ, ¿ñee yɯ tiigajati, caticōa niiriquere bɯarugɯ? —cūre ɯiupi.

¹⁹To biro cū ca ĩiro, Jesús pea o biro cūre ĩi yũũupi:

—Ĵĩnee tiigu “Añugũ,” yũre mũ ĩiti? Ĵĩcũ ũno peera ca añugũ manimi; ca añugũa ĵĩcũra niimi, Ƴmũreco Pacũ wado.

²⁰Mee, Ƴmũreco Pacũ cū ca doti cūuriquere mũ maji: Nũmo cuti, manũ cuti, bii pacarã tii epericarã cutiticãña. Ĵĩaticãña. Jee dutiticãña. Ĵĩcũ peerena watoara ĩi dito buiyeeticãña. Mũ pacure, mũ pacore nũcũ bũoya^f —cūre ĩiupi.

²¹To biro cū ca ĩiro, cū pea o biro cūre ĩiupi:

—Mee, wãmunũ niigũpũra tee niipetirijepũrena tee ca ĩirore biro yũ tii peticãwũ —cūre ĩiupi.

²²To biro cū ca ĩiro tuo, o biro cūre ĩi yũũupi Jesús:

—Ĵĩcã wãme mũre dũjacã ména. Mũ ca ũorijere noni peoticã, tee wapa mũ ca jeerijere ca boo pacarãre cũjare tiicojaya. To biro tiigu, Ƴmũreco tutipũre paio mũ apeye cũtirucu. To biro tii yapano, yũ mena dooya —cūre ĩiupi.

²³Cũ pea ca apeye paigu niiri to biro Jesús cū ca ĩirijere tũogũ, bũaro tũgoẽnarique paiupi.

²⁴To biro cū ca biiro ĩa, o biro ĩiupi Jesús:

—Ĵĩno cõro peti ca bii majiña manirije to niicãti, ca apeye pairã Ƴmũreco Pacũ cū ca doti niiri tabepũre cũja ca ea waape!

²⁵Popiye méé niicã, ĵĩcũ camello aĩjpõa potaga opeacãre cū ca

ame witi waaro, ĵĩcũ ca apeye paigu pea Ƴmũreco Pacũ cū ca doti niiri tabepũre, do biro cū ca bii ea waatirije to ca nii pacaro —ĩiupi.

²⁶To biro cū ca ĩirijere ca tũorã pea, o biro cūre ĩi ĵãĩñaupa:

—Ĵĩto docare ĩiru pee cū ametũaguti? —ĩiupa.

²⁷To biro cũja ca ĩiro, Jesús pea o biro cũjare ĩi yũũupi:

—Bojocara do biro ca bii majiña manirije cãa, Ƴmũreco Pacũ peera popiye méé niicã —cũjare ĩiupi.

²⁸To biro cū ca ĩiro, Pedro pea o biro ĩiupi Jesús're:

—Wiogu, ĵãa, ĵãa yee niipetirije cũu peticã, mũre ĵãa nũnũ doowũ —cūre ĩiupi.

²⁹⁻³⁰Jesús pea o biro cūre ĩi yũũupi:

—Yee méé mũjare yũ ĩi. No ca boogu, Ƴmũreco Pacũ cū ca doti niirije peere tii nũnũjeerũgu, cū yaa wii, cū nũmo, cū yaarã, cū pacũa, cū punaare, cū ca waa weojata, atĩ yepare cati niigũra, cū ca waa weorique ametũenero tiicojo ecorucumi. Nũcã cū ca bii yairo ĵiropũra, to birora caticõa niiriquere tiicojo ecorucumi —ĩiupi.

Cũ ca bii yaipere itiati Jesús cū ca wede tũja waarique
(Mt 20.17-19; Mc 10.32-34)

³¹Jesús, cū buerã pũa amo peti, dũpore pũaga penituario ca niirã wadore ĵũo cojori, o biro cũjare ĩiupi:

^f 18.20 Ex 20.12-16; Dt 5.16-20.

—Mecãra Jerusalén'pũ mani waa, Æmureco Pacu yee quetire wede jũgueri maja, yũ, Ca Nii Majuropeegu Macũ yũ ca biipere cũja ca owarique ca ïirore biro ca biipa tabepũre. ³²Toopũ apero macãrãpũre yũre noni cõarucuma. Cũja pea yũre bui epe, yũre acaro bui tuti, yũre ɸjeco eo tuu, tiirucuma. ³³To biro tiicã, yũre bape yapanori jiro, yũre jãa cõa, tiicãrucuma. To biro cũja ca tiicãmijata cãare, itia rãmũ jiro yũ cati tuacoarucu ñucã —cũjare ïiupi.

³⁴Cũja pea ate to biro cũ ca ïirijere tũo majitiupa. Ñucã, “To biro ïirũgũ ïigajami,” ïi majiticãupa, do biro tii ca tũo majiña manirije ca niiro macã.

**Jericó macãre ca ïatigure
Jesús cũ ca catiorique**
(Mt 20.29-34; Mc 10.46-52)

³⁵Jesús, Jericó macãre ea nũnũa waagũ cũ ca biro, jĩcũ, ca ïatigũ, maa pũtore wapa tiirica tiiri ca jãi duwigũ, ³⁶paũ bojoca cũja ca ametũa waarijere tũori:

—¿Do biro to biiti? —ïi jãiñaupi.

³⁷To biro cũ ca ïiro:

—¡Jesús, Nazaret macũ ametũa waagũ biimi! —cũre ïi wedeupa.

³⁸Teere tũocãgũpũa, o biro ïi acaro buiupi:

—¡Jesús, David Pãrami, yũre boo paca ïaña! —ïiupi.

³⁹Cũ jũguero ca waa nũnũa waarã pea, cũ yerijãa waajato

ïirã, cũre tutimiupa. To biro cũja ca ïi pacaro, cũ pea bũaro jañuro:

—¡Jesús, David Pãrami, yũre boo paca ïaña! —ïi acaro buiupi.

⁴⁰Jesús pea, to biro cũ ca ïiro tũo, tua nũcãri, “Cũre ami dooya,” ïiupi. Ca ïatigũ cũ pũto cũ ca earo, o biro cũre ïi jãiñaupi Jesús:

⁴¹—¿Ñee uno mũre yũ ca tiiro mũ booti? —ïiupi.

To biro cũ ca ïiro, ca ïatigũ pea o biro cũre ïi yũũupi:

—Wiogũ, yũ cape ca ïaro yũ boo —cũre ïiupi Jesús're.

⁴²To biro cũ ca ïiro, Jesús pea o biro cũre ïiupi:

—¡Ñaña! “Jesús yũre catiocãrucumi,” díamacũ mũ ca ïi tũgoeña bayirije jũori mũ ametũene eco —cũre ïiupi.

⁴³To biro cũ ca ïirije menara, ca ïatimiricũ añuro ïacoari, Æmureco Pacũre ïi nũcũ bũo baja peo nũnũa waaupi Jesús mena waagũ. Bojoca niipetirã atere ca ïarã cãa, Æmureco Pacũre ïi nũcũ bũoupa.

Jesús to biri Zaqueo

19 ¹Jesús Jericóre ea, tii macãre tẽo taa nũnũa waaupi. ²Tii macãre niupi jĩcũ ca apeye paigũ Zaqueo ca wãme cutigũ, Roma maquẽre wapa jee bojari maja wiogũ. ³Cũ, Jesús're ïarũgamiupi. Ca emũatigũacã niima ïigũ, bojoca paũ cũja ca niiro macã, do biro tii ïa eyotiupi. ⁴To biri cũja jũguero ũmaa waa, Jesús're



Jesús're ĩarũgn, usũgnũrn mña waauri Zaqueo. Lc 19.4

ĩarũgn, cũ ca ametña waara tabe pũto ca niĩricũ usũgnũrn⁸ mñasoauri.

⁵Jesús tii tabere ametña waagn, emñaoro pee ĩa mñene, Zaqueore ĩari, o biro cũre ĩupi:

—Zaqueo, yoari méé duwi dooya. Mecũra mñ yaa wiira yũ earucu —cũre ĩupi Jesús.

⁶To biro cũ ca ĩiro Zaqueo pea yoari méé duwi doo, ƚjea niĩrique mena cũ yaa wiipũ jũosoauri Jesús're. ⁷Teere ĩarã, niĩpetirã:

—Ñañarije ca tiigũ yaa wiipũ cãniğũ waami —ĩi wede paiupa.

⁸Jiro Zaqueo cũ yaa wiipũ niigũ, wãmũ nũcã, o biro ĩupi Jesús're:

—Wiogũ, yũ ca cũorije niĩpetirore, ca boo pacarãre decomacã yũ tiicojorucu. Jĩcãrãre yũ ca jee dutijata, bapari niĩrije cũjare yũ tuene nemorucu —ĩupi.

⁹Jesús pea o biro cũre ĩupi:

—Mecũ ati wii macãrãre cũja ca ametñarije ea. Ani cãa, Abraham pãramira niimi. ¹⁰Yũ, Ca Nii Majuropegũ Macãa, ca yairicarãre ama, cũjare ametñene, tiigũ doogũ yũ doowũ —ĩupi.

⁸ 19.4 Sicómorogũ.

**Wapa tiirica tiiri
mena ñi cõõñarique**
(Mt 25.14-30)

¹¹Bojoca to biro cã ca ñirijere cãja ca tão niiro macã, Jesús pea jĩcã wãme ñi cõõñari, cãjare wedeupi. Mee, Jerusalén pũtoacã niipua. To biri bojoca pea, “Mee Ëmũreco Pacu cã ca dotipa cuu ea waaro biicu,” ñi tũgoeñaupa. ¹²To biri o biro cãjare ñiupi Jesús:

—Niipũ jĩcã, ca nii majuropeegũ ca niigũ, ca yoaropũ ape yeparũ ca waaricũ, toorpũ wiogũ jõene eco yapanori jiro ca tua doorpũ. ¹³Cã ca waaparo jũguero, cãre ca pade coterãre, pũa amo cõro niirã jũo cojo, cãja cõrorena wapa tiirica tiirire paio cãjare tiicojo, o biro cãjare ñiupũ: “Ate, wapa tiirica tiiri mena apeye wapa tiiri, noni wapa taa niĩña, yũ ca tua earopũ,” cãjare ñiupũ.

¹⁴Cã yaa yepa macãrã pea cãre ña tuti jañuuparã. To biri cã jiro, cãja mena macãrã jĩcãrãre tiicojoupãrã: “Ani, jãa wiogũ cã ca niiro jãa booti,” ca ñiparãre.

¹⁵”To biro cãja ca ñirije ca nii pacaro, wiogũ jõene eco yapano, cã yaa yeparũ tuacoapũ ñucã. Tua ea, cãre ca pade coterãre wapa tiirica tiiri cã ca tiicojoricarãre jũo doti cojoupũ, cãja ca niiro cõro cãja ca wapa taa nemorique majirũgũ. ¹⁶Ca ea jũogũ, o biro cãre ñiupũ: “Wiogũ, mũ yee wapa tiirica tiirire pũa amo cõro niirije

yũ wapa taa nemojãwũ,” cãre ñiupũ. ¹⁷To biro cã ca ñiro: “Añu majuropeecã. Paderi majũ añugũ mũ nii. Mee, petoacã cãare añuro ca ña nũñjeee majiricũ mũ ca niiro macã, pũa amo cõro niiri macãrere ca dotipũ mũre yũ cũu,” cãre ñiupũ cã wiogũ.

¹⁸”Cã jiro apĩ eapũ ñucã. “Wiogũ, mũ yee wapa tiirica tiirire, jĩcã amo cõro niirije yũ wapa taa nemojãwũ,” cãre ñiupũ. ¹⁹To biro cã ca ñiro, cã cãare o biro cãre ñiupũ: “Jĩcã amo cõro niiri macãrere ca dotipũ mũre yũ cũu,” cãre ñiupũ.

²⁰”Cã jiro apĩ o biro ñi eapũ: “Wiogũ, ate nii, mũ wapa tiirica tiiri. Jutiro quejero mena ñmaari, yũ queno cũu cão niirucujãwũ. ²¹Mũre yũ uwi jañuwũ. Mũa do biro ca tiiya manigũ, mũ ca cũutirica taberena ca jeegũ, mũ ca otetirica taberena ote dicare jee, ca tiigũ mũ nii,” cãre ñiupũ. ²²To biro cã ca ñiro, wiogũ pea o biro cãre ñi yũũupũ: “Paderi majũ ca añutigũ, mũ majuropeera mũ ca ñirije menara, ñañarije mũ ca tiirique cãtirijere yũ ña bejerucu. Do biro ca tiiya manigũ, yũ ca cũutirica taberena ca jeegũ, yũ ca otetirica taberena ote dicare ca jeegũ, yũ ca niirijere maji pacagũ, ²³jũnee tiigũ yũ yee wapa tiirica tiirire, wapa tiirica tiiri queno cũurica wiipũ mũ cũutiri, yũ ca tua earo, tee ca wapa taa nemorique mena yũre tuenerũgũ?” cãre ñiupũ. ²⁴To biro cãre ñi, too ca niirãre o biro

cũjare ïiurũ: “Anire, wapa tiirica tiirire ěmari, pũa amo cõro niirije ca wapa taa nemoricu peere cũre tiicojoya,” cũjare ïiurũ.

²⁵To biro cũ ca ïiro, cũja pea o biro cũre ïiuparã: “Wiogũ, mee cũa pũa amo cõro niirijerũ cũomi doca,” ïiuparã. ²⁶To biro cũja ca ïiro, wiogũ pea o biro ïi yũũurũ: “Ca cũogũa, pai jaũuro tiicojo nemo ecorucumi. Ca cũotigũ pea, petoacã cũ ca cũorije menarũra, ěma ecocoarucumi. ²⁷Yũre ca ïa junaã, cũja wiogũ yũ ca niiro ca bootircarã peera, ano pee cũjare jee doori, yũ ca ïa cojoro cũjare jĩa batecãña,” ïiurũ —ïi wedeupĩ Jesús bojocare.

**Jerusalén're Jesús
cũ ca jãa waarique**

(Mt 21.1-11; Mc 11.1-11; Jn 12.12-19)

²⁸Atere ïi yapano, Jerusalén'pũ waagũ, waacã nũnũa waaupĩ ñucã Jesús. ²⁹Macãñcũ Olivos ca wãme cũtiri buuro pũto ca niiri macãri Betfagé, Betania, macãri pũto ea waagũ, cũ buerã pũarãre tiicojori, ³⁰o biro cũjare ïi cojoui:

—Ano díamacũ ca niiri macãpũ waarãja. Tii macãre earã, jĩcũ burro jĩcũ peera cũja ca peja ñaatigũ cũja ca jia tuu nũcõricũre mũja buarucu. Cũre popiori, ano pee mũja ami doowa. ³¹Jĩcãrã, “¿Ñee tiirã cũre mũja popiote?” mũjare cũja ca ïi

jãĩñajata, “Wiogũ cũre boomi,” cũjare mũja ïiwa —cũjare ïi cojoui Jesús.

³²Cũ buerã pea waa, cũjare cũ ca ïiricarore birora bua eaupa.

³³Burrore cũja ca popio niiro, cũ uparã pea:

—¿Ñee tiirã cũre mũja popiote? —cũjare ïi jãĩñaupa.

³⁴To biro cũja ca ïiro:

—Wiogũ cũre boomi —cũjare ïiupa cũja pea. ³⁵Jesús pũto cũre ami ea, jotoa cũja ca jãñarije jutire burro jotoa peori, cũre ami peoupa.

³⁶Jesús cũ ca waa nũnũa waaro cõrora, bojoca pea cũja juti, jotoa cũja ca jãñarijere maare cũu jũgue nũnũa waaupa. ³⁷Macãñcũ Olivos Buuro ca nii bua waari tabere cũ ca ea waarora, niipetirã cũre ca nũnũrã buaro mũea nii acaro bui, Æmũreco Pacũre baja peo jũo waaupa, niipetirije ca ïa ñaãña manirije cũ ca tii bau nii ïñoriquere ca ïaricarã niiri. ³⁸O biro ïiupa:


—Aũuro ca biigũ niimi,
Wiogũ, Æmũreco Pacũ wãme mena ca doogũ.

Æmũreco tutipũre jĩcãri cõro niirique to nijato. Cũ ca aũu majuropeerije niipetiropũ to nijato^h —ïiupa.

³⁹To biro cũja ca ïiro, jĩcãrã fariseos, bojoca watoare ca niirã, o biro ïiupa Jesús're:

—Buegũ, mũre ca nũnũrãre, to cõrora cũjare yerijãa dotiya —cũre ïiupa.

^h 19.38 Sal 118.26; 148.1.



Jerusalén macãre ĩari otiupi Jesús. Lc 19.41

⁴⁰To biro cūja ca ĩiro, Jesús
pea o biro cūjare ĩi yũũupi:

—Anija cūja ca yerijãajata,
ũtãgaarira acaró buirucu
—cūjare ĩiupi.

⁴¹Jerusalén macãre ea
waagũra, tii macãre ĩari, o biro
ĩi otiupi Jesús:

⁴²—ĩMũ cãare, ati gũmũ,
aũuro mũ ca niipere ca jee doori
gũmũ petira ca ĩa majicãpe
niimi! Mecũra, teere mũ ca ĩa
majiborique yaigorũ mũre
niicã. ⁴³Doorucu ñãñaro mũ
ca biĩra gũmũri, mũ waparã,
mũ wejare camota ñucã eari,
niipetiri taberipũ noo pee duti
waa majiña maniro cūja ca jĩa
jãa doora gũmũri. ⁴⁴Díamacũra
mũre tii yaioçã, mũ bojocara jĩa
peoticã, ñucã ũtãga arega jotoa
pejaricaró maniroũ tii yaioçã,

tiirucuma. Mũa, ũmũreco Pacũ
mũre cũ ca ametũenegũ doori
tabere mũ ĩa majiti —ĩi otiupi.

**ũmũreco Pacũ yaa wiire ñãñarije
ca niirijere Jesús cũ ca cõarique**

(Mt 21.12-17; Mc 11.15-19;

Jn 2.13-22)

⁴⁵Jiro Jesús ũmũreco Pacũ
yaa wiipũ jãa waari, toorũ ca
noni wapa taa niirãre cūjare cõa
wiene jũo waaupi. ⁴⁶O biro ĩiupi:

—O biro ĩi owarique nii:
“Yũ yaa wii, juu buerica wii
niirucu,” ĩi,ⁱ mũja pea tii wiire,
jee dutiri maja cūja ca niiri ope
mũja jeeñocãjara^j —cūjare ĩiupi
Jesús.

⁴⁷To cãnacã gũmũra Jesús
ũmũreco Pacũ yaa wiipũ
bojocare buerucuupi. Paia
waparã, doti cũuriquere ca jũo

ⁱ 19.46a Is 56.7. ^j 19.46b Jer 7.11.

buerã, to biri bojocare ca j̄uo niirã pea, “¿Do biro pee tiiri c̄ure ca j̄ia c̄õape to niimiti?” ïi ama niipua. ⁴⁸Биірãр̄на, c̄ure c̄uja ca j̄iapa wãmere b̄ua majitiupa, bojoca niipetirã c̄u ca wederijere c̄uja ca t̄uo niiro macã.

Jesús c̄u ca doti majirije
(Mt 21.23-27; Mc 11.27-33)

20 ¹Jicã r̄um̄ Jesús, Æm̄areco Pac̄u yaa wiip̄a bojocare bue, añurije quetire wede, c̄u ca tii niiro, paia ÷parã, doti c̄uriquere ca j̄uo buerã, bojocare ca j̄uo niirã mena eari, o biro c̄ure ïi j̄aiñaupa:

²—Jãare wedeya: ¿Ñee doti majirique c̄uocãri, to biro m̄u tii niiti? ¿Tee doti majiriquere ñiru m̄re c̄u tiicojojãri? —c̄ure ïiupa.

³To biro c̄ure c̄uja ca ïiro, Jesús pee cãa o biro c̄ujare ïi ȳñuri:

—Ȳ cãa, jicã wãme m̄jare ȳ j̄aiñarucu. M̄ja cãa ȳre ȳñya. ⁴¿Ñiru Juan're, c̄u uwo coe doti cojoup̄ari? ¿Æm̄areco Pac̄u, bojoca pee c̄ure c̄uja doti cojoup̄ari? —ïupi.

⁵To biro c̄u ca ïiro c̄uja pea, c̄uja majurope o biro ameri ïiupa:

—“Æm̄areco Pac̄u c̄ure doti cojoup̄i,” mani ca ïi ȳñjata, “¿Ñee tiirã c̄u ca wederijere díamac̄u m̄ja t̄uo ñññjeetiri?” manire ïirucumi. ⁶Ñucã, “Bojoca c̄ure doti cojupa,” mani ca

ïijata, bojoca ÷tã mena manire dee j̄ia c̄õac̄arucuma. Mee niipetirã, “Æm̄areco Pac̄u c̄u ca doti cojoric̄u niwi Juan,” ca ïirã wado niima —ïiupa. ⁷To biri o biro c̄ure ïi ȳñupa Jesús're:

—Baa. Jãa majiti. Ñiru c̄ure doti cojojacupi doca —ïiupa.

⁸To biro c̄uja ca ïiro, Jesús pea:

—To docare ȳ cãa, “Tee doti majirique mena to biro ȳ tii,” m̄jare ȳ ïiticu —c̄ujare ïi ȳñuri Jesús.

Paderi maja ñañarãre ïi c̄õõari
c̄u ca wederique

(Mt 21.33-44; Mc 12.1-11)

⁹Jiro bojocare ati wãme ïi c̄õõari c̄ujare wedeupi Jesús:

—Jic̄u, jicã weje, ÷je weje ote, paderi majare pade doti c̄u, yoaro bii yujuḡu waaḡu, waacoaur̄u. ¹⁰Ëje ca dica c̄utiri cuu ca earo, jic̄u c̄ure pade coteri majare, paderi maja p̄utor̄u c̄ure tiicojoup̄u c̄u yee ca niirijere c̄uja dica woo cojojato ïiḡu. C̄u ca earo, paderi maja pea c̄ure paa, ñee jãa maniḡu c̄ure tii ãc̄u tuenecã cojoup̄arã. ¹¹Jiro tii weje ur̄u ap̄ire tiicojom̄iur̄u ñucã. C̄u cãare c̄ure paa, ñañaro c̄ure ïi tuti, ñee jãa maniḡu c̄ure tii ãc̄u tuenecã cojoup̄arã. ¹²Ap̄ire tiicojo nemom̄iur̄u ñucã. C̄u cãare to birora, c̄ure cami tuu, tii weje t̄ujarop̄u c̄ure tii ãc̄u wooenecã cojoup̄arã.

¹³”To biro tii ñami waaḡu, ÷je weje ur̄u o biro ïi t̄ugoeñaup̄u: “¿Do biro ȳ tiiguti? Jañ.

Yɛ macũ, yɛ ca maigũre,
yɛ tiicojorucu. Ape tabera
cũre nucũ buocãbocuma,” ïi
tũgoeñaurɛ. To biro ïi, cũre
tiicojourɛ.

¹⁴”Paderi maja pea cũre
ĩacãrãrɛa, o biro ameri ïiuparã:
“Ani niimi, ati wejere ca cɔo
nɛnɛjeerɛ, cũre mani jãa
cõacãco, ati weje mani yaa weje
ca tuapere biro ïirã,” ïiuparã.

¹⁵To biri ɛje weje tujarorɛ
cũre ami witi waa, cũre jãa
cõacãuparã.

”¿Mɛja, ɛje weje ɛrɛ do
biro cũjare tiirucumi,” mɛja ïi
tũgoeñati? ¹⁶Cũ majuropeera
waa, paderi majare jãa bate,
aperã peere tii wejere cũjare
tiicojorucumi —ïiupi.

To biro cã ca ïirijere tuorã,
bojoca pea o biro ïiupa:

—Biiticu tea^k —ïiupa.

¹⁷To biro cũja ca ïiro, Jesús
pea cũjare ïari, o biro ïiupi:

—To docare ¿do biro ïirũgaro
to ïiti, Ɛmũreco Pacɛ wederique:

“Wii buari maja ɛtãga cũja ca
beje cõamiricagara

ca nii majuropeerica tua,”^l ca
ïirijea?

¹⁸Tiiga ɛtãga jotoare ca ñaapearã
cõrora, doca jude batecã yai
waarucuma. Ñucã tiiga pee no ca
boogũre to ca ñaapeajata, doca
abo yaiocãrucu —ïiupi.

¹⁹Paia ɛparã, doti cũuriquere
ca jɔo buerã pea, ïi cõoñari cũ
ca wederijere, “Manirena ïigɛ
ïimi,” ïi tɔo majiri, jĩcãtora

cũre ñeerũgamiupa. Bii pacarã,
bojocare uwi jañuupa.

**Wiogɛ César're wapa tiirique
maquẽre cũja ca jãĩñarique**
(Mt 22.15-22; Mc 12.13-17)

²⁰To biri jĩcãrã ca bojoca
añurãre biro bii ditori, Jesús jĩcã
wãme cũ ca ïi maa wijiaro cũja
tijato ïirã, ca ïa duti coterãre
tiicojoupa: “No ca booro cũ
ca ïijata, wiogɛrɛre mani
wedejãajaco,” ïirã.

²¹To biri cũja pea o biro cũre ïi
jãĩñaupa:

—Buegɛ, mɛ ca ïirijere, mɛ
ca buerijere, ca niirere biro
díamacũra mɛ ca ïirijere jãa
maji. Bojocare mɛ ïa dica wooti.
Ɛmũreco Pacɛ cũ ca boorore
biro niiriquere díamacũ mɛ
wede. ²²To biri: ¿Roma macũ
wiogɛre niirique wapa, jãa ca
wapa tiirije to añucãti? ¿To
añutitiqué? —ïiupa.

²³Jesús pea, ñañari wãme
tũgoeñacãri cũja ca ïirijere
majiri, o biro cũjare ïiupi:

²⁴—Jĩcã tii, wapa tiirica tii
yũre ïñoña. ¿Ati tiipũre owa
tuurique ñiru wãme, ñiru
díamacũ to niiti? —ïi jãĩñaupi.

To biro cũ ca ïiro, cũja pea:
—Wiogɛ César yee nii —ïi
yũũupa.

²⁵To biri Jesús pea:

—To docare wiogɛ yee ca
niirijere, wiogɛre tiicojoya.
Ɛmũreco Pacɛ yee ca niirijere
Ɛmũreco Pacɛre tiicojoya

^k 20.16 ¿To biirije peti ca biiro cũ tiiticãjato Ɛmũreco Pacɛ! ^l 20.17 Sal 118.22.

—cũjare ñi yũũupi. ²⁶Jĩcã wãme peerena bojoca cũja ca tũo cojoro cũ ca ñirijere, cũre cũja ca wedejãara wãmere bũatiupa. To biri cũ ca yũũ majirijere tũo mũcũacoa, do biro pee ñi majiti, wedeticã mũcã waauapa.

**Cati tuarique maquẽre
cũja ca jãĩñarique**
(Mt 22.23-33; Mc 12.18-27)

²⁷Jiro, jĩcãrã saduceos, Jesús're ñarã waauapa. Saduceos, “Ca bii yairicarãpũa pũati cati tuatima,” ca ñirã niima. To biri o biro cũre ñi eaupa:

²⁸—Buegũ, Moisés o biro manire ñi owa cũuquĩupi: “Jĩcũ mũmo cũi, puna manigũra cũ ca bii yaijata, cũ yee wedegũ mũmo ca niiricore mũmo cũi, cũ yee wedegũ ca bii yairicũre, cũ puna cũi wajoa bojajato,”^m ñi owaupi. ²⁹To biri yua, jĩcãti niupa jĩcã amo peti, ape amore pũaga penituario niirã jĩcũ puna. Ca niĩ jũogũ mũmo cũi, puna manigũra bii yaicoaupi. ³⁰Jiro macũ, ³¹ñucã jiro macũ cãa, cõrena mũmo cũi, puna manirãra bii yaicoauapa. Cũja jĩcã amo peti, ape amore pũaga penituario ca niirãpũra, cõ wadorenã mũmo cũiñami, puna manirã wado bii yai peticoauapa. ³²Cũja jiro cõ cãa bii yaicoaupi. ³³To docare yua, cati tuarica tabepũra, cũja, jĩcã amo peti, ape amore pũaga penituario ca niirã mũmo ca niirico, ñni mũmo

pee cõ niigoti yua? —ñi jãĩñauapa Jesús're.

³⁴To biro cũja ca ñi jãĩñaro, Jesús pea o biro cũjare ñi yũũupi:

—Bojoca, ati yepare cũja ca cati niiri mũmũre mũmũ mũmo cũi, nomia manũ cũi, tii niima. ³⁵To biri cati tuari, ape yepapũre ca ea waaparã mũnora ca niirã, mũmũ mũmo cũi, nomia manũ cũi, tiitirucuma, ³⁶ca bii yaitiparã niiri. Mũmũreco Pacũ pũto macãrãre birã nii, ñucã Mũmũreco Pacũ puna nii, biirucuma, ca cati tuaricarãpũ niiri. ³⁷Moisés majuropeera yucũgũ ca mũnũcũricũ quetire cũ ca owarique mena, ca bii yairicarã cũja ca cati tuarijere manĩ ca majiro tiimi. Tii tabere Mũmũreco Pacũ: “Yũa, Abraham, Isaac, Jacob, Mũmũreco Pacũ yũ nii,” ñupi.ⁿ ³⁸Cũa, ca bii yairicarã Mũmũreco Pacũ mée niimi. Ca catirã Mũmũreco Pacũ niimi. Mũmũreco Pacũra niipetirã ca catirã wado niicãma —ñupi.

³⁹To biro cũ ca ñiro, jĩcãrã doti cũuriquere ca jũo buerã o biro cũre ñiupa:

—Buegũ, díamacũ peti mũ ñi —ñiupa. ⁴⁰To biri cũre jãĩña nemorũgarucu, tiitiupa yua.

¿Ñiru pãrami cũ niiti, Mesías?
(Mt 22.41-46; Mc 12.35-37)

⁴¹Jesús o biro cũjare ñi jãĩñaupi: —¿Ñee tiirã Mesías're, “David pãrami niimi,” cũja ñirucuti?

^m 20.28 Dt 25.5-6. ⁿ 20.37 Ex 3.6.

⁴²David majuropeera Salmos pūuropære o biro īi owaupi:

“Ūmureco Pacu, yu Wiogure o biro īiwi:

‘Ano yu díamacū nuña pee duwiya,

⁴³ mu waparāre cūja ca doca cūmuro yu ca tiioropu,’ īiwi,” īiupi David.^o

⁴⁴ ¿To docare do biro biicāri, David majuropeera “Yu Wiogu,” cū ca īigu nii pacagu, cū pārami cū niibogajati Mesías? —cūjare īiupi.

Doti cūuriquere ca juo buerāre

Jesús cū ca tutirique

(Mt 23.1-36; Mc 12.38-40;

Lc 11.37-54)

⁴⁵Bojoca niipetirā cūja ca tno cojoro, o biro īiupi Jesús, cū buerāre:

⁴⁶—Doti cūuriquere ca juo buerā cūja ca biirique cūtirijere īa maji, bojoca catiri niña. Cūja, juti yoerije jāñacāri waa yuju, apeye nonirica taberipū cūja ca waa yujujata cāare, nūcū būorique mena jāi, tiirique booma. Nea poo juu buerica wiijeripūre wiorā cūja ca duwirijepū wado duwiruga, baarica taberi cāare añuri taberi wado ama, biima. ⁴⁷Ñucā ca manū jūmua bii yai weo ecoricarā romiri yaa wiijerire ēmama. To biro ca tiirā nii pacarā, teere tii ditorā, “¡Ca bojoca añurā peti niima!” jāare cūja īijato īirā, yoaro juu buema.

Cūja, ametuenero ñañaro tii ecorucuma —īiupi Jesús.

Ca manū bii yai weo ecorico cō ca tiicojo nūcū būorique

(Mc 12.41-44)

21 ¹Jesús, Ūmureco Pacu yaa wiipūre, Ūmureco Pacure tiicojo nūcū būorā jāarica cūmuaripūre, ca apeye pairā wapa tiirica tiiri cūja ca jāaro īaupi. ²Ñucā ca manū bii yai weo ecorico ca apeye boo pacago cāa, pua tiiacā wapa tiirica tiiri cō ca jāaro īaupi. ³To cōrora o biro īiupi Jesús:

—Yee méé mūjare yu īi. Atio, ca manū bii yai weo ecorico boo pacoro ca biigo pea, niipetirā ametuenero tiicojomo. ⁴Niipetirāpūra, paio ca cūorā niiri, cūjare ca dūjarijepūre tiicojoma. Cō pea, cō ca boo pacarije menara cō ca wapa tii baa catibopecārena tiicojo peoticāmo —īiupi Jesús.

“Ūmureco Pacu yaa wii cōa ecorucu,” Jesús cū ca īirique

(Mt 24.1-2; Mc 13.1-2)

⁵Jīcārā cū buerā mena macārā, Ūmureco Pacu yaa wiire añurije ūtā mena, ñucā Ūmureco Pacure cūja ca tiicojo nūcū būorique mena cūja ca wāmorique īari, ameri wede peni niupa. Jesús pea o biro īiupi:

⁶—Ano mūja ca īarije niipetiro, jīcāga ūtāga jotoare apega ca pejatiropū cūja ca tiipa

^o 20.43 Sal 110.1.

rũmũri earucu. Niipetirije tii yaio ecocoarucu —ĩiupi.

**Ati ʘmũreco ca petiparo
jũguero ca biipe**

(Mt 24.3-28; Mc 13.3-23)

⁷To biro cũ ca ĩiro, o biro cũre ĩi jãĩnaupa:

—Buegũ, ¿tea no cõropũ to biiroti? ¿Tea ca biiparo jũguero, do biirije to bii ĩno jũgueroti? —ĩiupa.

⁸To biro cũja ca ĩiro, cũ pea o biro cũjare ĩiupi:

—Bojoca catiri niiña, jãa ĩi dito ecore ĩirã. Paũ doorucuma yũ wãme mena ĩicãri: “Yũra yũ nii Cristo. Mee, tii cuu eacoaro bii,” ca ĩiparã. To biro ca ĩirãre nũnũticãña. ⁹Ñucã ameri jãa, cũja ca doti niirijere ameri bii ametũene nũcũ, cũja ca biirijere queti tũorã uwiticãña. Ate bii jũorucu. Biiorũna mėna ati ʘmũreco ca petirije jĩcãto bii eatirucu —ĩiupi.

¹⁰O biro ĩi nũnũna waaupi:

—Jĩcã yepa macãrã, ape yepa macãrã mena ameri jãa, ñucã jĩcã pooga macãrã, ape pooga macãrã mena ameri jãa, tiirucuma. ¹¹Bũaro jita jabe, niipetiri taberipũrena aũa boarique, diarique ca punirije, waarucu. ʘmũreco tutipũre uwiorije, ca ĩa ñaãña manirije ca bii ĩno jũguerije baurucu.

¹²”Mėna ate ca biiparo jũguero, mũjare ñee, ñaũaro mũjare tiirũga nũnũjee, biirucuma. Jãĩña bejerũgarã nea poo juu buerica wiijeripũ

mũjare jee waa, tia cũurica wiijeripũ mũjare tia cũu, ñucã yũ yee jũori, ʘparã pũtoripũ, bojocare ca jũo niirã pũtoripũ, mũjare jee waarucuma. ¹³To biro mũjare cũja ca tiiro, yũ yee maquẽre cũjare mũja ca wedepe niirucu. ¹⁴“Ñee ʘno peere ñaũarije jãa tiitijãwũ,” cũjare mũja ca ĩi ametũapere, “O biirije cũjare mani ĩi yũũjaco,” ĩi tũgoeña queno yueticãña. ¹⁵Yũ majuropeera, bũaro majirique mena mũja ca wedepere mũjare yũ tiicojorucu, jĩcũ peera mũjare ca ĩa tutirã, do biro pee ĩi majiti, mũjare boca yũũ majiti, cũja ca biipere biro ĩigũ. ¹⁶Biirãrũna, mũja rasũara, mũja yaarãra, mũja yee wederãra, mũja mena macãrãra mũjare wedejãa buiyecãrucuma. Mũja mena macãrã jĩcãrãre jĩarucuma. ¹⁷Yũ yee jũori, bojoca niipetirã mũjare ĩa tutirucuma.

¹⁸Biiorũna, mũja dũrũga maquẽro jĩcã daa ʘnora yaicoa biitirucu. ¹⁹To birora mũja ca tũgoeña bayicõa niijata, caticõa niiriquere mũja bũarucu.

²⁰”Jerusalén macãre uwamarã cũja ca nii amojodero ĩarã, “Mee, yoari mėera ati macã cõa ecoro dooro tii,” ĩi majiña. ²¹To cõrora Judea yepare ca niirã, ʘtã yucũrũ cũja duticoajato. Jerusalén macãre ca niirã, tii macãre cũja witicoajato. Ñucã macã tũjaro ca niirã cãa, macã peere cũja tua dooticãjato. ²²Ñaũaro biirica rũmũri, ʘmũreco Pacũ yee

queti owarique ca ñirore biro ca bii eari rumuri niiro biirucu. ²³Ñañaro peti tamorucuma, to biro ca biiri rumuri, utaga pacoa ca niirã, ñucã ãpũrãacã ca puna cutirã romiri. Ati yepare ñañaro tamorique niirucu. Ñucã Israel yaa pooga menare ñañaro peti cã ca tiirije niiro biirucu. ²⁴Jicãrã niipĩiri mena jĩa eco yairucuma. Aperãra, niipetiri yeparipũ cãjare ñee waarucuma. Judíos ca niitirã Jerusalén're ñañaro tii yaiorã tiirucuma. “To cõro biirucu,” cã ca iirica cuu ca earopũ, tii yerijãarucuma.

**Ca Nii Majuropeegu Macã
cã ca tua doope**

(Mt 24.29-35, 42-44; Mc 13.24-37;
1Ts 4.13—5.11; Ap 22.7)

²⁵”Muipũ, umureco macãre, ñami macãre, to biri ñocõare ca ñaaña manirije bii juorucu. Ati yepa peera bojoca poogaari niipetirãpũra bũaro tũgoeñarique pai, dia pairiya ca jabero uworije ca bujuriye juorira, do biro pee bii majiti, biicãrucuma. ²⁶Bojoca, ati yepare ca biipere tũgoeña uwima ñrãra, dia ñaacãrucuma. Umureco tutipũre ca niirã menapũra yugui peticoarucuma. ²⁷To cõrora yũ, Ca Nii Majuropeegu Macãre, yũ ca tutuarije do biro ca tiiya manirije mena, bueri bũrũrũ yũ ca boe bate duwi dooro yũre ñarucuma. ²⁸Ate to ca bii juo dooro, tũgoeña tutua, emũaro

pee ña mũene, tiiya. Mee, yoari méera mũja ametũene ecorucu —iũupi.

²⁹Ate mena ñi cõõñari, cãjare wedeupi ñucã:

—Higueragũre to biri no ca booricũ yucũgũre ñaãaaquẽ.

³⁰To ca pũu wajoaro ñarã, “Mee, cãma juũguero niicã doo,” mũja ñi ña maji. ³¹To biro mũja ca ñi ña majirore birora ano mũjare yũ ca iirije ca biiro ñarã, “Mee, Umureco Pacũ cã ca dotipa cuu ea dooro bii,” ñi ña majiña.

³²Díamacũra mũjare yũ ñi, ano mũjare yũ ca iirije niipetirije, ati cuu macãrã cãja ca bii yaiparo juũguero biirucu. ³³Ati umureco, ati yepa, peticoarucu. Yũ wederique pea yai nucãtirucu.

³⁴”Bojoca catiya, ati yepare niirã tii niirique, cũmurique, ati yepare cati niirã bũaro boo tũgoeñarique juori, ca tũo nunũjeetirã mũja ca niiro mũjare ca tiitipere biro ñrã. Mũja ca bojoca catitijata, to biro ca biiri rumũ, “To biro biibocu,” mũja ca iitiri tabera mũjare bii eacãrucu. ³⁵Ati yepa macãrã niipetirãpũre, yoo yuerica tabe ca tiirore biro bii earo biirucu. ³⁶To biri añuro nii yueya. To birora juu buecõa niiña. Ate niipetirije ñañaro ca biipere ametũa, ñucã yũ, Ca Nii Majuropeegu Macãre boboricaro maniro boca, mũja ca biipere biro ñrã —cãjare iũupi Jesús.

³⁷Jesús, umurecora Umureco Pacũ yaa wiipũ bojocare bue, ñami peera Olivos ca wãme cutiri macãnucũ buuropũ

cānigũ waarucuupi. ³⁸Bojoca niipetirã, ca boerije mena, Ëmureco Pacũ yaa wiipũ waarucuupa, Jesús cũ ca wederijere tuorã waarucurã.

**Jesús're ñeerugarã cũja
ca wede penirique**

(Mt 26.1-5, 14-16;

Mc 14.1-2, 10-11; Jn 11.45-53)

22 ¹Mee, pan're ca wauarije ca ayiaya manirijere cũja ca baari boje rũmũ, Pascua ea waaro biiupa.

²Paia ñparã, doti cūriquire ca jũo buerã, bojocare uwima ñirã, Jesús're cũja ca jĩapa wãmere ama niiupa. ³To biro cũja ca ñi niiri tabere, Judas Iscariote, Jesús buerã, pũa amo peti, ñupore pũaga penituario ca niirã mena macũrena, cũ yeripũ ñaajãa ñũcãupi Satanás. ⁴Cũ pea, paia ñparãre, to biri Ëmureco Pacũ yaa wiire ca coterãre ñagũ waari, “Jesús're o biro tiiri cũre mũja ca ñeero yũ tiirucu,” ñi wede peniupi.

⁵Cũja pea teere tuo ñjea nii:

—Wapa tiirica tiiri mũre jãa tiicojorucu —cũre ñiupa. ⁶To biri cũ pea, teere ñeecãri, bojoca cũja ca maniri tabe ñnore ama jũo waaupi, Jesús're ñee dotirũgũ.

Jesús cũ ca baa tujarique

(Mt 26.17-29; Mc 14.12-25;

Jn 13.21-30; 1Co 11.23-26)

⁷Pan're ca wauarije ca ayiaya manirije baarica boje rũmũre, Pascua macũ oveja macũre cũja

ca jĩari rũmũ ca earo, ⁸Jesús pea Pedrore, Juan're, o biro cũjare ñi cojoui:

—Pascua boje rũmũ mani ca baapere queno yuerãja —ñiupi.

⁹To biro cũjare cũ ca ñiro:

—¿Noorũ jãa ca queno yuero mũ booti? —cũre ñi jãĩnaupa.

¹⁰To biro cũja ca ñiro, o biro cũjare ñi yũupi Jesús:

—Macãre piya waarãra mũja bũarucu jĩcũ, ocogũ ca ami waagũre. Cũre ñnũ waa, cũ ca jãa waari wiipũ eari, ¹¹tii wii ñpũre o biro cũre mũja ñirucu: “Buegũ o biro ñi jãĩñami: ‘¿Dii jawi to niiti, yũ buerã mena Pascua boje rũmũre yũ ca baapa jawi?’ ñimi,” cũre mũja ñirucu. ¹²To biro mũja ca ñiro, jotoa macã jawi, pairi jawi, mee queno yuerica jawipũre, mũjare ññorucumi. Toorũ mani ca baapere mũja quenowa —ñiupi.

¹³To biro cũ ca ñi yapanoro waarã, Jesús cũjare cũ ca ñiricarore birora bũa eaupa. Toorũ Pascua cũja ca baapere quenoupa.

¹⁴Baarica tabe ca earo, Jesús, cũ buerã, baarique peorica pñi pũto ea nuu waaupa. ¹⁵Jesús pea o biro cũjare ñiupi:

—“ÿũ ca bii yaiparo jũguero bũaro peti mũja mena ati Pascua boje rũmũre yũ baarugarucuwu! ¹⁶Ëmureco Pacũ cũ ca dotiri cuu ca eaparo jũguero pũati yũ baa nemotirucu,” mũjare yũ ñi —ñiupi.

¹⁷To biro ñi, jinirica bapare ami, Æmureco Pacure, “Añu majuropeecã,” ñi yapano, o biro cãjare ñiupi cã buerãre:

—“Atere amiri, mÿja majurope ameri bato cojoya. ¹⁸Ëje ocore, Æmureco Pacu cã ca dotiri cuu ca eaparo jãguero yu jini nemotirucu,” mÿjare yu ñi —ñiupi.

¹⁹To biro ñicã ñucã, pan'gare ami, Æmureco Pacure, “Añu majuropeecã” ñi yapano pee bato noni cojogura, o biro cãjare ñiupi:

—Atea yu upuri nii, mÿja yee ca ñiipere ñima ñigũ, yu ca bii yai bojarije. Yure tãgoeñarã atere tiiya —ñiupi Jesús.

²⁰Ñucã baa yapano, cã ca tiiricare birora jinirica bapa cãare amiri, o biro ñiupi:

—Ati bapa, yu díi mena, “Æmureco Pacu wãma wãme yu tiirucu,” cã ca ñiiricare biro to biijato ñigũ, mÿja yee ca ñiipere yu ca bii yai bojape nii. ²¹Yure ca wedejãa buiyee cõapũ cãa, ano yu menara baa duwimi. ²²Biigũpũa, yu, Ca Nii Majuropeegũ Macãa, “To biro biirucumi,” cã ca ñiiricare birora biigũ doogũ yu tii. Yure ca wedejãa buiyee cõagũ pea, ñañoaro peti biigũ doogũ tiimi —ñiupi Jesús.

²³To biro cã ca ñirora, cãja majurope:

—¿Ñiru peti cã niiguti, cãre ca wedejãa buiyee cõapũ? —ameri ñi jãña jũo waaupa.

¿Ñiru cã niiti ca nii majuropeegũ?

²⁴Cã buerã pea ñucã:

—¿Niipe mani mena macã
ca nii majuropeegũ cã niiguti?
—ameri ñi wede pai ñiupa. ²⁵To biro cãja ca ñiro, Jesús pea o biro cãjare ñiupi:

—Æmureco Pacure ca majitirã watoare, ati yepa macãrã ñparã, cãja bojocare tutuaro mena doti epema, cãjare ca doti niirã peera, “Añurijere ca tiirã niima,” cãjare ñi wãmeo tiima. ²⁶Mÿja pea, to biro ca biitiparã mÿja nii. To biro biitirãra, mÿja watoare ca nii majuropeegũ ca niigũa, ca wãma maja doogũre biro cã biijato. Ñucã ca dotigũ cãa, pade bojari majure biro pee cã niijato. ²⁷To docare: ¿Ñiru pee cã niiti, ca nii majuropeegũ, ca baa ea nuu waagũ pee, baariquere ca peo cotegũ pee? ¿Baariquere peorica pñi pũto ca baa duwigũ pee méé cã niiti? Yu pea mÿja watoare baarique ca peo cotegũre biro yu nii. ²⁸Mÿja, ñañoaro yure ca biiri taberi cãare yu menara mÿja niicõa niwũ. ²⁹To biri yu Pacu, wioagũ yure cã ca tiiricare birora, yu cãa, wiorã mÿja ca niiro mÿjare yu tiirucu, ³⁰yu ca doti niiri taberũ, yu mena baa, jini, ñucã Israel yaa pooga macãrã pũa amo peti, ñupore pũaga penituario ca niiri punaarire jãña bejerũgarã, wiorã cãja ca duwiri cãmuroripũ ea nuu waa, mÿja ca biipere biro ñigũ —cãjare ñiupi Jesús cã buerãre.

“Mũ ñi ditorucu,” Pedroke
Jesús cã ca ñirique
(Mt 26.31-35; Mc 14.27-31;
Jn 13.36-38)

³¹Ñucã o biro ñiupi Jesús:

—Simón, Simón, tɔoya. Yũre mũja ca tɔo nũñjeerijere mũja ca yerijãaro tiiri, ñañaro tiirugũ jãijãwi Satanás.^P ³²To biro cã ca ñi pacaro, yũ pea mũre yũ juu bue bojajãwũ, mũ ca tɔo nũñjee yerijãatipere biro ñigũ. Mũ pea ñucã tũgoeña yeri wajoa, yũre tɔo nũñjee, biigũ, mũ yaarãre cãja ca tũgoeña bayiro cãjare mũ tiwa —cũre ñiupi.

³³To biro cã ca ñiro, Simón pea o biro cũre ñiupi:

—Wiogũ, yũa mũ menara tia cũurica wiirũ waa, mũ menara bii yai, ca biirũra niicãgũ yũ bii —ñiupi.

³⁴To biro cã ca ñiro, Jesús pea o biro cũre ñi ñiupi:

—Pedro, mecũra, ãbocũ cã ca wãcãparo jũguero itiatĩ peti, “ ‘Jesús're yũ majiti,’ mũ ñi ditorucu,” mũre yũ ñi —ñiupi.

Ñañaro biirica tabe ea dooro bii

³⁵Jiro Jesús o biro cãjare ñi jãñiupi:

—Wajopoari, wapa tiirica tiiri, dũpo jutĩ, jeerico maniro mũjare yũ ca tiicojo cojoriquere, ¿jĩcã wãme mũjare to dũjacãri? —ñiupi. To biro cã ca ñiro cãja pea:

—Dũjatiwũ —cũre ñi yũũpa.
³⁶To biro cãja ca ñiro, o biro cãjare ñiupi:

—Mecũ docare yua, wajopoa ca cũogũ, cã ami waajato. Wapa tiirica tiiri ca cũogũ cãa cã jee waajato. Niipĩ ca cũotigũ, mũ jutiro jotoa macãrore noni wapa jeeri, niipĩ wapa tiya. ³⁷O biro cãja ca ñi owarique, cãja ca ñiricarore birora yũrena biirucu: Ñañarã watoapũ biicã yai waawi. Niipetirije yũ yee maquẽre cãja ca owarique tee ca ñirore biro ca biipe niiro bii —ñiupi Jesús.^q

³⁸To biro cã ca ñiro, cãja pea o biro ñiupa:

—Wiogũ, ano pũa pĩ niipĩri nii —ñiupa.

To biro cãja ca ñiro:

—To cõrora ñiña —cãjare ñiupi Jesús.

Getsemanípu Jesús
cã ca juu buerique

(Mt 26.36-46; Mc 14.32-42)

³⁹Witi, cã ca biirucuricarore biro, Olivos ca wãme cõtiri buuropũ waacoaupi Jesús. Cã buerã cãa cũre nũnũ waaupa.
⁴⁰Toorpũ eagũ, o biro cãjare ñiupi:

—Ñañarije ca bii buiyeeerijere jãa tiire ñirã, juu bueya —cãjare ñiupi. ⁴¹Cã pea, ãtãga dee cojoricaro ca ñaacũmuro cõro yoaro cãja jũguero waa, juu buegũ doogũ,

^P 22.31 Pedro, trigo quejerire yije batericarore biro mũjare tiirugũ jãijãwi Satanás.

^q 22.37 Is 53.12.



Ea nuu waari juu bueupi Jesús. Lc 22.41

cũ ãjũro jupea ména tuetuu
ea nuu waaupi. ⁴²O biro ïi juu
bueupi:

—Cáacũ, mũ ca boojata,
ano ñañaro yũ ca tamũopere
yũre ametũeneña. Biigũpũa
mũ ca boori wãme tiiya. Yũ ca
boorore biro méé tiiya —ïiupi.
⁴³To biro cũ ca ïi juu bue niiri
tabera, cũ ca tũgoeña tutuaro
cũre tiigũ eagũ, jĩcũ Ñmũreco
Pacũ pũto macũ cũre baua
eaupi. ⁴⁴Jesús pea ñañaro cũ
ca bii tũgoeñarique pairije
watoara, bũaro jañuri juu
bueupi. Cũ ca aji puarije oco
pea díre biirije bũcũ ñaaupe
yepapũre. ⁴⁵Juu bue yapano,
wãmũ nũcã, cũ buerã pũto pee
waagũ, bũaro tũgoeñarique
paima ïirã ca cãni cũmu
waaricarãpũre eaupi. ⁴⁶To biro
bii, o biro cũjare ïiupi:

—¿Ñee tiirã mũja cãniti?
Wãcãri juu bueya, ñañarije ca
bii buiyeerijere jãa tiire ïirã
—cũjare ïiupi Jesús.

Jesús're cũja ca ñeerique

(Mt 26.47-56; Mc 14.43-50;

Jn 18.2-11)

⁴⁷Ména Jesús to biro cũ ca
ïi niirora, paũ bojoca eaupa.
Judas ca wãme cãtigũ, cũ buerã,
pũa amo peti, ðũpore pũaga
penituario ca niirã mena macũra
cũjare maa jũgueupi. Cũ pea, cũ
wajopuare ùpũrũgũ Jesús pũto
waaupi. ⁴⁸To biro cũ ca biiro,
Jesús pea o biro cũre ïi jãiñaupi:

—¿Judas, wajopuare ùpũrique
mena, Ca Nii Majuropeegũ
Macũre mũ wedejãa cõati?
—ïiupi.

⁴⁹Jesús mena ca niirã pea to
biro ca biirije ñari, o biro ïiupa:

—¿Wiogũ, niipĩiri mena
cũjare jãa quëeti? —ïiupa. ⁵⁰To
cõrora jĩcũ cũja mena macũ,
paia wiogũre pade bojari majũ
amopero díamacũ nũña peere
paa taa ñoocã coujupi.

⁵¹To biro cũ ca tiiro, o biro
ïiupi Jesús:

—Tiiticãña. To cõrora tiya
—ĩupi. To biro ñi cã amoperore
padeña, cãre yuꝑuo, tiicãupi
ñucã. ⁵²To biro tiicã, cãre ca
ñeerã dooricarã paia uparã,
Umureco Pacu yaa wii coteri
majare, aperã judíos're ca juo
niirãre, o biro cãjare ñiupi Jesús:

—¿Ñee tiirã, jĩcũ jee dutiri
majure ca ñeerã waarãre biro
niipĩiri, yucu ducari, jeeçãri
maja doojãri? ⁵³Umurecori cõro,
Umureco Pacu yaa wiipu maja
mena yu niirucujãwũ. Yure
ñeerugarucu maja tiitirucujãwũ.
Biropua, mecũ to biro maja ca
tiipa tabe ñañarije wiogu cã
ca dotirijere maja ca tiiri tabe
majare ea —ĩupi.

“Jesús're yu majiti,”

Pedro cã ca ñirique

(Mt 26.57-58, 69-75;

Mc 14.53-54, 66-72; Jn 18.12-18, 25-27)

⁵⁴To cõrora Jesús're cãre ñee,
paia wiogu yaa wiipu cãre
amicoaura. Pedro pea yoaropũ
cãjare nũnũupi. ⁵⁵Jiro cãja pea
toorũre, macã yepa decomacãre
pecame cãja ca dioro tii pecame
pũto juma ea nuu waaupa.
Pedro cãa cãja watoa juma ea
nuu waaupi. ⁵⁶Too cã ca juma
duwirucuro, jĩcõ pade coteri
majo añuro cãre ña, o biro
ĩiupo:

—Ani cãa, cã menara
niirucuwi —ĩiupo.

⁵⁷To biro cõ ca ñiro, Pedro pea
o biro ñi ditoupi:

—Nomio, yua cãre yu majiti
—ĩupi.

⁵⁸Ca yoa waatirora ñucã apĩ
Pedrore ñari, o biro ñiupi:

—Mu cãa, cãja mena macãra
mu nii cãjĩ —ĩupi.

Pedro pea o biro cãre ñi yũupi:

—Cã méé yu nii nija —ĩupi.

⁵⁹Peeto ca yoa waaro jiro apĩ
ñucã o biro cãre ñicãupi:

—Yee méé yu ñi jĩi, “Ani cãa
cã menara niijãwi. Ñañaaqué.
Galilea macãra niimi” —ĩupi.

⁶⁰To biro cã ca ñiro, Pedro pea
o biro ñiupi:

—¿Ñee unore ñigu mu ñiti nija!
Yu majiti —ĩupi.

Pedro, to biro cã ca ñi niirora,
ãbocu wedeupi. ⁶¹To cõrora Jesús
pea cãre amojode ñaupi Pedrore.
Cãre cã ca ñarora, Pedro pea:
“Ati ñami, ãbocu cã ca wedeparo
juꝑuero, itia tii, ‘Cãre yu majiti,’ mu
ñi ditorucu,” cãre cã ca ñiriquere
tũgoeña bũaupi. ⁶²To cõrora too ca
niiricu witi waa, bũaro otupi.

Jesús're cãja ca bui tutirique

(Mt 26.67-68; Mc 14.65)

⁶³Jesús're ca cote niirã pea,
ñañaro cãre ñi epe, cãre paa,
tii niupa. ⁶⁴Cã capere jutiro
quejero mena jia biatori, o biro
cãre ñi jãñaua:

—Ñi bũaya. ¿Nii mure cã paajãri?
—cãre ñi epeupa. ⁶⁵Ape wãmeri
pau ñañarije ñi tutiupa Jesús're.

**Uparã pũtopũ Jesús're
cãja ca ami waarique**

(Mt 26.59-66; Mc 14.55-64;

Jn 18.19-24)

⁶⁶Boeri tabe ca niiro, judíos're
ca juo niirã, paia uparã, to biri

doti cūriquere ca j̄uo buerã, nea poori, ɸparã p̄top̄u Jesús're ami waaupa. C̄ja pea o biro c̄re ñi j̄aiñaupa:

⁶⁷—Jãare wedeya. ¿M̄ua, Țm̄ureco Pac̄u c̄u ca tiicojoricu Mesías m̄u niiti? —c̄re ñiupa.

To biro c̄ja ca ñiro, Jesús pea o biro c̄jare ñi ȳuupi:

—“C̄ra ȳu nii” ȳu ca ñimijata c̄are, díamac̄u m̄ja t̄oticu.

⁶⁸M̄jare ȳu ca j̄aiñamijata c̄are, ȳre ȳuti, ȳre pititi, m̄ja biic̄a. ⁶⁹Biiḡur̄ua, mec̄u mena, ȳu, Ca Nii Majuropeeḡu Mac̄u, Țm̄ureco Pac̄u niipetirijep̄re ca doti tutua niiḡu díamac̄u nuña pee ȳu duwirucu —c̄jare ñiupi.

⁷⁰To biro c̄u ca ñiro niipetir̄p̄ra:

—¿To docare m̄ua, Țm̄ureco Pac̄u Mac̄u m̄u niiti? —c̄re ñi j̄aiñaupa.

Jesús pea:

—Mee, m̄jara “C̄u m̄u nii,” m̄ja ñi —c̄jare ñi ȳuupi.

⁷¹To biro c̄u ca ñiro t̄orã:

—Ñee peere ñirã c̄oro pāu c̄ja ca wede nemorije mani booticu. Mee mani majuropeera, c̄u ca ñirijere mani t̄o —ameri ñiupa.

Jesús're Pilato p̄to c̄ja ca ami earique

(Mt 27.1-2, 11-14; Mc 15.1-5;

Jn 18.28-38)

23 ¹To c̄orora c̄ja niipetirã w̄am̄u n̄cã, Pilato p̄top̄u Jesús're amioaupa. ²Toop̄u c̄re ami eari, c̄u ca t̄o cojoro o biro c̄re ñi wedejã j̄uo waaupa:

—Ani, jãa yaarãre ca ñi mec̄o niiḡure jãa buajãw̄u. “Wiogu romanore niirique wapare ca wapa tiiticãpe nii,” ñimi. Ñucã apeyera: “Țm̄ureco Pac̄u c̄u ca tiicojoricu Cristo, ‘Wiogu ȳu nii,’ ” ñimi —ñiupa.

³To biro c̄ja ca ñiro, Pilato pea o biro ñi j̄aiñaupi Jesús're:

—¿M̄u, m̄u niiti, judíos wiogu? —ñiupi. To biro c̄u ca ñiro:

—Mee, m̄ra m̄u ñi —c̄re ñi ȳuupi Jesús.

⁴To biro c̄u ca ñiro, Pilato pea paia ɸparãre, to biri to ca niirã bojocare o biro c̄jare ñiupi:

—Anire j̄icã wãme peera c̄u ca j̄ia ecope ɸnop̄u ñañarije c̄u ca tii bui c̄tiriquer̄ra ȳu buati —c̄jare ñiupi.

⁵To biro c̄u ca ñi pacaro, c̄ja pea buaro jañuro o biro ñi wedejãaupa:

—C̄u ca buerije mena bojoca niipetir̄p̄re ñi mec̄oḡu tiimi. Galileap̄u tii j̄uoupi. Mec̄ara ano Judea yepar̄u tiicã ea doomi —ñiupa.

Jesús're Herodes p̄to c̄ja ca ami waarique

⁶Atere t̄oḡu, Pilato pea:

—¿Galilea mac̄u c̄u niiti? —ñi j̄aiñaupi. ⁷Jesús, Herodes c̄u ca doti niiri yepa mac̄u c̄u ca niirijere majiri, Herodes p̄top̄u c̄re tiicojoui. C̄u cãa tii ram̄urire Jerusalén'p̄ra niupi.

⁸Herodes pea Jesús're ñaḡu, buaro ɸjea niupi. C̄u yee maquẽre c̄ja ca wedero macã c̄re c̄u ca ñarugarije, ñucã j̄icã

wāme ca ĩa ñaaña manirije
 Jesús cū ca tii bau niirijere cū
 ca ĩaruga niirije, yoacoaure.
 9Herodes pea Jesús're paꝝ cūre
 jāiñamiupi. Jesús pea cūre
 yꝝꝛucu tiitiupi. 10Paia ꝝparā,
 doti cūuriquere ꝝuo bueri
 maja cāa, toora, yerijāaricarō
 maniro cūre wedejāa niupa.
 11To cōrora Herodes, cū
 uwamarā mena, Jesús're
 ñañari wāme tii, cūre buigu,
 wiogure biro juti añurije
 cūre jāa, Pilato ꝛto peera
 cūre tuenecā cojoui ñucā.
 12Ména ꝝꝛꝛero peera ca ameri
 ĩarugati niimirucuricarā, tii
 ꝛꝛꝛere Herodes, Pilato ameri
 bapa bꝛaupa.

Jesús're cūja ca jāape
(Mt 27.15-26; Mc 15.6-15;
Jn 18.39—19.16)

13Pilato pea, paia ꝝparā,
 bojocare ca ꝝuo niĩrāre, bojoca
 cāare neori, 14o biro cūjare
 ĩiupi:

—Mꝛja anire, “Wiogꝛ cū ca
 dotirijere tii nꝛꝛꝛeeticāña,
 bojocare ĩi mecūomi,” ĩicāri yꝛ
 ꝛto mꝛja ami doojapa. Mꝛja
 ca tꝛorora, cūre yꝛ jāiñami.
 Cūre mꝛja ca wedejāarijere jĩcā
 wāme peera ñañaro cū ca tii bui
 cūtiriquere yꝛ bꝛati. 15Herodes
 cāa bꝛatijapi. Ñucā mani ꝛto
 peera cūre tuenecā cojojapi.
 Mee, mꝛja ĩa, jĩcā wāme peera
 cū ca jĩa ecope ꝛnora tii bui
 cūtitijapi. 16To biri bape doti
 yapano, cūre yꝛ pitirucu
 —cūjare ĩiupi.

17Pilato pea, Pascua boje
 ꝛꝛꝛeri cōrora jĩcū tia cūurica
 wiipꝛ ca niigure wienerucuipi.

18To biro cū ca ĩirora,
 niipetirāꝛꝛa jĩcāri o biro ĩi
 acaro buiupa:

—jJāa cōacāña cūra! jBarrabás
 peere jāare wiene bojaya!

—ĩi acaro buiupa. 19Ména ani
 Barrabás peera, wiorā cūja ca
 dotirijere junagꝛ ametꝛene
 nꝛcā, ñucā bojocure jĩacā, cū ca
 tiirique ꝝuori cūja ca tia cūurica
 niupi. 20Pilato pea Jesús're
 ca wieneruga niigꝛ niiri, ĩi
 nemomiupi ñucā bojocare.

21Cūja pea bꝛaro jañuri, o biro ĩi
 acaro buiupa:

—jPaa pua tuu cōacāña! jPaa
 pua tuu cōacāña! —ĩiupa.

22Ñucā itiati peti o biro cūjare
 ĩimiupi Pilato:

—jÑee ꝛno ñañarije cū tiijāri?
 Yꝛa, jĩcā wāme peera ca jĩa
 ecorꝛ cū ca niipe cū ca tii bui
 cūtiriquere yꝛ bꝛati. Cūre bape
 doti yapano, cūre yꝛ wienerucu
 —cūjare ĩimiupi.

23Cūja pea, “Cūre paa
 pua tuu cōacāña,” ĩirā,
 yerijāaricarō maniro bꝛaro
 acaro bui niupa. To biro ĩi
 acaro bui bayicāri bꝛaupa cūja
 ca tiirugarijere. 24To biri Pilato
 pea, “Cūja ca jāiri wāme ca
 tiipe niicu,” ĩicāupi yua. 25To
 biri cūja ca boogꝛ, wiorā cūja
 ca dotirijere junagꝛ ametꝛene
 nꝛcā, ñucā bojocure jĩa, cū ca
 tiirique ꝝuori, tia cūurica wiipꝛ
 ca niigꝛ peere wiene, Jesús
 peera cūja ca boorore biro

cĕja tiijato ĩġu, cĕre cĕjare nonicĕupi.

**Jesús're cĕja ca
paa pua tuu cĕarique**
(Mt 27.32-44; Mc 15.21-32;
Jn 19.17-27)

²⁶Jesús're paa pua tuu cĕarugarĕ cĕre ami nĕnaa waarĕ, ĩcĕ Cirene macĕ Simón ca wĕme cĕtigĕ, macĕ tĕjaropĕ ca niiricĕ ca doogĕre ñeri, Jesús're cĕja ca paa pua tuupagu yucĕgu cĕre ami peori, Jesús jiro pĕja nĕnĕjee dotiupa. ²⁷Pau bojoca, ñucĕ paĕ nomia to biro cĕre cĕja ca tiiro ĩarĕ, cĕ jiro oti, tĕgoĕñarique pai, acaro bui nĕnĕjeeupa. ²⁸To biro cĕja ca biiro, Jesús pea amojode nĕcĕ, o biro cĕjare ĩupi:

—Jerusalén macĕrĕ romiri, yĕ yee ĵuorira otiticĕña. Mĕja majurope, mĕja puna yee ca niipe peere tĕgoĕñari otiya. ²⁹Doorucu: “Ca puna manirĕ romiri, ĩcĕti ĩno peera ca puna cĕti ñaatiricarĕ romiri, cĕja ca ĩpĕo bĕcĕoparĕ ca puna cĕtitiricarĕ romiri, ĩjea niima,” cĕja ca ĩpa rĕmĕri. ³⁰To cĕorora bojoca ĩtĕ yucĕrena:

“ĶJĕare ñaapeaya!”

ñucĕ, ca emĕari buurorirena
‘ĶJĕare yaioya!’ ĩrucuma.”^r

³¹Ñañarije ca tiitigĕrena o biirije yĕre cĕja ca tiicĕjata,

Ķñañarije ca tiirĕ docare do biro pee biicĕri ñañarije cĕjare to biitibogajati?^s —cĕjare ĩupi.

³²Ñucĕ Jesús menare, pĕarĕ ñañarije ca tiiricarĕ jee waaupa, cĕ mena ĩcĕri cĕjare ĩarugarĕ. ³³Dĕpuga Ōaro ca wĕme cĕtiri buuro earĕ, Jesús're, ñañarije ca tii bui cĕtiricarĕ mena ĩcĕri, ĩcĕre cĕ díamacĕ nĕnaa pee, apĕ peera cĕ ĩcĕ nĕnaa pee, cĕjare paa pua tuu nĕcĕupa.

³⁴Jesús pea o biro ĩupi:


—Cĕacu, cĕjare acoboya. Cĕja ca tiirijere majitima —ĩupi. Uwamarĕ cĕa cĕja majurope cĕ jutirore ameri dica woogĕgarĕ, ĩ bĕarique mena tii niupa.

³⁵Bojoca pea toora ĩacĕ niupa. Ñucĕ ĩparĕ menapĕra o biro cĕre ĩ buiupa:

—Aperĕ cĕare ametĕenewi. Mecĕ docare, díamacĕra Ūmĕreco Pacĕ cĕ ca beje amiricĕ Mesías'ra cĕ ca niijata, cĕ majuropeera cĕ ametĕajato —ĩ buiupa. ³⁶Uwamarĕ cĕa, cĕre buiupa. Cĕ pĕto waari, ĩje oco ca piyarijere cĕre tĕari, ³⁷o biro cĕre ĩ epeupa:

—Mĕa, judĕos wioĕu mĕ ca niijata, mĕ majuropeera ametĕaya —ĩupa. ³⁸Ñucĕ cĕ dĕpuga jotoare, “ANI NIIMI JUDĕOS WIOĕU,” cĕja ca ĩ owa tuurica pĕi tujaupa.

^r 23.30 Os 10.8. ^s 23.31 “Yucĕgu ca catiricĕrena o biirije cĕja ca tiicĕjata, Ķca jiniricĕpu docare do biirije peti cĕja tiicĕbogajati?” cĕjare ĩupi. Ate, yucĕgu ca catiricĕ to ca ĩijata, Jesús, ñañarije ca tiitigĕre ĩro ĩi, ñucĕ yucĕgu ca jiniricĕ ĩro pea bojoca ñañarije ca tiirĕre ĩro ĩi.



Dɔpɔga Ōaro ca wāme ɔtɪrɪ buuroɔ Jesús're
raa rua tuu nɔcɔɔra. Lc 23.32-34

³⁹Jĩcũ, ñañarije ca tii bui ɔtɪrɪcũ, too ɔũja ca raa rua tuu nɔcɔrɪcũ cāa, o biro ɔũre ñi tutiupi:

—Mesías'ra mɔ ca niijata, mɔ majuropeera ametɔa, jãa ɔãare ametɔene, tiiya —ñi tutiupi.

⁴⁰To biro ɔũ ca ñiro, apĩ ñañarije ca tii bui ɔtɪrɪcũ pea, o biro ɔũre ñi tutiupi:

—¿Mɔ cāa, to birora ñañaro ca tamɔogɔ nii pasagɔ, Ʋmɔreco Pasɔre mɔ uwititi? ⁴¹Mani doca ñañarije mani ca tiirique jɔori, díamascũra ñañaro tamɔorã mani tii. Ani pea, jĩcã wāme ɔno peera

ñañarije tiitijapi —ñiupi. ⁴²To biro ɔũre ñi, o biro ñiupi Jesús're:
—Jesús, mɔ ca doti jɔo waari tabe, yɔ ɔãare mɔ tɔgoeñawa —ñiupi.

⁴³To biro ɔũ ca ñiro, Jesús pea o biro ɔũre ñi yɔɔupi:

—Yee meé mɔre yɔ ñi: Mecũra yɔ mena ca añu majuropeeri taberɔ^t mɔ niirucu —ɔũre ñiupi.

Jesús ɔũ ca bii yairique
(Mt 27.45-56; Mc 15.33-41;
Jn 19.28-30)

⁴⁴Muiɔũ jotoa decomacã ɔũ ca ñiro, to biri bɔaro ɔũ ca

^t 23.43 Paraiso.

aji cõa cõu duwi waari tabe menapɥ, ati yepa niipetiroɥra naitia peticoaupɥ. ⁴⁵Muipũ cãa, ajiticoaupi. Nũcã Æmureco Pacu yaa wiipure, ca ñañarije maniri jawire cõja ca yoo camotaarica quejero cãa decomacã yegacã duwi waaupɥ. ⁴⁶To cõrora Jesús pea tutuaro o biro ñi acaro buiupi:

—Cáacɥ, yɥ ca cati niirijere mɥpɥre yɥ ña nɥnɥjee doti —ñiupi.

To biro ñigɥra, bii yaicoaupi Jesús.

⁴⁷Uwamarã wiogɥ romano pea to biro ca biirijere ñagɥ, Æmureco Pacuɥre baja peo nɥcũ bɥo:

—Díamacũra ania ñañarije ca tiitigɥ niijapi —ñiupi. ⁴⁸Bojoca niipetirã to biro ca biirijere ñarɥgarã ca nea pooricarã pea, to biro ca biirijere ñari, cõja cotiarire paa, tiicã tua waaupɥ. ⁴⁹Niipetirã Jesús cũ ca majirã pea, ñucã nomia Galileapɥra cũre ca nɥnɥ waaricarã romiri cãa, teere yoaropɥra ña cojocã niupɥ.

Jesús're cõja ca yaarique

(Mt 27.57-61; Mc 15.42-47;

Jn 19.38-42)

⁵⁰Niiupi jicũ, ca bojoca añugɥ, ñañarije ca tiitigɥ, José ca wãme cutigɥ, wiorã ca nii majuropeerã mena macũ,^u Judea yepa macã

macã Arimatea macũ. ⁵¹José, Æmureco Pacu cũ ca dotipa cuu ca eapere ca yue niurucuricɥ, cũ mena macãrã ɥparã cõja ca tiirɥgarijere, ñucã cõja ca biirique cuti niirije mena cãare ca bootiricɥ pea, ⁵²Pilatore ñagɥ waari, Jesús upɥri niiquiriquere jãiupi. ⁵³Cõja ca paa pua tuuricũre ami duwio yapano, juti quejero lino quejero mena cũre ñmaa, ñtãgarɥ maja ope cõja ca quenorica toti, ména jicũ ɥno peerena ca yaaya maniri totipɥ cũre cõuupi. ⁵⁴Yerijãarica rɥmɥ maquẽre cõja ca queno yue niiri rɥmɥ niupɥ.^v Yerijãarica rɥmɥ pea mee, ea waaropɥ biupɥ.

⁵⁵Galileapɥra Jesús're ca bapa cuti waaricarã romiri pea, maja opere ña, ñucã cũ upɥri niiquiriquere, “To biro pee cõuma,” ñi ña, tiupɥ.

⁵⁶Jiro wiipɥ tua waa, cũ upɥri niiquiriquere cõja ca wadape ca jati añurijere queno, tiupɥ. To biri nomia pea doti cõurique ca ñiɥre biro, yerijãarica rɥmɥre yerijãaupɥ.

Jesús cũ ca cati tuarique

(Mt 28.1-10; Mc 16.1-8; Jn 20.1-10)

24 ¹Nomia pea ape semana ca nii jɥori rɥmɥre ca boerije mena, ca juti añurije cõja ca quenoriquere jee, waacoaupɥ maja operɥ

^u 23.50 Junta Suprema. Judíos ɥparã ca nii majuropeerã mena macũ.

^v 23.54 Viernes cõja ca pade tɥjari rɥmɥ, Sábado maquẽre cõja ca queno yueri rɥmɥ niupɥ. Viernes're muipũ cũ ca ñaajãa waari bii jɥo judíos cõja ca yerijãari rɥmɥ.



Jesús're cūja ca yaarique. Lc 23.53-33

īarā waarā. ²Toopu earā, maja opere cūja ca biaricaga ūtāga aperedu ca niiro bna eaupa. ³Tii operure jāa waarā, Wiogu Jesús niiquiricu upri peera buatiupa. ⁴To biri do biro to

biibujapari, cūja ca īi ameri jāiña niiri tabera, unua puarā, buaro ca ajiyaa boe baterije ca juti jānarā, cūja puto baua ea nucācāupa. ⁵Cūja pea unua yaicoama īirā, yeraru muu bia



“¿Ñee tiirã ca catigürena ca bii yairicarã watoarũ mũa amaati?” Lc 24.1-8

ñaacũmucoaua. To biro cũa ca biiro, cũa pea o biro cũjare iũpa:

—¿Ñee tiirã mũa, ca catigürena ca bii yairicarã watoarũ mũa amaati? ⁶Manimi anora. Mee, cati tuacoajãwi. Ména, Galilearũ mũa mena niĩgũ, o biro mũjare cũ ca iĩriquere ⁷tũgoeñaña: “Ca Nii Majuropeegũ Macũ, ñañarije ca tiirãrũre tiicojo eco, yucũ tenipũ paa pua tuu cõa eco, itia rũmũ jiro cati tua, biirucumi,” mũjare cũ ca iĩriquere —cũjare iũpa.

⁸To biro cũa ca iĩropũ, Jesús cũa mena niĩgũ cũjare cũ ca iĩriquere tũgoeña bũaua.

⁹Toorpũ ca niiricarã tua earã, niipetiro cũa ca iariquere Jesús buerã, pũa amo peti, dũpore jĩcãga penituario ca niirãre, ñucã aperã cãare, cũjare wedeupa.

¹⁰Teere ca queti wedericarã romiri pea: María Magdalena, Juana, Santiago paco María, to biri aperã cũjare ca bapa cãti waaricarã romiri niũpa.

¹¹To biro cũa ca iĩrije cũ buerã peera, iĩ mecũriquere biro cũjare biicãupa. To biri díamacũ cũjare tũorũgatiupa. ¹²To biro cũjare to ca bii pacaro, Pedro pea, maja operũ waagũ ũmaacoaupi. Toorpũ ea, jagueña jõene cojogũ, cũre cũa ca ũmaarica quejeri wadore iaupi. Jiro wii pee tua waagũ, to biro ca biiriquere “¿Do biro peti to biibujapari yéé?” iĩ tũgoeñarique paicã tua waaupi.

Emaús waarica maarũre ca biirique
(Mc 16.12-13)

¹³Tii rũmũrena, pũarã cũa mena macãrã, Emaús macã

Jerusalén menare, once kilómetros'pɔ ca niiri macāpɔ waarā waaupa. ¹⁴Too waarā, niipetirije ca biiriquere wede peni nɔnɔa waaupa. ¹⁵Teere wede peni, ameri wede majio cūja ca ɪi nɔnɔa waarucuro, Jesús'ra cūjare ɛmuri, cūja mena waacā nɔnɔa waaupi. ¹⁶Cūja peera cūre cūja ca ɪacā pacaro, jīcā wāmeacā cūjare ca bii camotaro macā, “Cū niicumɪ,” ɪi ɪa majitiupa.

¹⁷Jesús pea o biro cūjare ɪi jāiñaupi:

—¿Nee ɔnore mɔja ameri wede peni nɔnɔa waati? —ɪiupi.

Cūja pea tɔgoeñarique pairāra tua nɔcāupa. ¹⁸To biro cū ca ɪiro jīcā cūja mena macū Cleofas ca wāme cutigɔ, o biro ɪi yɔɔupi:

—¿Mɔ jīcāra mɔ niiti, Jerusalén'ra nii pacagɔ, tii macāre ati rɔmuri ca biijārijere ca majitigɔ? —cūre ɪiupi.

¹⁹To biro cū ca ɪiro:

—¿Do biro to biijāri? —ɪi jāiñaupi Jesús.

Cūja pea o biro cūre ɪi yɔɔupa:

—Jesús, Nazaret macūre ca biijārijere jāa ɪi. Cūa, ɔmureco Pacɔ yee quetire wede jɔgueri majɔ, ɔmureco Pacɔ, ñucā bojoca cūja ca ɪa cojorore cū ca tiirije, cū ca wederije ména cāare, do biro ca tiiya manigɔ niimiwi. ²⁰Paia ɔparā, to biri manire ca jɔo niirā, cūre cūja jīa cōacājato ɪirā aperāpɔre cūre noni cōacājāwa; cūja pea yucɔ tenipɔ cūre paa pua

tuu, tii jīa cōacājāwa. ²¹Jāa pea, “Israelitas're ca doti epe niirāre ametuenerucumi,” jāa ɪi yuemiwɔ. Ate niipetirije ca biijāro jiro, mee itia rɔmɔ ametuacoa. ²²To ca bii pacaro, jīcārā jāa mena macārā romiri ɔcueneri wāme jāare wedejāwa tee peere. Meerɔ boeri tabere, meerɔcā maja operɔ ɪarā waamijapa. ²³Cū ɔpuri niiquirique peera buatijapa.

Tua earā, jīcārā ɔmureco Pacɔ pɔto macārā baua eari, “ ‘Jesús catimi,’ jāare ɪijāwa,” jāare ɪi wede tua eajāwa. ²⁴Jiro jīcārā jāa mena macārā maja operɔ ɪarā waamijapa ñucā. Nomia cūja ca wedejārore birora ɪajapa cūja cāa, Jesús ɔpɔ peera ɪatijāna —cūre ɪi wedeupa.

²⁵To biro cūja ca ɪiro tɔo, Jesús pea o biro cūjare ɪiupi:

—¿No cōro peti tɔo puoti, ñucā ɔmureco Pacɔ yee quetire wede jɔgueri maja cūja ca ɪirique niipetirorena tɔo nɔnɔjee jeeñoti, ca biirā peti mɔja niicāti? ²⁶¿Too docare ɔmureco Pacɔ cū ca tiicojogɔ Mesías, Wiogɔ cū ca niiparo jɔguero, ñañaro cū tamɔricaro maniupari? —ɪiupi.

²⁷To biro cūjare ɪi, ɔmureco Pacɔ wederique cū ca biipe maquēre cūja ca owarique niipetirije, Moisés cū ca owaquirique mena cūjare wede jɔo waa, ɔmureco Pacɔ yee quetire wede jɔgueri maja cūja ca owariquerɔ mena cūjare wede majio nɔnɔa waaupi.

²⁸Cãja ca waarica macãre cãja ca ea waarora, Jesús pea ca ametuacoarure biro boca biupi.

²⁹To biro cã ca biiro cãja pea:

—Waaticãña. Anora jãa mena tuaya. Mee, ñamipũ nii. Naitiacoaropũ bii —cũre iũupa. To biro cãja ca iiro cãja mena tuarũgu jãa waaupi. ³⁰Jiro, cãja mena baarique peorica pĩ pũtopũ duwigũ, pan're ami, Æmũreco Pacure, “Añu majuropeecã” ïi juu bue, pan're pee batori cãjare tiicojoui. ³¹To biro cã ca tiirije menara, cãre ïa majiupa. Cã pea yaicã ũmaa waaupi.

³²To cõrora cãja pea o biro ameri iũupa:

—¿To birira maarpũ mani mena wede peni, Æmũreco Pacũ yee cãja ca owa cũuriquere manire wede majio, cã ca ïi nũnũa dooro, mani yeripure to cõro ucũeneri wãme manire to boca bii niitjapari?— ïiupa.

³³To biro ïi, jicãtora tuacoaura ñucã Jerusalén peera. Toorpũ earã, Jesús buerã pũa amo peti, ðupore jicãga penituario ca niirã, aperã cãja mena macãrã, ca nea pooricarãre bũa eaupa. ³⁴Cãja pea o biro cãjare ïi bocaupa:

—Díamacũra Wiogũ cati tuagura biijapi. Simón Pedrore baua eajapi —cãjare iũupa.

³⁵Cãja pee cãa ñucã maarpũ cãja ca waaro cãjare ca biiriquere, ñucã Jesús pan'gare cã ca pee batoro cãre cãja ca ïa majiriquere, cãjare wedeupa.

**Jesús cã buerãre
cã ca baua earique**

(Mt 28.16-20; Mc 16.14-18;
Jn 20.19-23)

³⁶Cãja pea ména atere cãja ca wede niirora, Jesús pea cãja watoa baua ea nucãri, o biro cãjare ïi añu dotiupi: “Añuro niirique mũjare to niijato,” iũupi. ³⁷Cãja pea, “Ca bii yairicũ wãtĩ niicumĩ” ïi tugoeñari, ucũacã yai waaupa.

³⁸To biro cãja ca biiro Jesús pea o biro cãjare iũupi:

—¿Ñee tiirã mũja ucũacoati? ¿Ñee tiirã “Cãra niimi,” yũre mũja iititi? ³⁹Yũ amorire, yũ ðuporire ïaña. Yũra yũ nii. Yũre padeña, ïa, tii ñaaqué. Jicã ca bii yairicũ wãtĩa, yũ ca biiro yũre mũja ca ïarore biro díi cuti, òa cuti, biitimi —iũupi.

⁴⁰To biro iigũra, cã amorire, cã ðuporire cãjare iñoupi. ⁴¹Cãja pea buaro mũjea nii, ucũa, biima iirã, “Cãra niimi,” cãja ca iitiro macã, o biro cãjare ïi jãiñaupi Jesús:

—¿Anore baarique ñno mũja cnoti? —iũupi.

⁴²To biro cã ca iiro, wai pũoricũ ðucare cãre tiicojoupa. ⁴³Cã pea tii ðucare amiri, cãja ca ïa cojorora baaupi.

⁴⁴Baa yapano, o biro cãjare iũupi:

—“Yũre ca biijãrijea, mũja mena niigũ, Moisés niiquiricũ cã ca owarique, Æmũreco Pacũ

^w 24.32 “To birira mani yeri añuro méé patu paajapa.”

yee quetire wede jũgueri maja, to biri Ƴmũreco Pacũre baja nũcũ bũorica pũuripũ^x yũ yee maquẽre cũja ca owarique ca ñirore biro biirucu,” mũjare yũ ca ñi wederique biro biijãwũ —ñiupi.

⁴⁵To biro ñi, cũja ca tũgoeña niirijepũre pãaupi, Ƴmũreco Pacũ wederiquere cũja ca tũo majipere biro ñiũ.

⁴⁶O biro cũjare ñiupi:

—O biro ñi owarique nii: “Ƴmũreco Pacũ cũ ca tiicojoricũ Mesías bii yai, ñucã itia rũmũ jiro cati tua, biirucumi. ⁴⁷Cũ ca dotirije mena, bojoca poogaari cõrorena, ‘Ñañarije mũja ca tiirijere tii yerijãa tũgoeña wajoaya, ñañarije mũja ca tiirijere Ƴmũreco Pacũ mũjare cũ acobojato ñirã,’ ñi wede jũoriquere niirucu Jerusalén ména,” ñi. ⁴⁸Mũjara mũja nii, atere “To birora biiwũ,” ca ñi wedeparã. ⁴⁹Yũ pea, yũ Pacũ, “Yũ tiicojorucu” cũ ca

ñiricũ Añuri Yerire mũjare yũ tiicojorucu. Mũja pea ména, Jerusalén macãrã niicãña, Ƴmũreco tutipũ maquẽ yeri tutuarique ca doorijere mũja ca boca amiparo jũguero —cũjare ñiupi Jesús.

**Jesús Ƴmũreco tutipũ
cũ ca tua mũa waarique**
(Mc 16.19-20)

⁵⁰Jiro Jesús, Betaniapũ cũjare jũo waa, toorpũ cũ amorire juu mũene, añuro cũjare ca bii mũa nũcãpere cũjare jãi bojaupi. ⁵¹Añuro cũjare ca bii mũa nũcãpere cũjare jãi boja niigũra, cũjare camotati, Ƴmũreco tutipũ amicã mũa waa ecoupi. ⁵²Cũja pea cũre ñi nũcũ bũo yapano, bũaro Ƴjea niirique mena Jerusalén'pũ tuacoaura. ⁵³Ƴmũreco Pacũ yaa wiipũ to birora Ƴmũreco Pacũre baja peo nũcũ bũo, tiicõa niirucuupa. To biro to biijato. Lucas

^x 24.44 Salmos.